

存
吾
文
稿

存吾文彙

雜著

原文

原心學

原才

石刻濂谿先生遺像述

無極主靜解

慎微

顯微

詁易

天秉陽垂日星解

書赤道南北兩總星圖說

書測恒星黃道經緯儀說

書測恒星赤道經緯儀說書紀限儀說附

書王蕃渾天說

記周禮太史正歲年

天左旋解

掛枘象閏解

旅酬攷

九獻攷

千乘攷

輓輒攷

釋射

書王學質疑後

書儀禮鄭注句讀後

讀鄭注

書爾雅正義後

律中黃鍾之宮辨

寢衣辨

讀書子問

與陳體齋論小功爲位

民貴

富民

節烈辨

捕姦議

書荀子後

書劇秦美新後

書參同契

書前漢武帝記

書浯溪新志後

明指揮使謝公承任死事傳後序

家諱四禮訓並叙

舜陵考

書米脂令邊大綬事

跋龍標竹枝詞

書習園宗先生經解後

書安陸宗習翁剛柔正而位當解後

登仕一紀錄

存吾說

傳

郝京山先生傳

王船山先生傳

明孝廉馮一第傳

羅洋山人傳

朱侍讀學士筠傳

張太史江傳

江慎修永傳

江節婦傳

存樸居士傳

郭君小傳

論

老子論

曹參論

荀彧論

書

薦吳秀才書

復劉經雪書

答朱伯堦書

復陳體齋書

復阮少冠吾山書

石渠寶笈
答陳體齋書

與蔡東墅同年書

復紀大宗伯書

復余習園書

記

建朱子祠記

補修石鼓書院記

敦大中丞重修城南書院記

顏大中丞建普濟堂記

李大中丞修江神廟記

牌樓山記

余氏宗祠記

詒穀草堂記

城南書院雙桂屏記

伍氏義莊記

序

送同館謝蘊山出守鎮江序

送敦大中丞總督倉場詩序

城南書院送別詩序

送曠响樓前輩由嶽麓歸衡山序

贈劔南李公序

送莫樸齋謁選序

送學博李湘琳歸養序

鳴吾集序

城南課藝序

曠翁與參八十壽叙

陳母成太夫人七十壽叙

秦母劉太夫人七十壽叙

善化少尹秦尉六十壽叙

竹翁歐陽君六十壽叙

謝蘊山同年再之任江南太守元唱并諸同志和

章叙

張母艾孺人八十壽叙

黃振南時文叙

叙

叙

武岡曾氏譜叙

序建愛蓮池亭題額

吳石田詩叙

行狀墓誌銘

陳恪勤公行狀

劉經雪行狀

故掌陝西道葛君墓誌銘

孝廉黃華川墓誌銘

原任安徽宿松縣知縣黃君秋水墓誌銘

戴東原事畧

祭文

同年公祭陳勾山太老師文

同鄉公祭桂林大學士陳公文

祭相國兩江總督高公文

祭大司空羅南川先生文

祭陸大中丞文

祭井塘神文

祭埽竹廟神文

表

平定兩金川賀表代

賦

虛舟賦

雙梧賦

存吾文橐

長沙余廷燦卿雯擬著

原文

文者肇於太極。胎於陰陽。奇偶產於圓頂。方趾四肢。五
鑿端倪。於惻隱羞惡。辭讓是非。炳蔚於君臣父子夫婦。
昆弟師友賓主。散見於谿谷牝牡華實珠璣。跂行喙息。
蠓飛螻動。蒼萃於易象詩書禮樂春秋孝經論語孟子。
文其不可以已。而自流形者。故天有所不可已。而後二
曜五緯三垣列宿衆星。形於亘古者。爛乎其有章焉。地
有所不可已。而後五嶽四瀆九州名山三百支川三千。

形於亘古者。粲乎其有理焉。矧是人文宣洩。元黃淪浹。肌髓符契。性命綱紀。倫理歷堯舜禹湯文武之制作。皐陶伊萊望散周公之佐佑。孔子之金聲玉振。顏子孟子之春溫秋肅。繩繩繼繼。穆穆皇皇。靡不因自然之文。庚續利導而益之。則懼其爲僞。爲文遏之。則懼其爲闇。爲鬱。蓋始自一而二。二而四。四而八。八而各自其八。而生生不可已。至於生生不可已。而繁會者。自有所統。壹雜糅者。自有所剖。辨而至文寓焉。而大文呈焉。是故江淮河濟。莫曲折於禹之文。然不過因水以爲師。春秋冬夏。莫精析於堯之文。然不過因寒暑以爲師。易象詩書春

秋。鉤。深。際。遠。大。載。小。破。至。於。光。燭。六。合。聲。振。八。紘。然。不。過。因。其。不。可。以。已。者。以。爲。師。天。地。有。無。色。之。色。無。聲。之。聲。無。體。之。體。人。色。無。色。之。色。聲。無。聲。之。聲。體。無。體。之。體。而。文。卽。以。色。無。色。之。色。爲。色。以。聲。無。聲。之。聲。爲。聲。以。體。無。體。之。體。爲。體。是。故。其。筆。畫。之。繪。爲。形。容。曲。折。也。則。韻。制。字。而。鬼。哭。也。其。響。籟。之。激。爲。節。奏。揚。抑。也。則。倫。吹。律。元。而。鳳。跄。也。其。結。構。之。遇。方。成。矩。遇。圓。成。規。也。則。姮。旦。之。面。朝。背。市。左。祖。右。社。而。九。經。九。緯。九。涂。無。有。遠。近。幽。明。莫。不。絡。繹。奔。赴。受。享。奉。職。也。未。有。文。而。天。秘。其。高。地。秘。其。險。日。月。秘。其。采。山。川。秘。其。富。人。秘。其。性。情。而。萬。物。

秘其繁蹟。自有文而天效其章。地效其理。日月效其光。華山川效其動靜。人效其秀靈。變化而萬物效其幽遐。瑰瑋文固盡人性以盡物性。而參天兩地。成位乎中者也。管子書謂五方之民。其聲之清濁高下。俱各象其川。原泉壤淺深廣狹而生。然則清濁高下。固川原泉壤之不可以已者。而聲因而肖之也。夫人文之於天地。亦若是而已矣。故有文則安。有文則治。無文反是。然遇之不可謂有文。益之亦不可謂有文。歷周末秦漢唐宋元明。中更六朝五代。一一不差銖黍。蓋數而爲文也。與其默成於身。施被於事也。一而二。二而三。三而一。若鼎之有

足然而缺其一則岌岌兢兢不可以安者也。後人謂文以明道。謂文以載道。又謂文士浮華無與於道。夫文外無道。文卽道也。孔子言道則不言文。言文則不言道。彼淺之測文者。文之不知矣。於道復何有。

原心學

心。妙。萬。物。於。其。變。而。能。以。意。造。有。者。也。性。涵。萬。物。於。其。
天。而。不。容。以。人。參。僞。者。也。性。不。與。心。雜。糅。而。心。亦。本。不。
與。性。分。割。者。也。惟。性。乘。心。則。心。第。效。其。神。靈。變。化。之。用。
於。性。而。性。自。不。授。心。以。權。惟。心。混。性。則。性。掩。其。純。粹。中。
正。之。實。於。心。而。心。且。背。性。而。冥。行。妄。徼。夫。自。告。子。壹。意。
制。心。其。言。曰。不。得。於。言。卽。不。必。求。明。於。心。其。或。不。得。於。
心。亦。無。事。求。助。於。氣。彼。固。謂。仁。義。絕。無。與。於。吾。心。而。一。
切。盡。斷。不。求。宵。宵。焉。默。默。焉。寂。照。孤。懸。焉。以。爲。適。還。其。
心。之。本。體。而。妙。明。自。於。是。乎。出。故。其。言。性。則。又。析。性。於。

心外而謂生爲性。夫生卽氣也。告子旣不求於氣而專求於心。是則第以息然常止之心爲心。而初不以心爲性也。此心學之濫觴也。越數百餘年。有黠者焉。聞吾儒言性。則因告子之心學。而小變其說曰。卽心卽性。以爲吾事吾心。吾本非遺外性也。吾事吾心。而吾心光明。際天地而無不照徹。卽其性也。是則異氏以冷然無炯然。覺之心爲性。亦猶告子以息然常止之心爲心也。彼雖合性於心。猶性其所性。而非吾所謂性也。越數百餘年。又有黠者焉。聞吾儒以仁義爲性。則又因異氏之言。而文之曰。卽心卽性。此非異氏之言。而孟子之言也。孟子

曰仁人心也。且非孟子之言。而孔子之言也。孔子曰仁者人也。是其人魁豪材辨。又曰挾四子六經書出入會合。其言之有故。其持之有理。以故一時標揭心學鼓動號召。直若考諸孔孟而不謬。而其宗旨則歸於顏顓自攝其心以養靜中端倪。而其視仁義禮智亦如異氏所云山河大地。第從靜中端倪照現呈露而出。其心淡漠而一無所與。又空明而不可窮。則亦仍以冷然無炯然覺之心爲性而已矣。嗟乎昔之譎誕者。止攘莊周列禦寇之說。爲異氏語言生精彩耳。若夫剽掠孔孟仁義以佐其妙悟。極其幽詭。其植根益深。其波流益壯。而其所

立亦遂操縱闔闢遠駕出於異氏告子之上是以通敏岸異者無不樂其說之簡捷徑直便其心之空虛儻宕而因借以自遁託以相高則嘗就其言而反之曰孔子謂仁者人也非謂人者仁也孟子謂仁人心也非謂人心仁也夫心之渾然其皆備肫然懇然其不可已者乃所謂性也被敢於文孔孟之言而不顧非卽其以意造有以人參僞者之一端歟或曰百果草木之有根也猶人之有心也培其根勃然怒生寧不卽爲性乎曰勃然怒生者皆是也根爲之也美種何以必不雜出爲莠稗則其性存也幾希者亦若是焉而已矣今謂百果草木

之根。寓有性焉。則可。如卽以爲性。是蕢稗之根。亦莫非性也。其可乎。然則所謂光明照徹者。非卽智之性乎。曰。性之智。合仁義禮智而言之也。正也。心之光明照徹外。仁義禮智而言之也。私智也。且聖人於義猶半用而智則全不用。亦猶天之大冬。以不用爲用也。夫用聖人不用之智。而又騁其私。以求其冷然無炯然覺。是其心亦復何所不可至哉。

原才

性無形而才有質。專言性則人與物共焉者也。兼言才則人與物分焉者也。中庸溯自天命流行物與无妄窮本極源以言性。故曰天命之謂性。是則性一而已矣。草木禽獸皆舉之矣。若夫圓頂方趾四肢五鑿之器。視齒去其角翼。兩其足之器。相去何止屢之與簣。肥之與磽。此其才之萬萬不可同者。卽性亦因而有殊異。如一則注水於清渠。一則瀦水於污瀆也。然才可別人於物而斷不可別人於人。故孔子曰性相近。孟子曰性善。又曰同類相似。固皆以其才之相近相似而益知其性之相

近相似者何則人會合五行之秀以生莫不備五官完五德蓋才之最全固無如人者矣然天何不並益以羽毛鱗介爪牙以肆其才於無極而一束之於耳目口鼻手足又若才有所範而不得過者則以羽毛鱗介爪牙特濟惡之才而耳目口鼻手足則皆能衛性復性之才也孝經曰人爲貴董子亦曰貴於物正兼才言之也雖取數多受氣備其勢亦不能保其必無雜糅蔽虧之分然或就學而愈明或畏威而可制其才之可移而不同於物之不可移又無不相近相似者故孟子曰非才之罪非降才之殊則才不惟不足以掩性而且與之以衛

性。復。性。明。矣。明。於。才。而。後。知。孔。孟。之。言。性。合。亦。明。於。才。
而。後。知。人。之。可。恃。而。性。之。本。天。者。益。尊。一

性。善。而。已。矣。然。孔。子。則。不。曰。性。善。而。曰。相。近。者。正。兼。括。
夫。人。所。稟。受。之。才。卽。小。有。不。同。要。靡。不。歸。於。大。同。而。非。
若。物。之。截。然。必。不。可。同。者。言。之。故。約。概。其。辭。曰。人。性。相。
近。也。其。後。孟。子。以。情。之。善。驗。人。性。而。又。以。才。之。善。驗。人。
性。正。根。源。於。此。然。孔。子。又。曰。下。愚。不。移。者。天。之。生。大。聖。
也。不。數。其。生。大。惡。也。亦。不。數。蓋。有。更。千。百。年。而。始。一。遇。
者。矣。有。閔。什。伯。萬。人。而。尙。不。一。遇。者。矣。夫。必。如。是。然。後。
爲。不。可。移。之。才。又。以。見。才。之。萬。不。可。移。者。之。甚。少。而。其。

他固無不可移而惟所習之不可不慎甚矣。聖言之簡且理也。舉其中而不遺其上下。所以與習有權也。習有權而性之權愈重而不可奪。或曰才既可習而遠則才烏得無罪。不知近者可使之遠。即遠者仍可使之近。惟其爲人之才具四體全五官乃足與五性相輔相導而終不相反。若銳喙決吻深爪出目如禽獸者則終始於遠而已矣。即偶近其一亦全遠其四而已矣。奈何不罪習而轉罪才。他日孔子繫易曰繼之者善成之者性。夫所謂成之者亦兼才之所成言之也。天命之性固不能不妙合於氣質之中而始見也。蓋孟子即才驗性其學

有所受。而其言爲天下之公言如此。若韓子者、其近似孔孟者乎、彼荀也揚也、或言性惡、或言性混、吾不知其將何居焉、

石刻濂谿先生遺像述

自荀揚耆儒與孔孟同門異戶七八百年道喪文弊心性茫無津逮是故遁空虛者如追岐羊識正鵠者亦格魯縞羣言殽出靡有統壹先生去聖益遠身際趙宋心符義禹覃思春陵萬峯中覓覓孤影有以通神明而參造化是故其學潔淨精微壹稟天命見天心接謦欬於魯鄒著晬盎於光霽風雨如晦明入地中先生乃始東出而中天被六合以清明廣大者乎所不槩然於陸氏者謂無極之文贅也主靜之說空也以是蚍蜉撼樹斷斷未已靡不以老氏有生於無之旨爲詭病則盍不返

而自驗諸心。今夫人各具性於心。非卽太極乎。非無其
迹而自有其準者乎。且凡有極可準者。必涉形器明矣。
聖人因易不可見。借極以相肖似。抑又明矣。先生之推
言無極者。猶曰本無形器云爾。猶曰渾然寂然而實誠。
然云爾。蓋無爲極言。非爲有言也。知無極之無爲極言。
則知無極之極粹然微妙。知無極之極粹然微妙。則靜
者爲主。正以還其發微不可見之本體。卽以裕其充周。
不可窮之大用。又有不待辨而自知者。讀者深文不知。
鼓鐘於宮。而徒測響於外。是區區者。誠不足爲損益。獨
念先生之學。二程親炙德輝。吟風弄月。考亭賡續推闡。

益大以光。蓋先生之學。萬世之學也。孔孟正傳寄焉。而時近居邇者。日讀先生書。乃不克繼序嗣音。究窮絕業。又自嘉隆時。閭位餘分。簧鼓號召。動與濂洛關閩波瀾。牽引久猶未熄。每見鄉邑材雋。趨新信口。不覺依聲附響。喜異厭同。亦自悔曩日聽熒視眯。出純入駁。并爲一談。及反覆於金谿姚江參驗。是正乃嘆。哲人之已遠。悼微言之莫尋。作於意氣者。傷乎粹務。於徑約者。失巧利。狃於聞見者。汨本源。尚跂洗濯。其心根極。其要追逐。午夜鑢仰。末光庶獲。有聞於百一。而石刻遺像。儼然在焉。詠那頌之。卒章高山仰止。雖不能至。然心嚮往之矣。

無極主靜解

洪範首五行。大易首陰陽。夫子於陰陽之上。則繫之曰。易有太極。然兩儀四象五行。本有容狀。可以名命。有往來消息。衰旺盈虛。可以數紀。故曰。儀曰象。曰行。又曰。兩曰四。曰五。獨太極則名與數所不居。而實則凡有名與有數者。所莫外在三聖人。心知其意。而未宣之言。以達其意。定其名。夫子因借極之名。肖似形容。謂是固天地萬物之總萃會合。無有或遺者矣。周子恐人之稱太極者。亦猶儀也。象也行也。有可狀而名。有可指而數者。故申之曰。無極。以見太極不涉名數。固非若兩儀四象五

行猶有倫可擬而其蘊則該括渾涵於兩儀四象五行萬有又自無所不在故曰無極而太極夫古聖人取則於天多自近而有徵者始是以洪範一書源而上之至五行止矣太易一書源而上之至陰陽止矣夫子贊易乃由陰陽源而上之曰有太極則盡乎萬有之宗所謂本隱以之顯者夫子言有而周子言無非枝也天下之因其有是名卽徵其有是狀者皆物也物則不通惟太極尊無與對大無不涵隱無弗寓則言無極者正言太極之純粹以精無二無雜無容參以言思擬議之妙也於太極又寧有二而不一耶若夫主靜立人極則又非

周子之言而大易之旨也。乾用九曰見羣龍无首羣龍
陽動也。而曰无爲首。非主靜乎。坤用六曰利永貞。夫子
又繫之曰以大終。以大終陽動也。而曰利永貞。非主靜
乎。蓋陽德統貫於乾坤六十四卦。而无爲首。利永貞。則
主其中。此蓋造化之秘妙也。三聖人於乾坤二卦宣之
以爲全易之精蘊。奧旨莫邃於是。周子所謂主靜者。正
若是焉而已矣。卽所謂無極者。亦若是焉而已矣。何則
无首者。乾元無端也。卽無極也。惟其體無極。故其用无
首而永貞可知矣。彼以無極主靜爲墮於老氏宗旨者。
則大易之用九用六又何說以相解耶。

慎微

通。於。物。之。性。而。制。之。者。其。神。乎。神。農。氏。通。百。草。之。性。如。
氏。通。百。川。之。性。稷。通。百。穀。之。性。爲。之。劑。而。用。之。利。而。導。
之。物。土。宜。而。布。之。是。以。疵。厲。和。高。下。奠。榮。衛。滋。使。是。三。
者。咸。止。其。所。止。而。不。過。乎。物。然。神。農。氏。能。制。藥。之。性。以。
扶。疾。不。能。兼。制。醫。之。不。小。誤。於。燠。寒。稷。能。制。百。穀。之。性。
以。養。生。不。能。兼。制。民。之。偶。不。時。其。饑。飽。禹。能。制。水。之。性。
以。注。海。不。能。兼。制。防。之。不。乍。潰。於。蟻。穴。綫。雷。吁。嗟。江。河。
有。時。泛。溢。直。潢。汙。之。不。如。矣。參。朮。有。時。殺。人。曾。菰。苓。之。
不。若。矣。稻。粱。有。時。伐。性。且。蕒。稗。之。不。如。矣。而。其。患。皆。自。

微始豈三聖人之智有所及復有所不及耶其亦可制
之數止於此而智有所窮心有所待耶吁此聖人所以
不憑已然之效不徵可見之迹而必防其微謹其幾常
與天下同其憂患然後調陰陽翕河嶽拯饑溺而與斯
民相濟於無窮也

顯微

詩言上天之載無聲臭矣。然又曰鶴鳴于九臯。聲聞于天。惟上天有聲。是以聲聞其聲也。又曰倬彼雲漢。爲章于天。惟上天有色。是以章爲其章也。則又何獨上天爲然哉。今夫呼谷者。自聞其聲。立竿者。卽見其影。故詩又曰。無言不讎。無德不報。予一夕讀小雅旱麓詩。至其三章。沉吟之。反覆之。咏嘆淫液久之。已乃淵淵抗聲歌曰。鳶飛戾天。魚躍于淵。何其與文王之不識。不知順帝之則。同一化機。洋溢氣象也。孔子所謂從心而不踰其矩者。於文王見之矣。吾乃知文王作人之德。與其感孚之

不○平○之○事○
盛○是○以○志○同○而○氣○合○魚○川○沫○而○鳥○雲○飛○也○噫○惟○其○有○之○
是○以○似○之○天○人○相○與○之○際○其○微○矣○哉○其○可○不○畏○也○哉○

詰易

包荒者寬裕溫柔足以有容也用馮河者發強剛毅足以有執也不遐遺朋亡者文理密察足以有別也得尙於中行者齋莊中正足以有敬也

剛質也柔文也質本也文末也或疑剛上文柔何以言分也末則附於本矣豈本亦附於末乎曰凡柔之文皆剛有以文之也猶月無光以日之光爲光也柯葉蔚茂者根貫其精膚革充盈者神輸其王必待華葉成實而歸於種乃爲分剛上也於義得母有未該乎

言揚火也火必有所麗而後傳言必有其物而始立故

家人之大象曰言有物。夫火麗於薪。薪陰也。言準於事。事陰也。是象離之中畫偶也。猶後天之終。萬物始。萬物者皆陽。而其中必藉陰之致役以顯也。然乾之九三則奇也。而文言傳曰修辭立誠。夫辭立誠非卽言有物乎。而奇畫偶畫分焉。又何也。乾健體也。立誠則以體言也。蓋曰若乾之九三終日乾乾。至夕猶惕。若則天命無時不存於心。而辭立其誠矣。離明用也。有物則以用言也。蓋曰若家人之六二正位乎內。萬事肇端。豪無曖昧。則明命無時不行於事。而言有其物矣。九三之辭立誠。猶先天之乾位乎南。爲君以統天於南也。六二之言有物。

猶○後○天○之○離○位○乎○南○萬○物○皆○相○見○於○南○也○然○必○先○立○誠○而○後○物○有○其○物○亦○必○能○有○物○而○後○誠○立○其○誠○蓋○傳○曰○不○誠○無○物○有○物○豈○苟○然○哉○

艮○之○不○獲○其○身○不○見○其○人○其○卽○坤○之○東○北○喪○朋○乎○是○故○位○坤○於○西○南○致○役○致○養○萬○物○成○焉○卽○利○得○朋○之○義○也○位○艮○於○東○北○成○始○成○終○天○命○續○焉○卽○不○獲○其○身○不○見○其○人○之○義○也○夫○子○曰○艮○東○北○之○卦○也○固○謂○艮○之○心○德○與○坤○之○能○喪○朋○一○而○不○二○者○也○彖○辭○與○圖○位○互○證○愈○見○文○德○之○純○亦○不○已○也○

天秉陽垂日星解

天秉陽垂日星。謂陽主施也。地秉陰竅於山川。謂陰主受也。播五行於四時。非山川播之。謂日星播之也。日中星鳥。則播爲春分。日永星火。則播爲夏至。堯典其明徵也。參以月令。日在營室。昏參中。旦尾中。爲孟春。爲盛德在木。而益信四時有其播之者。何謂和。日星有短永。有贏縮。有分至。有啓閉。有南北煖寒。有東西早暮。凡陰陽消息。一與四時相進退。轉運而後和。和而後月之晦朔。絃望。因以生焉。今夫月無光。以日之光爲光者。日之四序。晷刻不得其和。卽月之三五盈虧。不得其準。施受一

氣也。然惟中國當赤道。北寒。煖。溫。涼。得天地之中。故月之盈虧。亦與平氣應。若夫兩極之下。其地大寒。又或以半年爲晝。半年爲夜。彼其望月。卽有盈。有虧。亦必不如中土之晦朔絃望。互相停調。朱子謂不和。豈必月不生。釋朱子未盡之說。則經言月生者。正謂其舒光吐曜。一如五行四時之冲氣會合。故曰和而後月生也。一

書赤道南北兩總星圖說

赤道南北兩總星圖、西士湯若望撰、並繫以說、而徐文定光啟序其端、兩圖圓徑占紙八幅、幅廣尺五、合八幅廣十有二尺、徑十尺、列之若屏障、人渾身在天垣也、己酉、庚戌間、京邸餘暇、每訪星官、疇人學、揆日測影、吾友那伯約笑其勤而無所、因出此圖以付予者、若望之說曰、凡圖星者、以中州所恒見者爲圖、以所不見者爲止、界故詳於北而畧於南、西法則以兩極爲心、以赤道爲界、平分南北二圖、以括渾天可見之星、而兩圖規其外、分三百六十者、是名平度、規其內、分三百六十五度、四

分度之一者、準一歲太陽行天一周之數、是名日度、而總爲天之經度、其一以北極爲心、一以南極爲心、繇心至邊九十度、兩極相距百八十度者、是爲天之緯度、予讀明史、懷宗詔問監臣推測雨水節氣、何以先後不畫一、李天經奏言、有平節氣、有定節氣、平節氣者、以一歲之實二十四平分之、每得十五日有奇、爲一節氣、而從冬至起算、必越六十日、八十七刻有奇、爲雨水、定節氣者、以三百六十爲周天度、亦以二十四平分之、每得十五度爲一節氣、而從冬至起算、歷五十九日二刻有奇、太陽行滿六十度、卽爲雨水、蓋太陽之行、有盈有縮、宜

用法加減。則是圖之分平度日度。正天經奏論所根據。故若望之說亦曰。凡造器測天。推步演算。皆先用平度。次以日度通之。乃得真度分也。又天之經度。但測東西。而緯度。兼推南北。更爲密率。是以徐文定亦言。近世測驗者。大都宗郭守敬法。至若天有緯度。地有經度。皆古所未聞。惟西法有之。則是圖於經度外。又增緯度。乃其扞而確者也。又其說曰。兩圖從赤道極至界分。二十八直線者。依二十八宿各距星所占度分也。蓋距星度分。俱隱有移動。如觜宿距參。漢測二度。唐測一度。宋測半度。明測之。不啻無分。且侵入參宿二十四分。非星有異。

行易位也。大約以近赤道極遠赤道極爲疎密。故李天經之論亦曰：恒星本以黃道極爲極。然行漸近赤道極。卽赤道所出過距星綫漸密。其本宿赤道弧則較小。漸遠極。卽過距星綫漸疎。其本宿赤道弧則較大。此是圖二十八直綫必起從赤道極以定距星所占度分也。又其說曰：去極三十三度半有奇。復作一心者。黃道極也。從黃道極出曲綫抵界共十二者。乃黃道經度分十二宮者也。蓋赤道極卽魯論北辰而黃道極則古所未聞。緣古人推步但以赤道爲主。故周天三百六十五度皆從赤道分而統於其極。然日月五星皆依黃道行而行。

又有出入遠近。其行度之舒亟轉變。測法多端。皆以所當黃道。及其距黃道之遠近。內外爲根。故西法一切以黃道爲主。而必先求黃道之經緯。既求其經緯。則引各經緯度。綫會於轉心之處。以爲樞紐者。乃不在赤道極。而別有其心。是爲黃道之南北極。宣城梅文鼎曰。以每日之周轉言。則周天星度皆東升西沒。惟北辰不動。以恒星東移之差言。則雖北辰亦有微動。而惟黃極不動。此是圖所以又有黃道極也。又十二宮之說。舊法不據黃道以分宮。故授時所定十二宮。惟赤道勻分。各得三十度奇。黃道則近二至者一宮。或止二十八度。近二分

者一宮或多至三十二度。所以闊狹懸殊者。過宮雖在黃道。而分宮仍依赤道。赤道之勻度。抵黃道而成斜交。勢有橫斜。遂生濶狹。此是圖所以必準黃道極分周天爲十二宮也。又其說曰三百六十度。黃赤道分同者。獨二至二分四綫爲然。餘各有參差。蓋黃道斜絡赤道內外。差至四十七度。則經緯之依平儀爲形者。其視赤道自延羨侈弇之不同。非若二至二分均布於四大限。無錯午也。又其說曰星以芒色分氣勢。以大小分等第。而等有六。必依視徑推其本體之大小。以成象。故居天者一與距地等。儻實徑不隨視徑。而以第六等較第一等。

則其遠近距差、當不可道里計、又蒼瀨有中虛者、舊指
爲氣、今以遠鏡窺測、皆星也、亦圖識之、若夫三垣二十
八宿、三百座、一千四百六十一有名之星、舊亦未能盡
圖、就所已圖、其中尙多疑似、今非實見、則寧從闕、亦有
舊所無而今所增、皆其測之有經緯度者、又自見界諸
星外、尙有南極旁隱界諸星、雖各直省未見、從海道至
滿刺加國、悉見之、不可畧者、惟是向來無象無名、因翻
譯共得星一千八百十有二、予思古人凡事詳於所可
見、而畧於所不可見、其圖星也、意亦如此、若西法則備
睥筒遠鏡諸器、凡躔離掩食、五步凌犯、尙於密室中能

吸取光景。映照尺素。鄧鄒著明。則夫仰出沒。隱見之穹壤。繁襍細碎。一一能夠攝其情狀。固可信其有。不必疑其無者。然既無關於三垣七政恒星。目不及測。數不能窮。此亦如六合以外。聖人存而不論。而湯氏乃富圖之。亦勤矣哉。又其說曰。今欲以赤道經緯度。攷某星度。法用平邊界尺。從圖心引切某星至圖邊。得所指某宮某度。卽崇禎元年戊辰本星之赤道經度分。次用規器。依元定界尺。從赤道量至本星。以爲度界元度。依前左右分度綫上。量得度分。卽本年本星之赤道緯度分。蓋西人凡製器。必準算法。况是圖之分秒忽微。必一一與句。

股割圖之切綫相應其從圖心引切至圖邊者此東西引切之求其經度也從赤道量至本星以爲度界元度者此南北量之求其緯度也蓋隨時隨地皆可測候活法故若望亦曰繪圖立表測天三事悉皆符合者又其說曰量黃道度無定法且是圖所分止有黃道經度而緯度當依宮次之弧綫弧綫當依平面儀曲直各不同蓋宮次之弧綫曲也平面儀直也而平面儀是圖則仍限於方幅所未及圖者故曰曲直各不同欲求黃道緯度者無第循宮次之弧綫求之而不知有平面儀在也又其說曰日月五星距黃道內外不遠如其行度數在

本圖何宮宿與何恒星同度卽得七政所躔宮度其兩大圖左右分布十小圖則五星經緯圖也左經右緯各繪本星一周之遲速歲月卽可以例其周而復始之遲速歲月夫日之贏縮月之遲疾五星之留退至難定也而湯氏盡括於尋丈引伸間亦可爲規天矩地窮高極遠之一助者予觀宣城梅氏論周髀經筮以寫天之說謂其製當半剖渾圓而空其中於其中按經緯度數以寫周天星宿則必以北極爲心赤道爲邊其赤道以南漸歛漸窄或仍半渾圓內空之形而亦以赤道爲邊其星宿並取其距赤道遠近求其經緯度數而圖之至於

南距赤道甚遠。不可見星之處。可空之不用。於是兩器相合。卽周天可見之星象俱全。此梅氏第揣古聖人寫天之筮。然何其與湯氏兩圖隱合也。惟湯氏來自西遠。行赤道以南之海道。見南極以下之星。躔指杓。累譯遂得補成赤道南星圖。與赤道北圖。有如珠聯璧合。爲可貴耳。抑又安知當年抱器算而奔西者。不並筮以寫天之製。抱之去而湯氏宿其業。其師承有自乎。因取兩圖付裝潢。序似竄名文。定並卽湯氏說。紬繹參證之。以質世之能讀是圖者。

書測恆星黃道經緯儀說

治銅規爲六環。內外層相亞。以次結於黃赤二道之南北極。周其外圓者曰甲規。平分三百六十度。恆定不移。以象靜天。中於甲規者爲乙規。以規子午。兩端則赤道南北極。本規從心縣庚辛綫。界中垂下。綴以丸。以象天頂與地心相直。庚辛綫去赤極五十度。與黃道經度相當。中於乙規者。平設丙規。爲極至交規。中於丙規者。爲丁規。以壬癸爲之軸。壬癸軸卽西法黃道極也。較去赤極二十三度半有奇。本規限黃道之經度。去本規前後各九十度。當庚辛綫心。設黃道規。周分十二宮。與本規

相交爲直角兩交處爲冬夏至去交最遠之兩點爲
春秋二分中於丁規者爲戊規與丙丁同極爲黃道緯
度規丙丁極卽壬癸軸也黃道經度軸以壬癸緯度亦
軸以壬癸所以別於赤道之經緯者最末中於戊規者
爲己規規面切戊規其兩旁偕爲平行設兩窺表相向
法於日將入時以甲乙規定其地北極出地之高下度
分次轉丁規定黃道上太陽經度次轉戊規以己規窺
表向月必月與二表參直卽得月離經度日入後又轉
黃道規以己規窺表向月用元定黃道獨轉戊規以己
規窺表向星則戊規所定黃道一點爲星之定經度旣

定某星之經度。因推緯度。又以己規窺表向星。依星之或南或北。從戊規上測視。卽定本星之緯度。

書測恆星赤道經緯儀說

圓其外。設子午規爲乙規。周分三百六十度。承以半圓徑之架曰癸架。仰銜乙規。而週遭旋轉之。以就其方北極出地之高下。平分乙規之四周。而東西設之軸。平分軸之東西。而中設之表。表象地當天頂。而縣綫下垂。綴以丸。以象天心與地心參相直。癸架下設之螺旋。取其利轉。以就高下。而取平。中於子午規。平置己規。中於己規之中界。經置丙丁規。丙丁規者。赤道也。中於丙丁規。

又緯置戊辛規戊辛規與子午外規同軸然自爲旋運
不交於外規凡四規俱平分三百六十以定度分而丙
丁戊辛兩規之上各設兩游耳可相離合近遠所謂百
游無定之通光耳也其測星也用赤道丙丁規求經度
法以兩通光耳一定置一游置一人從定置耳窺軸心
之甲表與第一星參直一人挈游置耳迴環遷就亦窺
甲表與第二星參直較兩耳閒之度分卽得兩星之真
經度分又用戊辛規求緯度亦以通光耳遷就若測向
北緯度卽設耳於赤道南測向南緯度卽設耳於赤道
北所得游耳下本規之度分在赤道規或南或北卽得

本星距赤道之南北度分。

書紀限儀說

規渾圓而六分之。割其六之一爲度者六十。則弧圓侈而遞稠於轉心之處。有若半輪之聚轂。因反兩弧角於下。而以一角上指者。命曰甲心。甲心標樹圓表。尺其上而下垂之。與弧圓齊。卽以圓表爲尺樞。命曰甲丁度尺。尺丁末立耳通光。耳中界掩一綫。而罅其兩旁。兩罅之中。揜綫徑與上甲心之表徑等。甲丁尺隨其上樞推運。游移於下弧之左右。以定度分。故名通光游耳。又循甲心之迤右邊裔直下者爲乙。乙末亦立耳通光。與丁末

耳等常定不移。命曰通光。定耳。全器高支以柱。令上下左右偏正。所向無不可以展轉測。既諸曜之距度分。臨測先定所測之二星。順其畸零延椿之勢。以儀面承之。一人俯從邊裔之定耳罅。仰窺甲心表。必目與表與弟一星參相直。又一人從游耳罅。仰窺弟二星。亦如之。次較視兩耳下兩中綫之間。弧上相距度分。卽兩星之距度分。又耳有別設者。用則加。否則減。名通光設耳。又弧圖次乙在二十度者爲戊。次戊在三十度者爲庚。其迤右邊裔循乙而上之。稍近於甲設表者爲己。假使二星相距度分絕少。難容兩人并測。卽加設耳於戊。所得己

戊綫與甲庚平行、使從戊窺己、從庚窺甲、其度分等、故以戊己當庚甲、同己表窺第一星、而甲丁度尺對第二星、如從前庚外數之、卽所測兩星相距之度分。

右三儀、湯氏俱縮小規模、製作圖並繫以說、分布赤道南北兩總星圖之紙尾、蓋皆推測步算家所不可廢一者、廷燦嘗至觀象臺、審問諸儀器、畧省識一二、因就其說推演而書之、以見西法之初來自利氏、湯氏已有如此巧密者、三儀之外、更有地平經緯儀、則圖全而其說漫漶過半、未可憑臆揣測、遍覓藏書家、亦尠原本、姑從闕文、俟他時聞見少進、當賡續補之以

還湯氏舊觀

書王蕃渾天說

王蕃渾天說曰天之形狀似卵天包地外猶卵之裏黃圓如彈丸故曰渾天言其形體渾渾然也其術以爲天半覆地上半在地下天居地上見有一百八十二度半強地下亦然北極出地上三十六度南極入地下亦三十六度而嵩高正當天之中極南五十五度當嵩高之上夫嵩高不在極南之九十一度而在五十五度是則嵩高本非天之中也惟就出地所增之三十六度與入地所減之三十六度均其兩端以取中其下適直嵩高渾天家遂標嵩高爲天之中矣故推步者謂夏至日道

入赤道北二十四度北距嵩高弧背九度餘夏至日道
下直衡岳晷無影而從嵩高至衡岳夏至日道圖天之
弧背以弧矢術求弦得衡岳距地中弦徑約九度餘是
則嵩高本非天之中也特緣出地入地之度折其低昂
以表天中使測算者有所依據界段亦猶洛邑本非大
地之中也特緣王畿五服之地折其里道以表土中使
享王者知所環嚮會歸也今新歷家自侈獨得乃歷指
前人之說爲不然康熙初西士南懷仁入京師深詆天
圓地方之說及以九州爲中國之誤其言曰天之包地
如卵裹黃未有卵圓而黃乃方者天地旣圓則所謂地

中者乃天中也。此惟赤道下二分午中日表無影之處。爲然。懷仁與會士來時。曾身履其處。乃真所謂地中者。其言似自矜其創而確。不知從南極北極均其兩端以取中。則天地之中自在南戴赤道下之國。不在嵩高洛邑。然古人但就赤道北之中國言中。其不言者。往往隱寓其意。初不必明著其詞。故言北極而不言南極。寫蓋天而不寫渾天。古聖人固多闕於所不見。要其所闕者。固無不心知之者。而豈有所疏漏以待後人補闕之乎。昔程子謂地無處而不爲中。蓋以地體渾淪至順極厚。高下相循。四續旁礴。非有方隅。非有邊際。隨人所處。無

適非中。及明末利瑪竇輩入中國。言地原無上下。無正
面。四周人著其上。以爲不宜之秘。而不知程子已先發
明之。及近日宣城梅定九出。又推闡周髀經以爲亦原
如此說。何必西學。今使論中於南極北極之下。潛見絕
判寒暑。絕懸甚。或半年爲晝。半年爲夜。此則晝夜不均。
贏縮互異。誠不可以言中。至論南戴赤道下之國。日之
出沒於地。上下皆半周天。初無永短之異。周髀言冬有
不死之草。歲有再熟之禾。豈非得氣至平。誠天地之中
乎。然使一歲之內。晷影絕無短永。無進退饒乏之漸。無
陰陽消息之平執。一拘墟揆之於理。亦中而非時。寃非

中。之。至。也。如。是。則。惟。九。州。中。國。之。地。晷。刻。淹。速。寒。暑。升。降。一。一。與。晦。朔。弦。望。春。夏。秋。冬。相。推。移。乘。除。毫。無。缺。欠。而。洛。邑。又。其。中。之。中。者。周。禮。地。官。所。謂。天。地。四。時。之。所。交。合。陰。陽。風。雨。之。所。和。會。信。乎。其。爲。至。理。而。非。虛。言。也。周。公。豈。欺。我。哉。尙。書。孔。氏。疏。謂。渾。天。必。古。有。其。法。遭。秦。而。滅。則。渾。天。必。不。徒。營。自。洛。下。閎。度。自。鮮。于。妄。人。象。自。耿。壽。昌。而。有。所。受。之。於。古。偶。就。王。蕃。渾。天。說。尋。繹。其。詞。其。隱。括。後。來。西。人。之。說。固。已。有。端。倪。可。見。者。因。論。次。之。

記周禮大史正歲年

周禮春官太史正歲以序事。鄭注中數曰歲朔數曰年中數者。周天三百六十五度四分度之一。日躔發歛一周天。凡三百六十有五。日四分日之一。在天爲度。在歷爲日。日法九百四十分。而九百四十分日之二百三十五。卽四分日之一。蓋四其二百三十五。恰周九百四十分。故二百三十五。乃九百四十四分之一。凡從冬至至冬至。必滿此三百六十五日四分日之一。乃爲一周天。一周天凡十二中氣。主生長收藏之端。就三百六十五日四分日之一。分爲十二。則自前中氣入後中氣。每歷三

十日而尚有盈分朔數者日一歲周天月一月周天日
行遲月行速月行及日凡二十九日又八十一分日之
四十三而成一月日月同行謂之合朔八十一分日之
四十三者分一日爲八十一分日雖西下未全昏日未
東升已先曉故夜止三十八分日得四十三分是爲半
日強月行二十九度八十一分日之四十三爲一月則
十二月計止三百五十五日餘每月餘半日弱十二月
餘六日弱此卽月有六大大小之分而一年旣餘六日
弱則分爲十二自前朔距後朔應三十日者止歷二十
九日半強而有虛分以二十九日半強之有虛分掄三

十。日。之。有。盈。分。故。朔。常。不。盡。周。天。之。中。氣。於。是。逐。月。參。差。中。氣。有。漸。不。正。者。何。也。一。歲。氣。周。天。有。三。百。六。十。五。日。四。分。日。之。一。而。十。二。朔。一。周。惟。三。百。五。十。五。日。餘。是。一。年。月。餘。六。日。弱。日。六。旬。之。外。又。五。日。四。分。日。之。一。則。得。五。日。強。六。日。弱。與。五。日。強。一。年。共。餘。十。一。日。有。奇。漸。遞。至。三。十。三。月。後。則。中。氣。在。晦。再。遞。至。三。十。四。月。則。中。氣。入。後。月。故。三。年。五。年。九。年。至。十。九。年。之。爲。一。章。必。七。置。閏。以。補。之。所。謂。合。氣。盈。朔。虛。而。閏。生。而。一。年。十。二。朔。數。遂。有。增。至。十。三。朔。數。者。蓋。朔。節。可。入。前。月。而。中。氣。則。斷。無。入。前。月。法。亦。斷。無。入。後。月。法。是。故。閏。無。中。氣。中。氣。

匝則爲歲朔氣匝則爲年賈疏謂如十二月之中氣在晦則閏十二月十六日得正月立春節此卽朔數曰年至後年正月一日得雨水中此中氣匝卽中數曰歲左氏所謂舉正於中以中氣正時也而孔子修春秋於合朔先天者則經書日食以糾之於中氣後天者則傳書日南至以明之正見歲年之不可不正有如此維繫者近日休寧戴氏沿三山鄭氏鐫樂清王與之說乃偏據爾雅夏曰歲周日年之文傳會周官兼用夏時有書歲書年之辨謂太史祇別其從夏時所行之事卽爲正歲別其從周正所行之事卽爲正年因抵牾鄭氏之注歲

注年於載籍未有明徵。不知歲以歲星得名。歲星正氣之周於十二月者。唐虞曰載。而論閏月定時。則不曰載。而曰歲。非中數曰歲之確証乎。若夫周曰年。而朔則爲一。王朝會之首。頒朔告朔。正周家紀年之最重者。不繫朔數於年。而朔數更於何繫。且本經正歲年以序事之下。卽綴以告朔。閏月三條。惟正年於朔數。乃頒告朔。惟正歲於中數。乃置閏月。此又以本經証本經。顯白無疑者。戴氏深於鄭注。獨此騁其鋒。辨壬子四月置閏。一日由繹及之。乃益歎鄭注之有所受。未可執孤證輕議也。

天左旋解

橫渠張子有天左旋處其中者順之少遲則反右之說。儒者徃徃以右旋於左爲遲。遂疑日月亦左旋。因行遲而覺其右轉。則徒以右轉爲推步家反算捷法。而有左復有右。有順復有逆。究不以爲天之實象。然其說非也。謝生大猷曰。如以七政爲順。天左轉。則日行一日不及天一度。月行一日不及十三度。有奇。此猶有常可執者也。至於五星之遲留伏逆。進退疾徐。無常可執者。何得以順天左轉爲定論乎。且五星之行。值日則伏。與日三合則留。對衝則退。當其見伏留退之交。其行又有疾初

疾末遲初遲末至金水二星。又各有合退伏其參錯不齊。若此以張子之說考之。則當其退行之際。皆爲行過於天。而金水退疾。又當過三度強者。夫日月之行。旣皆不及天矣。五星之行。獨何緣而過天乎。謝生之辨七政非左旋。甚明快。而於右轉之說。尙渾含其詞。未極剖析。案晉書天文志。稱周髀家云。日月實東行。而天牽之以西沒。又案明史天文志。記洪武中帝論天與七政之行。羣臣皆以蔡氏左旋之說對。帝曰。朕自起兵來。仰觀乾象。天左旋。七政右旋。歷家之論。確不可易。爾等猶守蔡氏之說。豈所謂格物致知之學乎。此則右轉之說。遠有

端緒。今日兼證之西法而益明者。蓋古者第以恒星爲天體。則天左旋。卽指恒星天而於歲差之故。不明。西法以宗動爲天體。故不獨日月五星東行。恒星亦東行。而於楚詞圓則九重之說。乃合。蓋自有宗動天。以渾灝之氣。挈諸天左旋。其行甚速。故外之近宗動天者。左旋速。而右旋之度。甚遲。內之遠宗動天者。則左旋較遲。而右移之度。轉速。是故恒星天東行。最遲。歲差纔五十一秒。大較歷七十年而差一度。新歷不謂之歲差。而謂之恒星行度。是也。其次則土天。木天。又其次則火天。至日天。金水天。較速矣。而月天。則最速。所謂月行一日不及十

三度有奇是也。謝生第謂天以二十八宿爲體。以日月五星爲用。體用一經一緯。旋轉一順一逆。乃天道自然之妙。則其說尙沿舊解。而於右旋無確据。予故叅西法證之。而右旋之說益顯白無疑。且旣謂之渾天。則必環固內抱。旋紐互根。安溪謂如層雲疊湧。雲有背有馳。如二水合流。水有流有滯。則明乎一氣參差之故矣。又謂置盂於此。自邊而引之。旋其近中者必緩矣。宗動之天。急旋於外。若或引之。其彌近地心而彌緩者勢也。可謂精於譬類者矣。謝生來學城南。潛心經義。嘗具一往深沉之思。已酉以選貢赴京師。未與。

廷試

而遽沒是篇與掛榜解皆試於學使風簷爲人所傳播者乙郊索居偶從故紙堆中檢出心怦怦有慟因採其獨悟之思補其未備之說正欲存生之孤詣邁往以見不可禁禦有如此者

掛扞象閏解

學使拔諸生之秀傑者貢成均而試以掛扞象閏解。未
陽謝生大猷頗究心易義則曰掛扞之說郭氏與朱子
異朱子常與之往復辨論良由郭氏之說偏滯不應經
文。夫經旣曰掛一以象三矣。象三者豈能復以象閏乎。
人皆喜謝生之辨甚明快然亦有未曲盡者。郭氏惟以
掛一象閏遂謂後二變皆不掛而但有扞。彼所堅據者
在再扞而後掛一言也。夫固謂初變有掛須更閏二變
而後掛亦如初歲有閏又須更閏二歲而後置閏也。然
經何以不曰三歲一閏。又何以不曰六歲再閏而必曰

五歲再閏乎。如郭氏之說。直使五與再二字皆懸而無所着。再閏再扞亦判而不相聯矣。朱子以一掛兩揲兩扞解五歲再閏句。以經證經於五字再字乃顯白無疑。且後二變皆有掛。既與四營成易合。而於成卦變爻皆有自然之法象。於後二變之數不四則八者。亦絕無參差不齊之弊。朱子曾推究之甚詳。此固不得輕議朱子之解。五歲稍涉雜湊。而可漫以左手五指遂臆決其當五歲乎。謝生又謂掛不同於扞。朱子之解掛也。謂掛於左手小指之間。與其所解扞者無異也。豈知掛不得同於扞。掛既象三。宜掛於臂前。以法中。初不與揲餘混。而

朱子不辨其著筮儀。漫曰通掛之策。不五則九云云。是朱子自不能別其一於歸之外。安得使人不混其一於歸之中。無怪滋郭氏以歸掛一之奇於所揲之餘之誣也。其辨愈鑿鑿可聽。然未免愈離其宗。夫經文固明曰歸奇於扚矣。則奇與扚自是兩物。併而歸一也。經本併其一於歸之中。解經者乃別其一於歸之外乎。若以奇爲揲餘。扚爲指間。朱子曾據孔疏解之。不知以歸奇爲歸掛一之奇。扚爲所揲之餘。其說已始自虞翻。而扚爲數之餘。見禮記王制。又不得執孔疏闕郭氏而謂經文之歸奇於扚。非歸掛一之奇於揲餘也。况掛爲氣盈。扚

爲朔虛氣盈者綜三百六旬之成數而可知故分二之後卽除一而掛之也朔虛者計十二月之空分而後得故逐揲之後乃存餘而扞之也歸氣盈於朔虛而置閏故歸奇於扞以象閏則氣盈者正閏法起積之端而掛一者又著策起積之端謂掛象閏則不可謂合掛與扞皆以象閏固無不可也又烏可別其一於歸之外哉

旅酬考

凡祭必立尸必擇賓賓一人衆賓無數爲賓黨其位在堂下西階之西凡祭則子姓兄弟咸會小宗祭則兄弟皆來大宗祭則一族皆至爲主人之黨其位在堂下阼階之東有司羣執事皆北面立凡祭必有獻有酢有酬凡受獻必於堂上受酬必於堂下自迎尸入主人初獻尸主婦亞獻尸賓三獻尸訖事神禮成此據特牲饋食禮言之於是順神意以達神惠遂獻賓獻衆賓設尊酬賓獻長兄弟獻衆兄弟獻內兄弟凡六節乃旅酬其獻賓也主人降自阼階西面洗爵酌西階上獻賓賓受爵薦脯醢凡

薦言祭皆謂脯醢也

賓卒爵賓酌以答主人謂之酢主人受爵卒

爵賓執祭降西面奠於其位位如初言賓復西階下東面位也其獻

衆賓也衆賓升拜受爵坐祭立飲辯主人備答拜降實

爵於篚其設尊酬賓也尊兩壺於阼階東爲兄弟之尊

尊兩壺於西階爲賓之尊主人洗觶先酌西階之尊自

西階前北面酬賓獻賓之禮以酬副之其禮乃成主人先自卒觶以導

飲再洗觶酌以進賓西面主人奠觶於薦北賓取觶還

東面奠觶於薦南此則西階一觶發自主人奠而未舉

正開旅酬之端者其獻長兄弟衆兄弟也主人洗爵獻

長兄弟於阼階上如賓儀先成賓禮然後獻長兄弟者主人之義也洗獻衆

兄弟如衆賓儀其獻內賓宗婦也內賓姑姊妹宗婦族人之婦洗獻

內兄弟於房中如獻衆兄弟之儀主人西面答拜更爵

酢主人於賓兄弟並同北面拜且易爵而酢也卒爵降實爵

於篚入復位其旅酬也前主人酬賓已舉西階一解則

長賓有酬爵惟長兄弟無爵無以相酬於時兄弟弟子

洗酌東尊在阼階前北面舉觶於長兄弟旅酬只有兄弟弟子舉解

而中庸註及賓弟子蓋兼後無算傳弟子亦先自飲以導

如舉人酬賓儀此則東階一觶發自兄弟弟子亦奠而

未飲正當旅酬之始者然後賓取前所奠薦南之觶往

阼階前凡言前在階下北面酬長兄弟賓立卒觶酌於東尊進

長兄弟受觶。賓復位。長兄弟卽舉賓酬觶。往西階。酬衆賓。長兄弟自卒觶。酌於西尊。西面衆賓受。旅者也。受行也。長兄弟復位。衆賓及衆兄弟交錯以辯。此先旅西階一觶也。然後長兄弟又取前弟子所舉觶以酬賓。如賓酬兄弟之儀。以辯卒受者。實觶於筐。此次旅阼階一觶也。蓋賓取薦南之觶。酬長兄弟。則長兄弟行旅於衆賓。衆賓及衆兄弟交錯以辯。長兄弟取弟子之觶。酬賓。則賓行旅於衆兄弟。衆兄弟及衆賓亦交錯以辯。而內賓旅酬之節。又詳於記而經不言者。此旅酬之正也。然後賓弟子洗酌西尊。中庭北面舉觶於其長。前此賓弟子無舉觶。

於其長之事至此兄弟弟子又洗酌東尊中庭北面舉
無算爵時乃有之兄弟弟子又洗酌東尊中庭北面舉
觶於其長前兄弟子自行禮於其長此則因賓弟子
也舉觶者祭卒觶拜長皆答拜舉觶者洗各酌於其尊
復中庭初位長皆拜舉觶者皆奠於薦右注云非神惠
酒長皆執以興舉觶者皆復位答拜長皆奠觶於其所
將衆相皆揖其弟子弟子皆復其東西面之位爵皆無
酬也旅酬惟兩觶交錯以徧而此則徧後又舉以醉爲度
算故無算也而此下當有賓及長兄弟以次各舉其弟
子所舉觶交錯此則旅酬之全也
以辯其文省耳

九獻攷

祭之日。王衮冕入。尸亦衮冕入。若享先公。尸驚冕。王亦驚冕。司服云。享先公則驚冕是也。王不出迎尸。祭統云。君不迎尸。所以別嫌也。其入皆有樂。大司樂云。王入奏王夏。尸入奏肆夏是也。延尸入室。乃作樂降神。大司樂云。圓鍾爲宮。大呂爲角。太簇爲徵。應鍾爲羽。九變而降人鬼。鄭注云。先奏是樂。以致其神而後裸是也。於時王執圭瓚裸。故書曰。王入太室裸。祫祭則七廟之尸皆在太廟中。依次而裸。灌用鬱鬯。郊特牲云。周人尙臭。灌用鬯臭。鬱合鬯臭。陰達於淵泉。又周官小宰贊裸將。鄭注

云尸受祭之俸之奠之。是爲一獻。王乃出迎牲。后以璋
瓚從裸。是爲二獻。及迎牲入。君執紼。卿大夫贊幣從。士
執芻。亦有樂。大司樂云。牲入。奏昭夏。是也。乃麗牲於庭
碑。故禮器云。納牲詔於庭。王親執鸞刀。啓其毛。而祝以
血毛。告幽全於室。故禮器云。血毛詔於室。凡用牲。廟各
別牢。故公羊傳曰。周公白牡。魯公駢剛。又逸禮云。毀廟
之主。昭共一牢。穆共一牢。於時行朝踐之事。乃延尸出
室。太祖之尸。坐於戶西南面。主在其右。羣昭西向。羣穆
東向。主各在其右。故祭統注曰。朝事延尸於戶外。是以
有北面事尸之禮。祝乃於堂上取牲腍骨燎於爐炭。而

入以詔神於室。又出以墮於主前。墮者謂分減脾膏以祭。故郊特牲曰。詔祝於室。坐尸於堂。王乃洗肝於鬱鬯而燔之。以制於主前。爲制祭。禮器曰。君親制祭是也。次乃升牲首於室中。置於北牖下。以報陽。則三牲首皆升。后薦朝事之遵豆。故遵人有朝事之遵。醢人有朝事之豆。乃薦血腥於尸主前。謂之朝踐。禮運云。薦其血毛。腥其俎是也。王以玉爵酌著尊。泛齊以獻尸。是爲三獻。后又以玉爵酌著尊。醴齊以亞獻。是爲四獻。然後退而合亨。乃薦孰。先陳於堂。故禮器云。羹定詔於堂。又云。設祭於堂。謂正祭也已。乃延尸入室。太祖東面。昭南面。穆北。

面徙堂上之饌於室內坐前祝先以牢爵酌奠於饌南。
故郊特牲注云天子奠牢諸侯奠角即此之謂也乃大
合樂大司樂以六律六同五聲八音六舞大合樂以致
鬼神祇孔疏謂據薦腥之後正祭之時而言是也自此
以後謂之接祭尸舉饌南奠牢而祝詔主人拜以妥尸
故郊特牲云舉牢角拜妥尸是也。案特牲少牢無二裸與朝踐直自饋食始
故妥尸在饋食時若天子諸侯有二裸朝踐則妥尸必
不在饋食時當二裸朝踐時已行之然必謂饋食時不
妥尸亦無憑臆后薦饋獻之豆邊故邊人有饋食之邊
斷今仍存之。
醢人有饋食之豆王乃以玉爵酌壺奠盞齊獻尸是為
五獻后又以玉爵酌壺尊醴齊獻尸是為六獻於是尸

十五飯訖。王以玉爵。因朝踐之尊。泛齊以醑尸。爲七獻。
鄭注司尊彝云。變朝踐云朝獻。尊相因也。謂此王醑尸。
因朝踐之尊也。后乃薦加籩豆。故籩人又有加籩之實。
醢人又有加豆之實。尸酌酢主人。主人受嘏。王獻諸侯。
后復薦羞籩羞豆各二。故籩人又有羞籩之實。醢人又
有羞豆之實。后乃以瑤爵。因酌饋食。壺尊醢齊以醑尸。
是爲八獻。鄭注司尊彝云。變再獻爲饋獻。亦尊相因也。
於時王以瑤爵獻卿。諸侯爲賓者。以瑤爵酌壺尊醢齊。
以獻尸。是爲九獻。九獻之後。謂之加爵。案特牲禮有三
加。則天子以下。不祇三加。故特牲三加爵。別有嗣子舉

奠文王世子諸侯謂之上嗣舉奠亦當然凡裸侯伯之君無朝踐饋獻二獻通二裸爲七子男饋熟以前無獻食後行三獻通二裸爲五大夫士無二裸朝踐俱自饋食始凡器灌用玉瓚大圭爵用玉琖加用璧角璧散鬱人職云受斚之卒爵而飲之則王醕尸以玉爵王醕尸用玉爵則再獻者用璧角璧散加爵後乃行旅酬徹則歌雍樂師云及徹帥學士而歌徹是也尸出如前奏肆夏王出如前奏王夏賓出入則春牘應雅奏祓樂以節步趨

千乘攷

馬氏曰司馬法六尺爲步步百爲畝畝百爲夫夫三爲屋屋三爲井井十爲通通十爲成成出革車一乘然則千乘之賦其地千成居地方三百一十六里有畸唯公侯之封乃能容之雖大國之賦亦不是過焉

司馬法之通十爲成卽小司徒之四邱爲甸甸方八里舉其實出稅者言之合旁加一里之不出稅而治溝洫者卽爲方十里之成成與甸異名而同實者也王制曰方十里者爲方一里者百則一成積百井九百夫除三

十六井三百二十四夫治溝洫其六十四井五百七十
六夫則供長轂一乘馬四匹牛十二頭甲士三人步卒
七十二人是爲一乘所自起周官稍人掌邱乘之政令
正掌其一成出一乘者大國千乘則其地千成而馬氏
融注謂居地方三百一十六里有畸者嘗就邢氏曷疏
繹之王制曰方百里者一爲方十里者百若方其三百
里而乘之則爲方百里者九可出車九百乘蓋三其三
而九此周官九數之方田法所謂方積者今籌家以爲
正方也然祇千里猶不足方百里祇千乘猶不足百乘
又取方百里者一析其中之六分每分得廣十六里長

百里引百里而接之廣十六里長六百里中誦之各長
三百里則取兩段三百里用埤前方三百里而矩勾附
之是爲方三百一十六里此又方田法所謂廉積者今
籌家以爲長方也然兩廉角尙缺方十六里者一計方
十六里者一爲方一里者二百五十六則前割方百里
者爲六分尙餘方一里者四百今取其四百中之二百
五十六埤兩廉角以周匝其銳缺此又方田法所謂隅
積者今籌家以爲小分形亦正方也然尙餘一百四十
四則又取其餘數折而埤三百一十六里之兩廉每廉
尙不得半里故馬氏曰三百一十六里有畸也蓋就千

成出千乘之地。開方之有如此數者。然大國之受地。容
有加於三百一十六里。而制軍賦。則斷無加於千乘者。
受地有加。如大司徒所云。諸公之地方五百里。諸侯之
地方四百里。初非限以三百一十六里也。賦則無加於
千乘者。坊記云。制國不過千乘。卽明堂位記。封周公地
方七百里。亦止云。革車千乘。魯頌閟宮之夸大其詞。亦
止曰。公車千乘。自千乘之外。則皆無溢語。故馬氏謂唯
公侯之封。乃能容之者。以其地遞有所加。非伯子男之
僅自三百里而降綢者也。又曰。雖大國不是過焉者。以
其賦有所止。雖公侯之雄藩。不得自踰其制於千乘也。

然及其用兵也。則又止調發千乘之半。用五百乘。蓋大國三軍。一軍陳車百六十餘乘。古有定制。而大國三軍五百乘。則取於三鄉。副以三遂而已足。故費誓曰。魯人三郊三遂。言出三軍之地也。千乘則闔千里全境計地。寓兵以見安不怠危。所在皆備有軍制而不用。蓋卽從王興師。亦止出三軍二軍。初不盡民之力。惟至前敵不服。有時必不得已。然後盡掃境內。皆使從軍。要之此其變也。權也。三鄉出三軍五百乘。乃其常也。乃其正也。又一乘之車甲馬牛。亦有給於官。不供於民者。緣一鄉出一軍。則是家出一人。其力已殫。其物不可私備。故王國

鄉遂之軍賦皆宜示寬饒而周官巾車職有毀折入齎於職幣之文。質人有受馬於有司之文。司兵職又有授兵輸兵之文。其明証也。惟侯國之車甲馬牛則孔氏正義以爲皆計地令民自出。不與王國同優者。又司馬法曰革車一乘士十人。徒二十人。則是一車三十人。鄭氏所引以注小司徒者。司馬法又曰甸出長轂一乘甲士三人步卒七十二人。是則一車七十五人。鄭氏所引以注論語者。二法頗不同。賈氏正義謂小司徒比畿外甲士多步卒少。論語乃畿外邦國法。甲士少步卒多。外內有異故也。又軍法起於伍。成於卒。五人爲伍。百人爲卒。

以徒言也。而車亦有卒伍。故周官一曰合萬民之卒伍。又曰合其車之卒伍。而比其乘。蓋陳氏祥道曰。三卒而車四乘。三卒三百人。一乘七十人。四乘亦三百人。三旅而車二十乘。三師而車百乘。三軍而車五百乘。則卒伍已寓於車之中者。司馬法曰。二十五乘爲偏。百二十五乘爲伍。注云。伍重。故百二十五左氏傳曰。先偏後伍。伍承彌縫。廣有一卒。卒偏之兩。則車又爲卒伍之法。變化無窮者。

輓軌攷

輓軌與鬲衡有辨。而鬲與衡又有辨。鬲長六尺，視徹之廣，故攷工記車人大車徹廣六尺，鬲長六尺。鄭司農注曰：鬲謂輓端厭牛領者。賈氏疏之云：以大車兩輓一牛在輓內，故鬲狹，衡長六尺有六寸，則其徹廣八尺。故攷工記輿人爲車輪崇與廣，衡長參如一。鄭氏注曰：衡長容兩服。賈氏疏之云：參如一，謂俱六尺六寸。容兩服者，服馬也。又曰：以四馬車一輓兩服馬在輓外，故衡長二尺者，皆橫設之。輓端而輓亦有辨。大車兩輓對縱其旁，而攷工記車人爲輓三其輪崇，疏謂輪崇九尺三之，則輓

二丈七尺又其轅直故攷工記曰大車之轅

注轅輶也案既

夕禮軒輶中注軒輶猶軒輶中適中也蓋惟直故中也

又曰直且無撓小車一轅

獨縱其中而攷工記輶人爲輶注謂輶前十尺入隧四

尺四寸凡丈四尺四寸又輶穹而上曲其文五檠故攷

工記曰輶欲弧而無折

注揉輶太深則折也

二者又皆爲之輶以

下銜而輶亦有辨鬲一輶包氏先言橫木次言以縛輶

則輶別爲鬲下之曲木縛其上以輶牛者衡則分兩輶

縛衡上故鄭注衡任謂兩輶之間賈氏疏謂服馬二馬

各有一輶輶馬領不得出左傳襄十四年射兩輶而還

兩輶卽兩輶故曰鬲與衡有辨者自包氏咸注論語謂

輓者輓端橫木以縛輓。輓者輓端上曲鉤衡以駕馬。於是讀注者遂以輓卽爲輓端之鬲。輓卽爲輓端之衡。朱子集注亦徵引包氏注無異辭者。而休寧戴氏震据許氏說文之訓輓。大車輓端持衡者。訓輓車輓端持衡者。因推明許氏之旨。謂韓非子外儲說墨子曰。吾不如爲車輓者巧也。用咫尺之木。不費一朝之事。而引三十石之任。可知大車之輓端持鬲。其關鍵名輓。小車之輓端持衡。其關鍵名輓。輓輓所以引車。必施輓輓。然後行。信之在人。亦交接相持之關鍵。故以輓輓喻信。包氏乃据踰丈之輓。六尺之鬲。以當咫尺之輓輓。不亦乖乎。而近

者儀徵阮氏元又爲戴氏推廣其證曰皇甫侃論語疏引鄭康成注曰輓穿轅端箸之輓因轅端箸之鄭氏說本甚確不知何氏晏何以棄鄭取包揚雄氏太元經曰閑次三關無鍵盜入門也拔我輓輓貴以伸也卽信也此揚子卽用論語之義其曰拔則輓輓爲鬲衡上之關鍵又顯白無疑此與戴氏互證而輓輓益明故曰輓輓與鬲衡有辨者或言包注之上曲鉤衡明指輓言則似不以輓爲衡而以輓爲輓者曰注者旣失之爲衡而讀注者又失之爲輓蓋去而愈遠也釋包氏語勢固趨重鉤衡與橫木對豈有注輓之行車反輕置衡之上鉤於輓

下屬於馬以引車者不詳而轉詳自軌前上曲之軻乎。若以曲在軻端是則所謂軻頸欄下鉤之者更不必復云上曲矣。且行車在轅端之鉤乎抑在所鉤之衡乎。吾知注雖疎必不濶越至此而何義門焯行遠集凡拈小車無軌者但向軻字渲染卽劇賞之也。至鬲亦或謂之衡如軻亦可謂之轅。衡有文以爲飾軻有環以貫轡而大車之轅本無曲法。蓋曰直以其無穹而上者曰無橈以其無曲而下以鉤衡者故大車登阨不伏其轅必登其牛下阨不援其軻必藉其牛孰謂利曲不利直。凡此又不可不辨者。

釋射

張布爲所射布謂之侯。侯中方一丈謂之鄉侯之中。三分之得三尺三寸有奇謂之鄉侯之鵠。中上下各長二丈橫設之廣二尺左右各出五尺謂之躬。躬上長四丈橫設之廣二尺左右各出躬一丈謂之上舌。躬下長三丈橫設之廣二尺左右各出五尺謂之下舌。舌亦謂之个。侯上幅謂之上个。舌上下有繩維之各出舌尋謂之綱。下綱去地尺二寸謂之武。中人之足長尺二寸兩旁樹木謂之植。籠綱以繫於植謂之紐。紐圍寸謂之緝。六尺謂之弓。量去堂遠近以爲射。射之量人太射侯道九十弓。虎

侯王自射弓取二寸則丈八尺以爲侯中三分其侯而鵠居

一謂之大侯之鵠侯道七十躬即熊侯所射弓取二寸得丈

四尺以爲侯中三分其侯而鵠居一謂之參侯之鵠侯

道五十弓即豹侯卿大夫以下所射又卿大夫大射主臣同康侯亦五十弓弓取二寸

得一丈以爲侯中三分其侯而鵠居一謂之玃侯之鵠

爲獲者禦矢謂之乏乏謂之容爾雅容謂之防在侯西

北邪向謂之侯黨於文反正爲乏正弓淵謂之隈隈者

曲處考工記凡角之中恆弓把謂之弣弓末謂之簫簫

當弓之畏畏者必撓是也弓把謂之弣弓末謂之簫或

作弣又曰弣詩象弣魚服又曰弣說文曰弣弓戾也又

曰峻弓人曰凡爲弓方其峻又爾雅云弓無緣者謂之

彌蓋無緣之弓以骨飾其彌故謂之彌又簫之飾以金

者謂之鈇以蜃者謂之珧以玉者謂之圭郭璞曰珧小

也。蚌金鏃翦羽謂之鏃。骨鏃不翦羽謂之志。矢幹長三尺謂之筈。矢末銜弦謂之括。四矢謂之乘。橫矢於二指之間謂之挾。插於紳帶之間謂之搢。紳之外草之內故云紳帶之間遞取弓矢見威儀謂之拾。天子之弓合九成規往體寡來體多謂之王弓。弧弓諸侯之弓合七成規往來體若一謂之唐弓。大弓大夫之弓合五成規往體多來體寡謂之夾弓。庾弓士合三成規。句者謂之弊弓。戰守二在前三在後其達遠謂之柱矢。繫矢田獵一在前二在後其達遲謂之殺矢。鏃矢弋射四在前三在後其行高謂之矰矢。弗矢散射四在前四在後其行平謂之恆矢。庫矢

著右巨指以鉤弦。闔體謂之快。朱韋韜食指將指無名指以利放弦。謂之朱極。韋韜著左臂以引弦。謂之遂。遂蔽膚歛衣。謂之拾。左免衣。謂之袒。袒朱襦。謂之君袒。袒纁襦。謂之大夫袒。君在大夫射及士射。皆謂之肉袒。堂正中謂之棟。次棟謂之楣。堂東西柱謂之楹。東行過由楹北。謂之鉤楹。內東行過由楹南。謂之由楹。外疏數容弓。謂之兩楹間。能正方圓者。謂之梓人。一縱一橫。謂之午。若丹若墨。度尺而午。謂之物在左者。謂之左物。在右者。謂之右物。履左物者。謂之上射。履右物者。謂之下射。左足履物。既視侯而俯。併其右足。謂之方足。矢下行者。

謂之留。矢上行者謂之揚。矢左右行者謂之方。析羽爲之倚。侯中謂之旌。雜帛爲之謂之物。舉旌唱獲謂之獲者。舉旌而大言唱獲謂之以宮。偃旌而小言唱獲謂之以商。長尺有握者八十謂之箭。籌籌謂之算。鑿背容八算。釋獲者奉之謂之中。君於國中燕射以翻旌獲謂之皮樹中。郊於太學射以旌獲謂之閭中。竟與鄰國君射以龍旛獲謂之虎中。大夫各以其物獲謂之兕中。士翮旌以獲謂之鹿中。其射之以樂六耦三侯三獲三容樂以騶虞九節五正謂之主射。四耦二侯二獲二容樂以貍首七節三正謂之諸侯之射。三耦一侯一獲一容樂

以采蘋五節二正謂之孤卿大夫之射。三耦豢侯一獲
一容樂以采蘋五節二正謂之士射。張幃席爲之謂之
次。所以撓犯教者謂之扑。執弓以指受者謂之畢。射左
執附右執下末向乏而揚之以命去侯謂之揚弓向侯
而揖之。推手也以命取矢謂之揖弓以取矢之器謂之并
夾以盛矢之器謂之簠。所以承筈齊矢謂之楅。設中庭
而統於賓以西爲上謂之東肆。手放而下備不整理謂
之順羽。左右手撫而四四數分之謂之撫矢。釋獲先數
右獲一算謂之奇。二算謂之純。奇又縮純而委之異之謂之十
純。橫諸下者謂之餘純。奇又縮若右勝者謂之右賢於

左若左勝者謂之左賢於右。左右一者謂之左右鈞。設於西楹西以奠觶者謂之豐。奉豐者謂之司宮士。大射則司宮士鄉射祖決遂執張弓謂之勝者。左執弣右執弦襲而說決拾卻左手加弛弓於其上遂執弣謂之不勝者。州長春秋以禮會民而射於州序謂之鄉射。將祭擇士謂之大射。諸侯朝天子而與之射謂之賓射。諸侯相朝而與之射謂之燕射。比兩人對決勝負謂之耦。司射選賓黨弟子有德行道藝之高者以誘射謂之三耦。席戶牖閒南面東上者謂之賓。席阼階上西面者謂之主人。繼賓席而西居眾賓之長者謂之三賓。席於尊東西上者謂之

遵位於堂西待比耦者謂之眾賓待命事者謂之弟子。
在官之士與賓俱來者謂之公士。將射來觀禮者謂之
羣士。贊主人之命謂之相。涖酒禮而尊卑皆受範謂之
司正。以主人之吏爲之。謂之司射。掌一射之儀。謂之司
馬。

書王學質疑後

釋氏不知有性而卽指知覺之炯炯者爲性。於是掃棄一切人倫庶物以爲是皆障翳罣礙。最爲吾性之累者。吾空諸所有。不實諸所無。久之本體現全體完。而此心之光明瑩澈。遂自圓無際。而大無餘。此彼教中所謂叅無上法。精第一義也。然炊沙不可成飯。買櫝豈可還珠。以知覺爲性。亦何異大明之出自暘谷。入自濛汜者。僅以掠眼一瞥盡之哉。昔人謂釋氏言性以空。儒者言性以實。釋得性之影。儒得性之形。豈不以釋氏所據之知覺本無所有哉。自王氏倡爲陽儒陰釋之學。乃窺取孟

子良知之名以標揭釋氏知覺之實其曰無善無惡心之體則知覺之景光分際一言宛肖非王氏固莫能如此名狀顯白者其曰良知卽天理又曰無善無惡卽至善是其始也陰援釋氏所据之知覺入孟子之良知其繼也卽据良知入天理入至善以求合於程朱之微言卽因以求不背於孔子孟子之論性而釋氏之門徑益闢釋氏所据之知覺益尊而無以加堅而不可破王氏可謂釋氏之功臣矣又其說曰人身有生死而知覺無生死是卽釋迦牟尼人身雖有生死之異至於精神則常不滅此身以前已經無量身之說而王氏妄据之以

惑愚而誘智也。又其說曰。良知苟存。自能酬酢萬變。非遺棄事物以爲高者。則又以知覺之靈圓捷利。懽蕩縱恣。求合於程朱全體大用之說。以見吾性卷之無不收攝。放之無不昭通。夫世豈有秉一燭之微明。能周六合之廣宇哉。彼其倉卒指麾。神明定智慮周。而且光燄長者。皆昔人所謂誦而不正。詭遇獲禽者也。以故一時鼓動號召。學者豈不翕然宗師。然當王氏時。弟子遍天下。咸都高位。擅聲勢。顓顓焉尊奉其師。不啻聖與賢之復出於當世。而王畿王良。又嘗挺身爲其師。傳播絕學。所過招要。因風縱火。乃聞其所傳播者。率皆言雜禪機。絕

無忌諱。蓋倡之者雖主張一點靈明。猶必與吾儒依光附響。出入會合。惟恐周遮之不二而繼之者。乃至大放厥辭。茫無津涯。畔岸是早代。其師吐露真誠。俾不得遁於天下後世之公議也。大興張贊善武承深疾陽儒陰釋之說。爲莠亂苗。鄭亂雅。壹意以閑邪衛道爲已任。乃著王學質疑一卷。批駁良知之害。至明至悉。毫無遜隱。惟王學之興於世百有餘年。其植根於人心者深。其波漫於學術者遠。是以羅整菴著困知記。陳清濶著學蔀通辨。亦旣辭而闕之。然且不能根株盡拔。以予所見近世賢達。稍負材識者。尙往往陰据王氏之說於胷中。以

祇。悟。程。朱。自。詡。高。妙。而。質。疑。一。書。則。更。言。之。深。切。著。明。
使。讀。者。如。撥。雲。霧。而。覩。白。日。誠。大。聲。疾。呼。有。功。於。正。學。
者。矣。抑。又。聞。陸。稼。書。言。贊。善。在。史。館。嘗。論。宋。史。特。立。道。
學。傳。惟。周。子。程。子。紹。先。聖。之。統。緒。朱。子。集。諸。儒。之。大。成。
宜。列。道。學。餘。則。篤。實。如。蔡。西。山。父。子。高。明。如。陸。子。靜。兄。
弟。純。粹。有。用。如。真。西。山。亦。僅。可。列。之。儒。林。等。於。元。儒。之。
不。立。道。學。傳。者。至。有。明。一。代。純。正。如。薛。文。清。曹。月。川。胡。
居。仁。尙。且。不。必。過。宋。之。真。元。之。許。况。陽。明。光。茫。橫。肆。使。
列。在。道。學。卽。不。然。或。列。之。儒。林。天。下。後。世。必。議。史。臣。爲。
無。識。卓。哉。贊。善。高。論。誠。精。確。不。可。磨。子。故。並。書。之。以。見。

王學質疑之決不妄作並告世之讀王學質疑者贊善
名烈字武承先世籍浙江之東陽自其曾祖始遷居京
師是爲大興縣人登康熙庚戌進士後舉博學鴻詞得
授編修轉右春坊右贊善

書儀禮鄭注句讀後

儀禮之難讀也。宋元明以其業顯者。總數人相望耳。

國朝則儀禮之學甚盛。自朱文端節畧儀禮方望溪九治儀禮而外。如丹陽姜孝廉上均。錢塘吳通守廷華。秀水盛處士世佐。寧鄉王徵君文清。海內皆推健者。而濟陽張稷若先生爾岐。則有儀禮鄭注句讀一書。又實爲諸家先導。予未得見是書。已酉在京師。嘉興馮給諫應榴自山東典試還朝。一日揖予言曰。已特爲君蒐來一編矣。知君固他無所嗜。能味於衆人之所不味耳。予媿給諫言。亟發函讀之。知稷若先生三十許時。始讀儀禮。苦

莫能通又無師友可質問且有阻之者有笑之者讀不數繙輒罷其後屢讀屢罷至年五十九勉讀六閱月乃克卒業於是句割章分全錄鄭注之簡要節芟賈疏之蔓衍務使注以釋經疏以證句而又時時附以已見於師微業絕之後午貫橫斯解疑釋結直接五傳弟子聲欵於今日是書成誠所謂無荒不耕者先生因自執簡序之曰始予之讀之也遙望光氣以爲非周孔莫能爲耳亦莫測其所言者何等也及其矻矻乎讀之讀已又默存而心歷之而後其俯仰揖讓之容如可睹也忠厚藹惻之情如將遇也雖不可施之行事時一神往焉彷彿

佛戴弁垂紳從事乎其間。忘其身之喬野鄙僂。無所肖似也。嗟呼先生。則可謂不苦其難讀。而於魏伯陽讀書千遍其義自見之說。益信而有徵已。亭林顧氏炎武曰。精於三禮。卓然經師。吾不如張稷若。誠見先生離經析段。宅注裁疏。使學者因句讀以得其典文。因典文以得其義理。因義理以通乎制作本始。則是書豈獨爲注疏之功臣。實古禮經之羽翼。以視王氏之罷經立傳。陸氏之閣鄭束賈。不誠經學大師。能維挽絕業於不墜者哉。先生蓄道力學。能文章。其文集三巨冊。胡太守德琳選刻其半於東昌。又蒿庵閒話二卷。吾同年益都李素伯

文藻作分守時刻於潮州其他所著已刻者易說畧八卷夏小正注一卷弟子職注一卷未刻者詩說畧五卷老子說畧二卷春秋傳議一書未就其生平事行有先生自序墓志及樂安李象先煥章所撰蒿庵處士傳近日瑞金羅臺山有高又爲之傳載其天道論中庸論後篤終論數篇且謂百餘年來山東大儒惟先生與馬宛斯驪固信其文之必傳於後無疑也而先生則遽於經以達於文讀者尤不得飲水而忘其源矣

讀鄭注

小司徒九夫爲井。積而至於邱甸縣都以九起數也。而鄭注云。此制小司徒經之。匠人爲之溝洫。相包乃成。是則遂人以十起數之溝洫。獨非匠人所爲者乎。就此一語。卽可知遂人以十起數之溝洫。固卽包小司徒以九起數之井田。乃互成井法者。蓋無地不有平疇。衍沃可井。卽無地不有畸零。延楸阡塞之區。阻不可井者。大約助之井在中央。而貢之溝洫在邊裔耳。孟子所謂國中卽城郭也。其田之阻於城郭。必不可井者。卽國中亦田之邊裔。安得不用貢法以濟助法之窮也。且舉一國中

而凡邨落園廬山川林麓舉視此矣野九一而助國中
什一自賦孟子第就五十里之勝地區畫之惟命世大
賢其說闕通簡易直能心周公之心以運用周官故區
畫五十里即可通其說於天下而無滯碍而鄭氏乃自
分鄉遂用貢都鄙用助之說以隔闕其中吾意此解必
鄭氏拘牽文義偶未覆審而相包乃成之說固有所受
於周秦古經師乃舉小司徒匠人遂人三職暨孟子靡
不融滙單辭毫無轉轉者凡土必包水今夫海包中國
河包北界江包南界支川之包都會縣邑推而溪港溝
渠亦包聚落廛宅其大勢也聖人井野以匠人之溝洫

周其外。又以遂人以十起數之溝洫。周其外之外。是故匠人止於一同之澮。而遂人則推及萬夫之川。澮在內。而川在外。川非人之所能爲也。此正則天因地相包相成。以見無地不可行。助卽無地不可輔。之以貢者。又何分於鄉遂。何分於都鄙。鄭注又謂甸方八里。旁加一里。則方十里。爲一成。積百井九百夫。其中三十六井三百二十四夫治洫者。言以三百二十四夫之地爲洫。乃計所占之地而言耳。若以治爲濬導之治。則一成中旣歲虛三百二十四夫治洫。推之一澮中。必歲虛三萬七百三十六夫。一川中。必歲虛三萬二千四百夫。此又不善。

讀鄭注而自取低悟者也

書爾雅正義後

右爾雅正義若干卷。餘姚邵太史晉涵賡續郭氏注。而疏其所未詳補其所已漏。蒼萃摭摭勒成一書者。夫爾雅包羅天地。囊括詩書。標訓詁之指歸。通古今語言之同異。在昔業之者。無慮數十家。近日休寧戴氏主於沿字以討其詞。沿詞以通其意。其業橫翔捷出。故論說磊落旁魄。實能變易一時之聽聞。太史是書。則又破郭注之荒謬。邢疏之陋。凡片簡隻字。但與爾雅相發明者。莫不搜奇西穴。抉奧羽陵。亦采殊指舛論。意在別是以非。或收孤義僻聞。期其證同於獨塗山之王帛千重。禹鼎

之岡兩萬狀。栗栗菽栗。縷縷機絲。誠綴緝絕緒。羽翼孤
經。能闢山嶮。於蠶叢導河源。於星宿矣。予尋討細字。昭
若發蒙。服膺之久。因繫以詩。蒼頡鳥跡。既權輿。萬靈百
秘。洩包符。孳乳蝌蚪。及籀篆。墓墳根窟。達方隅。六經囊
括。總心畫。隻字貫串。皆道樞。元聖爾雅。始訓詁。孔門游
藝。先支餘。講析形聲。自幼學。庚續增益。到漢儒。經義煙
海。此津逮。沿源庶不隔。斷渠郭氏作注功。豈小中流失
船。賸一壺。陋儒閣注不寓目。繼注作疏。亦齟齬。學書總
取記。名姓問字。不過識之無。或矜鼯鼠。辨豹采。或誤螭
蝟。充食厨。終軍詎與蔡謨等。記錄細碎。要區區無怪。退

之腹磊落浪謂爾雅注蟲魚邵子正義一稟注郭注罅
漏全補苴秘書遍索呂覽市奇字盡探揚子居碎金收
拾入大治康莊指點借岐途穿穴羣經集證佐情狀百
物供暇漁詞嚴義密古在昔歷歷周冕溯商尋

盛代典冊萃壁府

堯文廣煥紉縵初九經九緯標涂軌一歲三歲任菑畬遂
有絕學破荒出江河既導萬穴俱真開潭奧啟鈐鍵寧
侈子不誇駟驢每展細字遂古接宛露義圖與禹書

律中黃鍾之宮辨

有九寸之黃鍾。又有八寸一分之黃鍾者。寸以十分爲法。則九寸。寸以九分爲法。則八寸一分。此二而一者也。皆指子律候十一月之氣也。有三寸九分之黃鍾。又有四寸五分之黃鍾者。對九寸言之。則四寸五分對八寸一分言之。則三寸九分。此又一而二者也。皆所以立之準。如國語謂之均也。爲三寸九分之說者。則呂覽言冷綸以嶰谷之竹斷兩節。間其長三寸九分而吹之。以爲黃鍾之宮。次曰含少。次制十二筩。以別十二律。解者曰。自黃鍾八寸一分。至應鍾四寸二分。中間長短相距恰

三寸九分。於是間別其三寸九分。穴孔而迭吹之。而黃鍾所生之七聲咸備。此三寸九分中。其全管則黃鍾。其餘則黃鍾之宮。所含之少聲。故曰。次爲含少也。此蓋別制一管以爲律本。然後如其損益之法。制十二律以相參驗。而十三律定於此管矣。爲四寸五分之說者。則蔡氏邕。熊氏安言。黃鍾之宮。黃鍾少宮也。半黃鍾九寸之數。管長四寸五分解者曰。先爲黃鍾之宮。四寸五分。以審定其清聲。而後倍之以爲黃鍾之全律。以生大呂以下十一律。冷綸以黃鍾清聲爲律本是也。呂氏所云三寸九分。則四寸五分之訛也。含少者。則宮少之訛也。蓋

朱子亦謂黃鍾清長四寸半也。然則月令季夏律中黃鍾之宮之說。將主蔡熊而黜呂氏乎。竊嘗懸揣覆審。九寸者黃鍾之體數也。四寸五分對九寸言之者。則以此四寸五分專爲黃鍾子律之體數立之準也。八寸一分者黃鍾之用數也。三寸九分對八寸一分言之者。則以此三寸九分兼爲黃鍾所生十一律之用數立之準也。專準者主於一而不咸。兼準者以一統十二律之全。於季夏中央土備四時之義爲合。故曰律中黃鍾之宮也。國語伶州鳩曰。律所以立均出度。而四寸五分則爲黃鍾立均出度。三寸九分則又爲十一律立均出度。如朱

子謂京房律準十三絃中有一絃不動者。十二絃自應
十二月。則黃鍾之宮。自無以易於呂氏之三寸九分者。

寢衣辨

寢衣不必爲齊製也。夫人莫不然也。夫人莫不然。而特記之者。若曰。聖人亦猶夫人云爾。蓋由褻裘之取其溫。連及寢衣。狐貉之亦取其溫。由褻裘之短長之有其制。數連及寢衣之長與半與狐貉之厚之亦各有其制。數皆以類相從也。合是章前後以分稽其類。彌覺三者不類之類。更雜而不可越。雅舊說讀有半之有爲。又則如十有二月。十有三年之有。言十又加二十。又加三也。然只就衣字索解。故安溪李文貞曰。恐非便。蓋比一身之長僅半耳。於是讀有爲如守。猶曰三分有其長。更有文。

貞蓋爲不便解也。而要亦只就衣製言之。則第據其半也。非其全也。其義似仍不該。不卽乎人心者。偶讀許氏說文注。被曰。被。寢衣也。長一身有半。乃覺羣疑頓釋了。無滯礙。益嘆說文之大有功於十三經。而治十三經者。誠不可不讀說文矣。則又有獻疑者曰。衣則對裳。衣有袂者。被亦名衾。衾合稠者。烏得無辨。然衿衣亦可言被。見於孟氏。厚薪亦可言衣。通於繫辭二文。訓詁豈本分曹割部。而許氏深於六書。乃肯函胡混并爲一者。旣而讀魏何晏集解。引孔安國注。寢衣亦曰寢衣。今之被也。孔安國則武帝時承詔作論語訓解者。前乎許叔重矣。

今第得說文片言已足杓指。況其不始自叔重。遠有端緒可尋者。將何去何從。與或曰固也。無可疑也。然寢衣別爲齊設。亦猶變食遷坐。更新以交於神明。故曰必有也是亦可備一說者。

讀曾子問

女未廟見而死歸葬於女氏之黨示未成婦也此曾子問之言也而以儀禮推之則其說有不可通者儀禮載士昏禮曰女次純衣纁舄立于房中南面又曰女從者畢袵元纁笄被纁纁在其後又曰父醴女而俟迎者又曰女出于母左皆稱女也至壻旣奠鴈則變文稱婦若婦從降自西階壻御婦車婦乘以几自是婦之稱名乃一成不易凡以女辭父母而適人卽宜正其名爲婦藉非婦也卽安得從人以往哉儀禮又載婦至主人揖婦以入及寢門揖入升自西階媵布席于奧夫入于室卽

席婦尊西南面。媵御沃盥交。又曰贊告具揖。婦卽對筵。皆坐。皆祭。又曰三飯卒食。又曰卒爵皆拜。贊荅拜受爵。再醕如初。無從三醕用禘亦如之。又曰主人說服于房。媵受婦說服于室。御受。又曰主人入親說婦之纓。燭出。此皆婦初至之文。儀禮序次甚詳者。今以未廟見死而曰未成婦。則古者三月而後廟見。設距廟見纔數日而死。豈有女子與其人共牢而食。合禘而醕。而又委身于人。至一月二月。近于三月之久。尙得謂之非婦哉。且不得稱婦。則必稱女。然稱女之不可不待習禮者。譏之又可知也。十二死者爲下殤。以其知有父子之情。則死必

立之主名雖幼不得畧之耳。今稱婦不可稱女。又不可。是使二十而嫁之女子一死遂無所屬。死生命也。而竟等於棄婦。死不重爲女子累哉。或曰此以見廟見之重耳。然予讀儀禮載納采。主人筵于戶西。西上。右几。鄭康成注云。主人女父也。筵爲神布席也。以先祖之遺體許人。故受其禮于禰廟。是女氏久重其事于廟矣。親迎時女之于廟。雖不詳其禮。然必請于廟而後行。又可知也。不幸未廟見死。卽歸葬于女氏之黨。是同一廟也。於夫家之未廟見者。則義不可留。故足以示廟見之重於女氏之已告於廟而行者。則不妨再返。不又以見告廟之

輕哉。或曰：儀禮經也。曾子問變禮也。予曰：變而不失其正而後可通也。若未廟見死則曰未成婦。以儀禮推之而實有不可通者也。因次之以俟通經者解焉。

荅陳體齋論小功爲位

來教謂申詳之哭言思爲位哭與倡踊一如子思禮文及鄭元注俱未以申詳爲不可廷燦謂言各有當也按曾子文意語勢以哭小功不爲位之不可耳其引子思之哭嫂爲位申詳之哭言思也亦然以言子思於無服之喪且爲位非直子思也申詳哭妻之昆弟之喪亦且爲位如子思之哭嫂所以甚小功不爲位之不可也鄭元注過此以往獨哭不爲位亦依文順勢以言過此則不爲位未過此則無不爲位者亦所以甚小功不爲位之不可而申詳之不可固未暇縷析而亦不必析而

自明也。禮曰：妻之昆弟爲父後者死，哭之適室，子爲主，袒免哭踊。夫人門右，則申詳於言思，固有所以自處矣。鄭氏俟讀禮經者於空文交會處，自得之，似未嘗留疑義以待後來疏之也。字子思者有兩人，固也。或又云孔氏一子，相承至九世，其又敢据其一說而斷然以子思爲原憲與？言思爲申詳妻之昆弟，旣据說者云云，則已確指其親戚之所屬，似不得而廢也。經義缺絕，不講蓋久，承問茫如，師心妄忖，知必無一得，亦不肯黯黹蓋覆，而不是正，伏惟裁定。

民貴

厥初萬物權輿與元黃同剖判者其圓頂方趾之民乎民質也有因民之質而文之者則曰聖賢民萌也有因民之萌而達之者則曰君相二者非有異於民也以民明民也以民衛民也非用民而爲民用者也此天地之心也然治民者且曰民賤何異足曰薦地而不思去地則足懸無所附雖有飛廉跨空之足僵仆頓踣而已矣何異魚日在水而不知水涸則魚相與處於陸雖有橫海之長鯨螻蟻治其命而已矣楊雄氏曰周之士也貴然文王武王周公之貴民也亦明矣愛其子者隆其師

布衣之士。貴士正所以貴民也。寒其足者傷其心。民不貴。卽士亦不可得而貴也。明人竭三百年天下之力。顚顚奉數十百褒衣博帶之士。夫此數十百褒衣博帶之士。其不及姚姒子姬孔孟之聖與賢可知也。姚姒子姬孔孟之聖與賢。天所靳而不輕生者。然及其旣生。天亦止欲其護吾民耳。貴姚姒子姬孔孟而於吾民夷然不屑。尙謂違天柰何。截然絕吾民於士。一以爲珠玉。一以爲糞土。小民方興相爲仇敵。雖欲長與士共天下。其可得哉。今夫投棄詩書家必敗也。固也。秦之賤士是也。今夫歌誦詩書不絕口。與之觀溝涂川澮。譚黍稷桑麻。則吐棄如臭。

是直隳天地之性而棄生人之命也。又豈真能歌詩誦書者哉。

富民

自常平社倉外。法宜以時風諭富民。歲積穀而貯之家。家約自百石始。遞增至千石止。隨其貲產之上中下而進退之。以爲一家積貯之數。其歲無儲峙。雖有儲峙。會不及額者。許里社相糾罰。其歲歲及額。且有加者。官旌異之。惟出入歛散。則不得與顆粒於官府焉。都計一鄉橫袤數十里。就中中下富民率什之二三。上富民率百之一二。寓數百石之蓄於十戶中。寓數千石之蓄於百戶中。卽不幸旱荒相隨。屬亦人人隱然有所恃以自固。故藏富不在官而在民。古昔富民更變久。皆知重積穀。

富民重積穀。故常平社倉所遼緩稽滯不及事者。富民實能佐有司之急。紆百姓水旱之憂。一時婚姻親戚毗鄰告糴告貸於其門者。若取寄物耳。其後謠俗被服飲食奉生送死之具。皆務極聲色窮珍異侈麗都。喜好佚樂而矜誇勢醖。漸靡既久。富民遂相率重金錢而不便利穀粟。至於歲歲括賣升斗之儲。以奉其所欲。給其所求。猶苦不足。困窮耗矣。一遇旱乾。猝至貧者富者俱若魚之涸。而處於陸蠅蟻皆得制其命。而俟其斃。有立枯死耳。嘗竊嘆學士大夫不重經籍儒術。務爲一切文法。以周防籠絡。其實乃枵腹空空無益於用。徒長浮薄散。

淳樸皆富民。不重穀而重金錢之續耳。昔管夷吾過市。有新成京囷者。二家請桓公賞之。民爭爲京囷以積穀。齊用富強。武王立重錢之成。令民有百鼓之粟者不行。而國穀二十倍。南楚俗尤隋窳。安土物。重遷徙。董董與穀爲命脉。今穀熟則盡化命脉爲金錢。如穀不熟則豈可食金錢以全命脉。真莫稗之不若矣。有深思長慮爲根本之計者。於富民早爲之所。或亦有以佐常平社倉之所不及者歟。

節烈辨

女子以身許人。其重無加者。節而已矣。其切齒椎膺。屈折以之死者。皆求其不失節而已矣。節不必皆烈而烈止。所以成其節也。節固窮天地亘萬世而無以易者也。予讀歷代史傳。自唐以前。其女子之近烈者。無若皇甫規妻之立罵董卓而死。呂榮之手斷仇頭祭夫。旋因賊逼而死。而後漢史皆書爲某某妻。其書爲某某妻者。猶春秋之繫叔姬於紀。繫伯姬於宋以完節予之也。至唐書始稱烈婦者二。而二婦皆非殉死也。一以護項城於寇。至一以脫夫難於仇手。此固史家之因事起例。而其

他之引刀斷指立舟罵賊如樊彥琛妻如符鳳妻之斬
斬立死者又未嘗不以其節而統之也然則清操終其
身而不遽死者將何以別之耶曰清操終其身者甘節
也倉皇引決者苦節也聖人繫易甘者苦者固明統之
以節矣今必謂從容者書節而慷慨者書烈將教人以
節耶教人以烈耶以烈教人則烈不可垂教以節教人
則烈亦爲吾所美而其美且若過於節是使女子之守
義者節則遺烈烈則遺節於彼於此無一得有全美者
也且謂從容者不得爲烈亦將謂慷慨者不得爲節哉
故曰莫若統之以節統之以節則吾之期天下以必至

者止此而其人之安車而徐至與重繭頓足備歷艱辛而
至者惟天下之所以而吾第問其至不至初不問其
何以至其爲教不益明乎蓋節者心也烈者迹也節者
理也烈者氣也迹以明心氣以輔理君子原心據理亦
從其重者立言而已矣然則烈當諱耶曰據事直書而
烈自見也董桂可以一用而不可以常用良醫者未嘗
教人以常用而詳著其性亦不廢其材故天下之利其
用也仍與參朮同功此作史者所以有綱目之分也韓
歐蘇曾諸大家文集特無列女傳耳自元明來以古文
命世者多膠固於節烈二字循俗標題破析體例究之

舉其偏而遺其全。而於經史義法。曾未有以合也。予作江慶璜妻傳。直書江節婦。而詩人潼關楊子安桐城石聞涿以詩來。皆署爲江烈婦。二君博雅君子。或別有所據。惜道遠無由是正也。作節烈辨。

捕姦議

某女既聘某。而有所私。某偵知之。伺所私者入其室。袖木椎扣門。所私者踉蹌出。某迎擊之。則踰牆走。同某至者數人。合歐斃之。事聞。有司以某例平人。不得捕姦。罪宜抵相國。諸城座主曰。是不然。一日在史館爲桂林相國言之。諸翰林咸在。有進而請者曰。女未廟見而死。歸葬於女氏之黨。以其未成婦也。况聘者乎。聘而捕姦。某烏得無罪。諸城座主曰。謂聘者亦猶平人耶。然則昏禮自納采問名。納吉納徵。居六禮之四。皆聘禮也。何爲敬慎鄭重若此哉。民之爭娶不決者。

今法一以先聘者爲斷。又何重有所繫也哉。且今爲某計。將棄而不取。抑恐而不發。抑恐而不發。則非人棄而不取。則未必帖然服之。二者既皆不可。而秉禮議法者。又從而禁之。曰。爾平人也。不得捕姦。豈情也哉。情也。法也。理也。同實而異名者也。揆之情而不安。則俱不安也。然則某無罪乎。曰。捕姦可也。殺姦不可也。其照罪人不拒捕而擅殺。律科斷言者。乃翕然定。或猶不能釋。然於禮所云云。廷燦謹按。禮文推之。亦無不合者。禮曰。取女有吉日而死。壻齊衰往弔。夫第有吉日。是其未成婦。更遠於未廟見者也。未成婦死。壻可齊衰往弔矣。未成

婦受污壻獨不可捕姦乎哉。且名則壻而服則齊衰其
不得以平人例又明矣。請著爲令。後有斷斯獄者得以
不疑焉。

書荀子後

荀氏著性惡篇。二千年來。不攻荀氏者無幾人。而攻荀氏者最夥。然是篇與三十二篇並傳。至竟不廢。豈不以荀氏亦持之有故言之成理哉。予謂言不言俱以貞教也。性之善惡。吾無暇與荀氏斷斷角辨。果其惡也。亦非荀氏所宜言。何也。謂孔孟不以性爲惡耶。則荀氏之智過孔孟遠矣。謂孔孟亦知性之惡而不言耶。則荀氏知之亦可不必言矣。聖賢之於人人也。猶父兄之於子弟也。今夫父語其子。兄語其弟。里巷稍知自好者。必悄焉惻焉端慤焉。壹約之於嚴重。而媒娼狎嫖。旣躬自蹈之。

者必縮舌收聲。不肯自其口出。非用僞於其子與其弟也。不語者正深於語之。罕言者更切於言之。雖孔子用心亦若是而已矣。或曰。荀氏之言性惡也。非導惡也。俾人自知其惡。因以去惡而就無惡也。枸木必將待礪。枯烝矯然後直。鈍金必將待礱。厲然後利。此荀氏之志也。曰。以正導人。人猶背正而之不正。以不正導人。人反去不正而嚮於正。即且未聞表曲形者。取直影也。今夫人離去故土。安所遷而不返者。率不知返者也。有人焉。從容指示故道。彼則寤寐涕泣。日夕冀幸其一返耳。荀氏性惡之說。吾無以定之。萬一其然。亦指示斯人返於惡。

之故道也。非荀氏所敢言。所恐言也。昌黎韓子欲削荀氏之不合者。附於聖人之籍。若性惡篇。例以孔子不言之教。剷燒之可也。

書劇秦美新後

雄。篤。於。信。古。者。潛。心。覃。思。夢。寐。在。姚。姒。子。姬。孔。孟。制。作。
俯。仰。明。聖。儀。式。典。法。懇。惻。憤。惋。復。之。無。由。豈。不。以。秦。燔。
六。經。放。恣。媮。情。先。王。仁。義。禮。樂。經。緯。條。貫。激。蕩。汎。掃。橫。
鶩。別。驅。宇。宙。氣。象。廼。陋。詭。劇。矣。盛。漢。收。拾。整。齊。惇。崇。
扶。樹。一。時。君。臣。上。下。同。心。護。持。經。藝。若。神。明。父。母。而。禮。
沿。叔。孫。通。儀。刑。準。蕭。相。國。律。帝。與。王。綱。掩。抑。鬱。滯。招。延。
耆。老。碩。儒。禮。官。博。士。不。過。蒐。輯。殘。缺。討。論。同。異。耳。新。莽。
承。亂。文。姦。辟。靡。校。學。禮。樂。興。服。并。刑。人。役。暨。官。制。冊。誥。
一。鰓。鰓。規。撫。詩。書。禮。樂。春。秋。論。語。孝。經。標。揭。膚。末。張。皇。

潤飾高呼大號鼓動眩晃六經制作閣而復曜蓋秦燔
經漢重經莽因之用經抵牾乘便海宇疇不眉揚目動
受其牢籠彈壓矧雄經生膠固迂疎老不曉事迺適中
其結習髣髴與之揖讓進退低徊咨嗟於虞夏商周之
盛宜雄踊躍庶幾草元餘暇比例品藻美不容口者哉
後人讀劇秦美新爲詬厲爲讚頌其亦未原雄平生本
末而好憎俱舛者哉

書參同契

參同契三篇。自謂歌敘大易。壹秉三聖遺言。彼其括一
歲之四時。二十四氣。七十二候。簇於一月。一月之氣候。
簇於一晝夜。一晝夜更簇之一時。一呼吸。生死互根。仇
德並居。輻輳混沌。周流六虛。其運布六十卦。三百六十
爻。幾至微功。至密極之造次。須臾無不與元命相賡續。
可不謂深於易者乎。若夫叅用納甲。即可考證先天卦
位。尤非無所淵源。付受。然予嘗究厥旨趣。知白守黑。義
儉德孤。則第括以潛龍勿用一爻而已。無餘蘊。安用易
之演爲三百八十四爻也。惟其推測乾坤符契。坎離校

度陰陽消息屈伸終始之故。豈返而驗諸吾身。確乎其得。所依據此。又讀易微旨。知東漢人受經。繹經尚非去聖人久遠微言乖隔比者。蓋易與天地準。易之大也。易與吾身準。又易之精也。若參同契之於易。用其大而未推廣其大。亦知其精而猶未妙析其精者歟。

書前漢武帝紀

班史稱孝武疇咨海內。舉其俊茂。與之立功。其實不然。夫董仲舒。傲兀於秦燄之餘。潛心大業。討究微言。廩廩乎。志在嗣音。六藝踐迹。孔孟賢良。三策醇儒。雍容敷奏。粹然一出於正。其不爲漢廷鳴鳳乎。何自孝武眎之。蔑如也。菑川人公孫子遠。迹羊豕之間。粗治春秋雜說。一旦天子擢策第一。遂由徒步至丞相。封列侯。迹其一時主臣遇合。雖高宗之舉傅說。齊桓公之信甯戚。管仲亦無以過。然彼特以儒術緣飾文法吏事。工於匿端順旨。陰內巧辯耳。曩令孝武以擢公孫子者。擢用仲舒使之。

明王道考禮制興教化美風俗其才卽不逮伊呂其深思至計固人國家根本所以度越蕭曹魏丙者豈其微哉顧乃一相江都再相膠西遠投以疏其迹而公孫子所謂人主患不廣大者乃得侈進其說公行其術漢之海內騷然矣葉公好似龍非好真龍其孝武之用公孫子乎若夫卓然罷黜百家表章六經則又孝武之能用仲舒策者而使千古聖道遂如日中天論者謂仲舒一言有以定漢家四百年之基夫一言而定漢家四百年之基此固孝武之宜以用公孫子者擢用仲舒也

書浯溪新志後代

右浯溪新志十四卷。宋君懷山薈萃剪截。鎔冶成書。浯溪幽遐邃邈。惟特壤富之勝。是書搜抉駢羅。軒豁毫楮。非篤嗜古者。能勤懇至到。綢繆典實。若茲乎。初懷山與予同隸西蜀。兩人踪跡頗闊疎。不相聞。丙戌同宦遊湖湘。始訂交。既而懷山令祁陽。予令零陵。百里毗連。因緣尤近。然懷山負幹局。既蒞祁陽。感激奮悱。汲汲與民梳。痒剔蠹。興廢舉墜。予陰折懷山才吏也。時時希慕風味。罇心壹力。汲汲角逐懷山。惟恐後。以故兩人會合仍稀。庚寅鄉舉。同懷山分校文字。廼得過從。彌月接席促膝。

商○推○平○生○官○燭○風○簾○相○視○莫○逆○兩○人○投○契○是○役○益○深○無○
何○懷○山○旋○以○吏○議○罷○官○去○明○年○相○遇○長○沙○懷○山○屯○蹇○拓○
落○出○是○書○草○本○珍○重○屬○予○予○迴○環○撫○覽○作○而○嘆○曰○文○吏○
非○可○學○而○至○也○予○於○文○事○亦○結○習○難○忘○者○然○作○吏○零○陵○
管○領○黃○溪○愚○溪○鉛○鋁○石○渠○諸○勝○數○私○自○幸○喜○謂○當○爲○柳○
子○一○一○收○拾○潤○澤○用○識○嚮○往○而○簿○書○填○委○愛○我○者○至○動○
色○相○戒○謂○妨○政○治○予○初○尙○不○謂○然○然○予○亦○至○竟○不○暇○及○
懷○山○獨○從○容○考○古○仰○止○顏○元○蒐○證○文○獻○整○齊○一○書○又○何○
其○博○綜○爾○雅○恢○恢○有○餘○裕○也○因○梓○是○書○於○清○泉○官○舍○以○
成○懷○山○之○用○心○以○志○予○之○不○逮○又○以○見○抱○才○績○文○如○懷○

山而膠轕齟齬不得行其意者古今來何可勝道哉

明指揮使謝公承任死事傳後敘

茶陵謝生國楚以其先世指揮使謝公承任死事桂陽縣志傳及詩歌彙爲一帙請予更繫以傳予展讀卒業辭焉已乃作而嘆曰公偏裨微弁耳天資忠孝奮勃其心寧遂支解其體爲萬山中一小縣死死旣百餘年猶生氣塞穹壤而光日月當時擁專閫佩斗印擅土地甲兵坐恃貴強桀大以自便其避死趨生之計者亦復何有哉論者或曰公死事於明季不甚著非關天下之所以存亡是大不然者今夫縣無小皆王土官無小皆王臣當粵寇鍾靈秀之薄桂陽城下也若俱如縣官之縮

頸宵遁則豺虎縱橫寇盜充斥直入桂陽視若無人耳
天上地下有一可視爲無人之處則天下豈有一無心
之人哉今人惟有心自毛髮指爪之末以至呻吟疴癢
之細無不隱隱脉脉呼吸相貫而後其人不死況人者
又天地之心也無心貫一身不可以爲人無人貫天地
則天地又何以與立通是說也亭障堡戍中一老校羸
卒皆其司命脉而與天地貫者也何況指揮使之於桂
陽然無人不有是心而或禽獸其心究不可謂有心亦
猶天地間無處不有是人而或鬼蜮其人亦究不可謂
有人嗟乎此則惟公之人所以貫天地而天柱地維所

賴。以。有。立。者。也。其。人。雖。已。死。而。其。人。爲。天。地。之。心。之。人。
則。天。地。之。心。乃。亘。萬。古。不。磨。者。故。其。人。雖。死。而。常。生。而。
斷。非。戈。兵。水。火。所。得。而。死。之。亦。斷。非。膏。梁。文。繡。所。得。而。
生。之。也。曩。令。明。之。縣。邑。隊。伍。皆。得。如。公。之。人。心。公。之。心。
以。爲。天。地。立。心。則。縣。邑。隊。伍。皆。隱。然。重。鎮。強。國。豈。復。有。
今。日。破。某。城。明。日。又。破。某。城。者。哉。夫。一。身。者。一。肢。之。積。
天。下。者。一。縣。之。積。也。若。林。大。傳。之。棄。桂。陽。如。敝。屣。第。脛。
指。不。可。屈。伸。耳。然。人。一。二。指。摘。卽。身。慮。亡。聊。宜。公。之。疾。
痛。相。關。與。身。俱。赴。者。嗟。乎。自。公。之。死。十。有。三。年。爲。思。陵。
癸。未。闖。獻。橫。驅。郡。邑。望。風。瓦解。當。是。時。明。之。天。下。錮。疾。

不仁。雖扁鵲不可爲治。大率皆由林大傳輩積而成之耳。然與其由林大傳輩積之而亂。何如由公與蔡江門一輩人積之而治哉。予考春秋之義事。關疆場者。雖微必著。因反覆是帙。不能已於言。乃就觀察李公拔傳敘而還之。謝生以副其請。亦以見得失之林有如此者。

家譜四禮訓並敘

禮體也。履也。周身之有城郭。閑家之有干櫓也。是故懸規植矩。無非儀性。物心基於飲食。男女之卑通於天地。鬼神之奧。髣髴蒙而養正。必束筋骸。耄耄篤以頤年。猶凜師保。貫乎倫紀。愛敬達乎常變。經權檢衛。周防造次。必勤小物。沉潛服習。徬徨永念。先民渺孤。舉而幽尋。微言在六經細字。矢閑褻而禁放。令則繫五夜潭思。謔浪自喪。威儀天命。不又晏安。徒增疾疢。去日苦多。稼穡罔知。厥子乃諺誕。父母耆宿疎遠。其人徒暴棄聖賢先君。老於布衣。勇必克己。少離庭訓。篤在敦倫。出言共諒。其

無他發憤咸知其秉正。小子積誠不至。學道無成。默念
民之愛中貴。能定命。懼喪天之與我。致誚無儀。習慣德
隅。必先謹於冠昏喪祭。敷敝家訓。庶幾學爲子孝臣忠。
族大於肖子。冠重在成人。阡陌爲羣。塊然徒累長物。形
骸必踐惕。若自洗童心。試思身缺一官。卽謂之疲癯殘
疾。若使心鑿五性。更甚於豺虎鴟鴞。著始三加。人道隆
則賢才出。要歸六藝經術。茂則俊民興。學爲五事。五倫
期於復性。慎爾失言失色。責在省躬。彼不殖將落之材。
是處顛躓。無用心於內之學。徒然夸毘其未冠也。培其
基。矯童條而使直。其旣冠也。毅然任懼老朽而無聞發。

憤下帷。經籍本爲神物。低頭幽討。傳注乃其津梁。易必知爲卜筮。書無徒疑。今古詩則最深。諷喻禮或聚訟。漢唐義例紛如。終輸左氏褒貶。任意創獲。康侯惟宋五子之精言。尋源洙泗。至明末造之心學。張脉陸王。氣燄波瀾。真成斷港。神明規矩。吾得安溪。史才肇自馬班。代推廿一奇文。鬱起唐宋。人擅八家。子苑莊騷。波譎雲詭。文選李杜。賦海詞宗。若夫時藝傳神。更闕王制。亦惟先民有物。咸執經心。畜德必多。識前言。非誇輦輦。聞道必折衷。至聖默契。援鶉憑依。自爲根心。而立言立德。氣數不道。好學則必明。必強。貫乎天地古今。惟賢希聖。知有禮。

義廉耻。其次寡尤。飲食啓乞丐之門。賭蕩犯神明之忌。燕朋聚倡優之侶。豪華卽憔悴之容。若此者皆非人也。非人則何以冠。禮經必嚴內則。家人惟利女貞。婦德婦言。婦容婦功。未嫁則教於祖廟。有別有義有親有正。旣嫁總關乎人綱。故納采以至請期六禮敬慎。由奠鴈以至著代萬福本原。夫婦於五倫爲幽莫。幽卽其莫顯。夫婦於五倫爲始有始。所以有終。祖妣似續於是乎承。孝友祥瑞於是乎集。門祚盛衰於是乎卜。人心敬肆於是乎分。順於舅姑而後當於夫。已私不與睦於妯娌而又宜於室婦順乃

修致戒非儀勤供酒漿布帛無私財貨審守委積蓋藏
業在蠶績蟹筐愆則有辟瑣及鴨欄豚柵細不可遺戒
旦佐勤夫妻之敬如賓客章志貞教閨門以內若朝廷
情欲無介乎儀容故男子晝不居內嫌疑必凜乎保傳
故伯姬火不下堂榮棣之如鼓瑟琴第謂同心友愛車
牽之如慙飢渴止望來括德音男惟謀道治經妻必賢
助子知篤行礪學母必嚴君義純乎天故婦無二斬情
抑於性故女從一終至畧德性而論裝奩徒寡廉耻遠
中饋而役婢姬豈載福祥縱驕逸者必起勃谿慣粉飾
者必導淫慾坐挑繡者必廢職業疎米鹽者必招窘窮

存齋文集
故家睽於婦人。片言而昆弟胡越。孝衰於妻子。投意而晨昏淡漠。凡天命之乘除。無常由人事之脩悖。所召昏禮。蓋可忽乎哉。

人之生也。豈徒然責備於是乎。始人之死也。非泯爾職業。於是乎完。惟服義而自強。生有所以養。斯考禮而不昧。死有所以藏。是故孝莫隆於事其生。典莫大於送其死。當養體而必養志也。果爲善以貽令名。及侍疾而且侍終也。勤無方以孚治命。至於遷床永訣。創鉅痛深。猶冀緩斂復生。志悲心絕。節文度數。委耆儒而酌其詳。哭泣衰麻。竭誠心而返其本。始死之奠。以餘閣如。奉晨昏。

三日之殯在阼階。漸遠賓客爲襲爲歛。衾綬最重。衣尸附身附棺。堅緻無使親土。喪次居中門外。室朝奠夕奠。以致虔宅兆在土。厚水深三月踰月而後葬。灰沙足固。體魄掩壙不厭其艱。虞祔以棲神靈。題重必致其慤。始死則食不入口。徐進粥糜。首內則苴表惡容。期還練服。銜悲者茹素三年而味不期甘。作僞者忘親。再期而居乃復寢。哀至則哭。故無常聲。文勝則滴。宜將至性。若夫飲啖如故。雜沓不倫。致客而貢帛。筵傷廉儉。義非公而元冠墨服。循俗飾非。懺罪以延道僧。謀福而縣窀穸。啓期以計贈賻。悖典而與燕昏。此雖狀與誄飾諛詞。要

使存與歿垂名教者更有旁親外姻之喪制無非羣居和壹之化源親在何嫌從父母而爲服年老何忌雖七十而爲衰故記爲位以哭者申詳譏小功不稅者曾子終暮年而不御正服雖止於妻餘三月而可推旁服俱無可僞惟其厚於人道故伸性以抑情亦猶體乎親心乃篤近而舉遠

祭非物自外至而中怵以奉之者也惟性天地之性集木履冰乃心祖宗之心通微合漠如臨父母視無形而聽無聲猶有鬼神愛則存而怒則著故仁所以報本卽孝所以事親其義一也稽古大宗小宗互維以統支子

或止二廟一廟遞降不下庶人在上世則制無僭踰惟
宋儒乃禮以義起謂高曾有服準人祭四親謂水木有
源宜家薦始祖自合族得立始廟乃雜羣穆羣昭且大
宗非有世官或至爲氓爲隸有不知陪祀者必選其功
業德誼主祭者必權其文行官階無官階者用衣衿並
無衣衿者用端厚之
士正嫡者必許其位列旁參宗孫亦如官階則宗孫合
主祭否則仍旁參一位
敬者必聽其掄年直祀祀版首書主祭孫
次宗孫次直祀孫以是立始祖
廟庶不失大宗遺意者若夫四親之祭固亦統於小宗
又患小宗之賢未可承乎先德小宗亦有不知
拜跪如氓隸者支子如
有祿秩立廟何嫌立四親廟於
家之左右旁五服若皆士民祭寢不

失奉四親之祭於寢也第立廟者值薦祀仍參以小宗之班卽祭

寢者逢忌期必拜於小宗之室分支之祖父俱合祭其

私無後之旁親乃因班而祔此亦不失小宗遺意者且

四時有祭重春秋迎來送往今止用冬至一祭不合家禮俗節有薦

及糕粽事死如生忌口則終身之喪高曾非可遞殺祭

墓因托體之吉后土並致尊崇爵命冠昏告因乎祭朔

望出入叅志其誠以廉俸置祭田隱寓世祿以勤省嚴

墓地散同族墳更有春祀戶而秋祀門陽出陰入戶自

奇而屬陽門自夏祀竈而冬祀井今俗呼天井中間有

外入偶而屬陰不能家有故易以行益井火燠水滋中雷通明其神屬

田之溝卽在塋下故也

士梁脊如在其祀最尊。今之梁脊即中霤處此皆人賴以生故德無不報何乃諂非其祭致躬有不親神依於人將在悽愴怵惕心有其物如見昭明焄蒿祭禮多本安溪議

舜陵考

舜陵本始於尚書詳核於禮記雜見於墨子離騷史記諸書書舜典曰陟方乃死禮祭法則曰舜勤衆事而野死檀弓又曰舜葬於蒼梧之野墨子則曰舜道死南紀之市史記則曰舜南巡狩崩於蒼梧之野葬於江南九疑朱子注離騷九疑亦曰九疑舜所葬又通考十三經古注漢書漢紀各注暨竹書山海經淮南子風俗通世紀皇覽輿地考俱各往往稱舜南巡崩葬蒼梧九疑蓋歷三千年無一異辭者自唐昌黎韓子孤據竹書紀年云帝王之崩曰陟因謂陟爲上昇如舜南巡則地勢東

南下宜言下方不應言陟方乃斷陟爲讀而以方乃死爲釋文蔡氏傳尙書採其說後儒又援孟子卒於鳴條一語遂置經傳中確然可據者不信而揣測乎無何有之鄉羣謂九疑不必有舜陵而陟方斷斷非南巡矣然姚姒典謨簡古渾噩從無贅文自釋之例而商書有陟遐自邇之文則陟亦不盡訓昇而訓行方則省方之方是廷燦竊謂五十載書其年猶堯典二十有八載云爾乃死書其崩猶堯典乃殂落云爾中錯陟方二字書其事則是年適巡行南方有事於苗民爾何以知之以呂刑皇帝清問下民鰥寡有辭於苗而知之也夫舜豈徒

垂拱蒲坂而遠徵發洞庭彭蠡之鰥寡走數千里外一
問苗情於殿陛乎吾知其必不然矣蓋自苗民弗用靈
已竄於堯世叙於三危呂刑所謂遏絕苗民無世在下
者而其後留而未竄者又頑弗卽工禹攝位有年奉命
徂征而仍逆命於是禹因益贊以班師舜則因益贊而
行方問俗蓋不以苗民非薄直深入其地一如所以待
羣后者與之明明棐常分北其君子小人使鰥寡無蓋
蠢茲有苗忽近聖人至德之輝光亦遂蒸蒸然向風丕
變故曰誕敷文德而有苗格不然舜居攝且三十年卽
帝位又五十年施德旣久矣而史臣獨別之以七旬則

此七旬效何以獨捷。且將屬於何載。斷於何時。豈不以禹師隳之三旬。而不服舜德。南行七旬。而乃所過者化乎。呂刑繼皇帝清問下民。鰥寡有辭於苗之下。卽曰德威惟畏。德明惟明。正摠括文德誕敷七旬。苗格之實言之也。故表記亦曰德威惟畏。德明惟明。非虞帝其孰能如是。且史臣紀舜典而殿以分北三苗者。以見舜在帝位之終。紀禹謨而殿以有苗格者。以見禹卽帝位之始。可知三苗在虞直至末年南巡而後靖舜於時。適百有十歲而死焉。葬焉。吾蓋讀呂刑而得舜典禹謨之通證。並得五十載陟方之確詮。陟方之解定。則舜陵定矣。然

則鳴條之說何居乎。曰淮泗在上古無涓滴注江。而孟子謂禹排淮泗。公侯在周官本受封五百四百。而孟子謂公侯皆方百里。此亦何必深求其解。命世大賢高文英辨。特取東西角對爲下揆一起步。豈於禹貢職方必一一求詳哉。如其一一求詳。則畢剗分明兩地也。豈文卒於畢又卒於剗哉。其亦考所不必考者矣。或曰舜卽南巡崩。必無不反葬者。不知聖人以天下爲身。沒卽於其地葬焉。又豈可以後世反葬邱首之說泥者。或曰九疑封樹無考。不知冢人設自周官。孔子曰古也墓而不墳。繫辭曰古之葬者不封不樹。蓋因山爲體。亦其時制。

則然。又南方之人信古而質，必不敢妄有增益。惟舜功德在人，奕世猶共識其葬處，不忘云。或又曰：蒼梧屬嶺外，與衡隔遠，不知蒼梧於古爲山名。本荊州南境，去衡不數百里。自漢武帝時始析長沙置零陵郡，又析南越置蒼梧郡。零陵郡則設營道、浦冷道諸縣。九疑山在營道南境，故有謂舜葬營道者。營道郡今隸永州府之寧遠縣，出郭六十里，爲天南第一巨鎮。舜陵在九疑之舜源峯，聳翠出奇，誠天造地設以安虞殯者。蒼梧郡則設謝沐、馮乘諸縣。謝沐卽今隸永州府之永明，馮乘卽今隸永州府之江華。江華接壤九疑，而如淳云：舜葬蒼

梧馮乘縣祇以兩地孤離毗連。又執泥蒼梧郡名。故有是誤。究之古無郡縣。惟以名山大川表封域。爾時九疑正蒼梧之野。蒼梧之野卽九疑。書注釋云。九疑一名蒼梧山。應劭云。舜葬蒼梧。九疑是也。惟文穎云。九疑半在蒼梧。半在零陵。則猶主嶺外蒼梧郡言。殊未深考者。湘鄉蕭副車智珣作舜陵考。徵引甚博。予以古文法著其援据之正。斷制之確者。而削其不合者。至以經證經。竊謂差有一得。以待通經學古者是正焉。

書米脂令邊大綬事

邊大綬者直隸任邱人也。明崇禎時，作令陝西米脂縣。遇中原蠶午魚爛，一日具箋上制府曰：竊見流寇蔓延，李賊尤猖獗，不可制。其鄉貫實隸米脂，職訪得賊祖李海賊父李守忠墳墓俱在縣治營壘時，遇異人指畫謂三世後貴不可言。今不幸言中，若伐冢剖棺灰其骨，斷其山脈，洩其王氣，賊亡可立待。又訪得勦葬賊祖之縣民李誠可爲嚮導，貢生艾詔則又識李誠踪跡。許鉤致者，但乞俞允俾得便宜行事。是時汪喬年總制陝西，急符下縣曰：義心足報國，幸勉爲之。蓋崇禎十四年十二

月也、明年壬午、艾詔領李誠至縣、言誠卽闢賊里人、勦
葬賊祖已久、亦憮恍不甚記憶其處、但從前啟土時、得
空穴三陷、黑碗一圍、術者教填其二、用其一、取黑碗注
油然燈、并封置穴中、今但見黑碗者、卽賊祖冢也、大綬
卽檄練總黑光正、堡長官王道正、及箭手三十名、鄉夫
六十名、盡一晝夜行二百里、至其地名三峯、砦遇大雪
深二尺餘、鑿山上鳥道、攀緣始得上、上一里許、見諸窰
舍牆垣、卽闢賊邨落、又過一山、四面峯巒環拱、氣槩雄
奇、而林木鬱葱茂蔚、則封墓壘、計二十三堆、始伐五
六冢、骨皆血色鮮潤、不似遠年骸骼、然皆無黑碗証驗、

直日已就。燠圍火待旦。再伐數冢。而黑碗出。檢李海骨。黝如墨。額顙白豪長六七寸許。其左側冢頂。茁榆樹一株。籠蔭如臂。斧斯墓開。下蟠白蛇。長尺有二寸。頭角蜿蜒。是爲李守忠墓。其骨節綠如銅青。亦生黃毫。長五六寸。其餘骨骸。奮張鬚鬣者七八冢。盡數鋤出。聚其尸骨而燒剉之。童其山木而焚赭之。仍具箋笄。黑碗白蛇上制府。喬年劇喜慰。大加獎許。而米脂人謂是役必速禍。不可測。又賊嫺黨艾朝棟。高映元。馬起龍等。聞賊有四。月十九日起。馬入秦之語。更流言鼓煽。羣謀縛大綬暨艾詔。黑光正等。迎獻解。忿大綬曰。無庸。賊來修怨。于一

身爲樞質。斷弗殃及米脂一民。衆猶然疑不定。會制府
列大綬薦剡中。將會巡按保題城堡廳。又明年計典。大
綬官評稱卓最。賊黨愈益。忼忿不自安。遂捏造單辭。極
力構陷。部議鑄一級例去官。制府論留候題。大綬不可。
遂禡被去。秦歸任邱。十月十六日。闖賊破潼關。陷西安。
未幾賊烽又逼山西。會真定叛卒殺撫臣輪賊。於是固
關失守。賊三路犯神京。遠近震恐。是時大綬親暱亦勸
其遁跡用晦。庶或保全要領。大綬撫然曰。如孀母何。又
如邊族門戶何。吾原爲朝廷滅賊計。今獲死所有餘榮
矣。何以避爲。十七年三月。賊破都城。懷宗殉國。大綬北

向慟哭發喪。越四月二十八日。聞賊潰而西走。方謀聚諸生謝銘石等。將舉義師。邀截殺賊。一報國讐。越翼日而賊之縱騎入任邱城矣。大綬挺身不動。未幾偽令曹懷玉。喚羣役縛執大綬。付賊使白姓吳姓者而下其母妻家口於獄。闔門羣從亦被執。相連屬。任邱人觀者塞巷。皆爲寒心刺骨。初一日賊執大綬西行。其家衆以保任獲免。明日至安平。明日至無極。又明日至真定。入城賊衆充斥街巷。喧傳大駕且至。見者咸抑揄曰。是伐墓人邊大綬也。亦有此日耶。又明日初五。賊傳偽帥馬出城發兵候駕。二賊亦押領大綬出候城外。但見賊兵自

北而南者。塵土蔽天日。然皆老幼扶攜。丁壯兒戲。十賊中率夾帶婦女三四輩。茫無紀律。大綬憤懣。謂如此鼠子殺之如草。而所向淪陷。神州陸沉。真可痛哭流涕者。延佇良久。倏傳駕已至闕帝廟。吃中火卽行。二賊又帶大綬至廟門外伏候。是時隨役者止存王姓。其三人暨持驢人俱亡去。大綬度見闖賊必死。盡以後事付王姓。好爲傳語家人。我死國難無憾也。須臾賊竟去。僞帥傳諭帶大綬西行。明日至固關。闖賊以百姓堙塞井汲。方殺人如雞狗。橫尸闕道。又賊卒不署弓撚箭者。下令盡斷左手。血月淋腥。是時王姓亦遁去。惟吳陳二賊押大

綬出關適見關賊咸下馬伏候道左。正欲稟白。而吳賊忽搖手相戒。使其時陳賊出口一言。馬前立壘粉矣。初七日賊中傳言追兵至核桃園。乃下令調後營人馬却回防關。二賊押大綬亦退住平定州東關外聽候。僞旨至初十日薄暮始傳止留精兵防關。其輜重先行。是時關賊已上太原。吳賊乃同一賊僮押大綬疾行一夜。天明至壽陽南關。搜米覓水炊飯草食。人乏馬疲。吳賊命大綬解鞍繫馬。自入小室偃卧。賊僮則樓上卧。大綬亦假寐良久。忽聞棧馬蹄齧聲。呵不止。起鞭之。再三鞭之。吳賊方酣睡不覺。大綬遂抽身出門北行。初迎一賊衣

黃者問何之。詭云：南頭無水，復北尋耳。至北頭入一店，見三賊方束裝。詭曰：汝已行，何復返？則曰：來取水具耳。潛身進後院，下覷壽陽城河無水，卽捨身跳下，循城北走。二鄉民持梃搶營，喝問自何所來。答云：吾亦搜物者已，而四五僮父各執鎗棒，圍索財物，無有洗剝其上下衣，換破衣二具，纔被體。大綬見日方亭午，慮有形影可指目，終難脫賊網。卽蟄山畔土窟中，氣死形灰。至晚賊騎來探者六七次，皆未破露。待月出甚高，始延頸出穴，視月所向，攀緣上下。歷墟墓礪澤中，鬼燐螢火殊非人境。及曉逢人，問所向，自稱保定諸生，被掠逃難，但求得

生還鄉耳。其人憐之，指東北隅方山寺，尚可容棲。大殺極奔三十里，遂委命僧寮。淹住六日，始辭僧衆出門。由山僻小徑，蟻行饑丐食，晚露宿。經土寇叢中，數處信爲乞丐，尙無阻撓。惟聞固關娘子關，俱賊兵嚴守，不敢過。有荷蕢者三人，識小路，導之入疏黃口。而疏黃口萬山一綫，豺虎猿狖交橫噬人。至最陡絕處，頂踵相磨，上騰天下入淵。凡數十折，始履平地。又凡六七道渡井陘大河，始涉虜池。達真定，自是稍稍寄通名姓，傳語親懿，聞者且悲且喜。遠來迎勞，慰問洗沐更衣，然後得遞達任邱，與一家兄弟婚姻，登堂謁媼母，分明團圓相見。母子

如初猶疑在夢寐恍惕中悲慟欲絕是爲五月二十九日計被執時正匝一月或曰闖賊不生明之天下不潰闖賊不死明末之天下不平大綬不令米脂賊服不劉鬼神不佑大綬顯道不章其言樸而切於情事者乾隆己亥吾長沙太守邊公方泰爲大綬族曾孫行持大綬所著虎口餘生記示廷燦曰太史志枉著述若得巨筆剪截繁冗疏通首尾以補漏遺備采擇亦國家掌故也廷燦不獲辭讓太守又曰吾邊氏族塋任邱兆域寬厰以數百畝計形家謂梅枝橫斜延出得萼則雋吉壤莫夥於是又莫綿長於是者自宋及今已歷四朝週遭斃

石連禁若城垣然。方闔賊潰而西也。一夕駐馬任邱。卽在邊氏族塋牆垣中。任邱人莫不爲邊氏祖骸危而闔賊乃如癡如夢。不知而過之。豈惟大綬脫虎口有數。其邊氏四朝兆域。業枉踐蹋蹂躪中然。且不飽毒手。抔土無恙。亦豈偶然者。是以君子知命不惑。見義則勇爲之。無計較也。

跋龍標竹枝詞

龍標竹枝詞四十首。錢塘築二楓明府。令黔陽。抒下情而宣悅豫也。匝歲符催。星輶四駕。除年衙放。簿案高填。計印匣之常封。公家迫有程限。恰官齋之小憩。餘景蒐及風譚。陶士行運甕爲懷。惜此分晷。蘇長公饋歲有作。遜其勸民觀。夫地過五溪。界標銅柱。天開二酉。縣接牂牁。山水清音之所窟蟠。天地元聲之所蘊結。則有渴毫呵凍。健筆盤空。渾噩琤璫。方言戛玉。陸離光怪。奇字聲牙。厨媪常談。揚子雲雕鐫鉛槧。娥隅蠻語。李長吉漁獵錦囊。洩秘響爲韶鈞。始聞天籟。破險文於汲冢。乍挹古

香。惟。使。君。悉。其。聰。明。視。民。如。子。故。閣。境。貢。其。情。狀。涉。筆。
成。文。亦。莊。亦。諧。雖。寬。未。容。錯。讀。非。屈。非。宋。雄。風。別。有。鄉。
談。象。也。懷。古。希。心。揣。陳。編。而。盜。竊。望。洋。頰。首。誦。新。詩。以。
迴。環。元。道。州。春。陵。一。篇。同。其。愷。悌。劉。夢。得。竹。枝。九。首。僅。
發。權。輿。春。韭。冬。菰。宜。續。荆。楚。歲。時。之。記。鴨。欄。豚。柵。不。數。
酉。陽。雜。俎。之。書。換。頭。銜。以。文。章。廉。使。因。署。龍。標。吏。錢唐梁冲
泉。廉。使。署。明。府。爲。龍。標。吏。點。陽。卽。龍。標。舊。地。首。薦。剡。以。政。事。宰。官。兼。補。楚。國。
風。

書習園宗先生經解後

古所謂離經者。離其句讀而已。而自宋已來。多離其章段。之後先。曹部之分合。以就後來之邊幅繩尺。蓋不獨大學古本及中庸。卽洪範傳自箕子。受自武王。武成創自有道。曾孫紀自左周。右召。亦裁割補綴。破析排纒。幾無完膚。而讀其書者。見其阡陌徑術。忽然四顧。易聽亦遂以爲眞面目。誠在此不在彼。豈古經本有氣易於其先者。必待後人抽撥布置。始還舊觀乎。抑此心沉浸麤飲之既久。一日脫然不覺。陳編夾縫中。涌現騰躍。但見字字句句。別有以通徹於神明。而圓融邃精於義理。無

非發聖人之蘊。得聖人之心者。雖欲雷同蔽覆。不可得也。吾宗習園先生於禮運一篇。昔人斷斷於大同小康。謂涉老氏宗旨。幾同聚訟者。一經先生截斷界畫。遂解駁層陰。顯白經旨。蓋未嘗裁移一字。顛倒一字。不過以經証經。以經還經。而於經已具鍊石補天。開雲見日手段。若其論祭法。謂舜盡其享親之禮。而又不欲干大統。以豐于昵。此虞帝可爲萬世法者。禹承虞統。例以舜之承堯統。奉堯祀而郊嚳。則禹宜奉虞祀。亦如舜之奉堯祀而郊嚳者。而何郊鯀也。母乃傳之者。誣乎。禹甫受帝統。因奉帝廷之罪人。以郊天乎。劉青田嘗詆其誣。先生

極有取於其說。而暢發之。此於經似不能不有所補苴。增損。然其說則祖帝宗王建。諸天地質諸鬼神。大有合於惡旨。酒崇伯子顧養之精義。斷斷不可易者。先生抱遺經以究終始。於書於詩於易。俱有創論確論。發前人所未發。不僅議禮一二條。而議禮一二條。卓識不磨。有如此。吾第舉以見端。以告後來讀先生經說者。

書安陸宗習翁剛柔正而位當解後

得間於小過彖傳之言剛失位不中而起例於繫辭傳
辨二四三五之爻位。又以各卦中柔正而位當者與柔
居剛而位不當者。剛居剛而位正當者與剛居剛而不
得爲正當位。及剛居柔而爲得位者。一一密比合勘。旁
參切業。是謂以經證經。析之又析。剛柔正而位當之義。
乃得該括圓融。詳明曲盡。徒以奇偶比次。剛居剛位。柔
居柔位。論剛柔正而位當。是尙局於方隅。而未觀其昭
曠。前輩謂窮經尤貴通經。故徃徃有隨文取義。未及玩
心全經。而遽執一端以爲定說。又烏得謂通經哉。安谿

先生撰易通論。方望谿所最服膺。以爲深於易者。若吾
宗習園此解。使安谿見之。必補採入通論中。而爲學易
者示標的。習園之於經。誠字櫛句比。不遺銖黍者哉。

登仕一紀錄

仕未可與學平較也。古君子亦終其身於學而已矣。有未仕而歛不自信者。有當仕而優且不廢者。有既仕而退退而篤好之。至老不忘者。蓋愈學則愈不足學之。不可以已也。惟學不可以已。故方其仕也。官無通滯。時無顯晦。地無腴瘠。民無秀頑。事無劇易。惟是知無不爲。爲無不盡之心。嘗因以考驗其所學之疎密。卽因以修補其所學之成虧。於是其學日益進。而其仕亦日益隆隆。有聲光。吾讀吾宗習園先生登仕一紀錄。而見先生之仕。皆先生之學也。先生壯歲卽作宰滇南。於山川阨塞。

之險遠。邊陲耕戰之疾苦。軍校熊羆之屯戍。武文將相之鎮臨。又曾奉符檄傳車之徵召。領兵刑錢穀之總漚。先生皆不激不隨。一以儒術潤飾吏治。其刻厲勸民。似益昌何易于。其權衡緩急。似春陵元刺史。而又時時以禮賓接其長材秀民。使荒徼亦翕然興起於教化。其仕亦卓特哉。然先生轉官不過丞倅。遷地不踰桂管。乖隔炎荒。混同僚佐。蓋再進再退。再退再進。升沉幾二十年。雖大吏莫不心折先生。然卒未有起而振先生於通顯。而先生亦怡然安之者。惟是胷臆中屈蟠無數經傳大義。殷殷乎其欲有鳴也。肫肫乎其不可忍也。如岳之不

可。平。如。漬。之。不。可。塞。也。故。歷。一。官。必。盡。一。官。之。職。居。一。地。必。制。一。地。之。宜。人。第。見。先。生。隨。所。至。必。有。建。白。而。不。知。先。生。則。以。爲。吾。學。不。可。欺。也。吾。無。異。肄。業。及。之。也。今。先。生。既。十。年。不。仕。矣。然。且。抱。遺。經。以。究。終。始。眼。爛。如。電。著。作。等。身。矻。矻。幾。無。寧。日。予。遇。先。生。於。蒸。湘。二。水。間。得。索。近。所。著。經。說。連。日。讀。之。又。手。錄。之。見。其。於。疑。義。無。不。剖。析。於。要。旨。無。不。標。舉。於。前。儒。所。論。有。不。合。無。不。別。白。蓋。老。去。窮。經。進。道。之。心。視。仕。而。待。學。之。心。有。更。急。於。仕。伯。者。乃。信。先。生。向。者。惟。學。不。可。已。故。仕。不。可。以。已。也。今。者。仕。卽。有。時。可。已。而。學。究。無。時。可。已。也。吾。故。曰。古。君。子。

亦終其身於學而已矣。

存吾說

吾無可存者。無可存之吾。而何以言存。亦存無可存之。吾而已矣。則有嘲之者曰。癡也。有可存之吾。不待存而自存。無可存之吾。雖妄臆其存。而仍無解於無可存。且天下無可存之吾。夥於九牛毛。子必珍而存之。享微帚以千金。寶燕石以文櫝。卽天下無可存之吾。咸執爲例。有盈天地間。尙不足爲量者。如冗長何。曰。無可存而飾爲有可存。是作僞也。僞則駢且贅。無可存而卽存其無可存。此吾之真也。人各有無可存之吾。人各存吾無可存之吾。亦適還其本然者耳。何冗何長。則又有解之者。

曰黜也是不嘗讀參同以養生者乎。絕利抱一顛倒五行。會合黃輿。盎然春貫。思以存吾身耳。是又不嘗學易以補過者乎。挾懷樸素。玩心神明。動震止艮。役坤戰乾。和同大化之域。委順三極之軌。思以存吾心。存吾性耳。奈何而樂自諱於無可存。曰存身者。滯於吾。是有其所以爲存者也。存心。存性者。神妙乎吾。是無其所本無。而又有其所本有。以爲存者也。滯非吾所安也。神妙又非吾所敢任。不若存吾無可存之吾。以存吾之真。存吾之真。庶幾無其所本無。亦惟存吾之真。然後可徐以俟。夫有其所本有。作存吾說。

言縱橫之心。說者謂是書周公所以致太平。六官錯簡。河間補經。世儒因加考訂。而不知本非闕文也。作周禮完解部第七。天縱上聖。爲斯文主。弟子問道。而作論語。廣大精微。包羅萬有。無行不與。誰不由戶。四時行生。日月開闢。大道忘言。默識善誘。小子何述。詳說以補作論語詳解部第八。戰國塵飛。處士橫議。周道榛蕪。文武墜地。鄒魯相近。澤未五世。孟子願學。曰私淑艾。七篇之言。居仁由義。稱堯述舜。入孝出弟。守仲尼之道。以待後之學士。反約則同。詳說豈異。作孟子說解部第九。書成。通爲卷一百六十五。爲解一百六十七。萬言。起草於乙巳。

之冬卒業於甲寅之春。越六年己未。殺青斯竟。年七十
四。召彤家擇日卜地。誅茅啟坎。櫛而封之。自題曰明給
事中郝敬之墓。墓旁用石匣。函書三百餘卷以殉。刻生
墓文以告嫺黨。又八年年八十有二。冬日早起。肅衣冠
與親故拱手而別。乘車至墓所。索筆題其堂柱曰。升沉
難定。但深壑藏舟。夜半憑誰有力。來去自由。如驚風飄
瓦。天公於我何尤。題畢。少頃。屬纊而絕。

贊曰。先生嘗嘆士業一經。守師說浮沉。但一得當於主
司。卽入官領簿書。學法律。經猶敝帚矣。其宦成者。優游
林邱。嘯咏餘日。思入學鼓篋。如亡子過傳舍。假寓耳。明

經取士執則期無負明經者先生當仁不讓老作蠹魚
十年不窺戶而一編在手大業卒成予嘗得先生九經
解讀之見其左右采獲旁通曲證穿穴爬梳沛若江河
之決有時橫生機趣無不天然渾成標新而不詭於聖
創獲而必純乎師一代不朽盛事視宋之荆國未嘗借
經句以武斷較明之文成不肯逐異氏以浸淫政使聞
者見者倏然解駁涌現皆切理鑿心如人人意中所有
而實得未曾有豈依依傍經生家者徒拾其皮毛也哉然
明史不爲先生立傳文苑儒林兩無位置或出史官一
時愛憎之私乎予因蒐輯先生軼事以補史乘之遺以

紀經學之盛。或謂先生服食於坎離抽補之術。脫屣於死生去來之間。跡其遙興輕舉。蓋儒而仙者也。是說也。予蓋存而不論云。

王船山先生傳

先生姓王氏名夫之字而農號薑齋先世本揚州高郵人明永樂初有官衡州衛者遂爲衡州衡陽人家世以軍功顯父字武夷始以文學知名中天啟辛酉副榜先生卽其季子也明旣亡隱於湘西之石船山學者稱船山先生先生少負雋才讀書十行俱下一字不遺年二十四與其兄介之同舉崇禎壬午鄉試以道梗不赴會試明年張獻忠陷衡州設僞官招降士紳其不屈者縛而投諸湘江先生走匿南嶽雙髻峯下賊執其父以爲質先生引刀自刺其肢體昇往易父賊見其徧創也免

之父子俱得脫。甲申李自成陷北京。懷宗徇社稷。先生
涕泣不食者數日。作悲憤詩。乙酉我師下金陵。當是時
我

朝既得兩京。天下雲集響應。而明之藩封庶孽。奔竄於湖
湘。滇黔粵閩間者。往往始稱監國。繼假位號。以恢復爲
名。先生少遭喪亂。未見柄用。及是顧念累朝養士深恩。
痛憫宗社顛覆。誠知時勢萬不可爲。猶且奮不顧身。慨
然一出而圖之。明藩有稱隆武年號者。使其督師何騰
蛟屯湖南。制相堵允錫屯湖北。兩湖兵燹塞野。又歲大
旱。時李自成死於九宮山。餘黨降者。號爲忠貞營。尙復

蹂躪潛漢間。洶洶有反側之勢。堵何兩人。本措置無術。又相持不相能。先生憂其必敗也。亟上書於司馬章曠。請調和南北兩軍。以防潰變。司馬不聽。先生默而退。卒之賊黨猖獗。司馬以憂憤死。堵何二人。遘閔凶而勢不可支矣。丁亥。我師下湖南。先生南走桂林。大學士瞿式耜用疏特薦先生。以丁父憂請終制。既服闋。卽就起行人。司行人。是時桂藩駐肇慶。國命所係。則瞿式耜與其少傅嚴起恒。然紀綱已大壞。獨給諫金堡。丁時魁。劉湘客。袁彭年。蒙正發五人者。志在振刷。而內閣王化澄。悍帥陳邦傳。內監夏國祥等。爲姦邪巨魁。深嫉此五人。目

爲宮庭五虎。逮繫獄中。將置之死。先生約中含管嗣裘。走告嚴起恒曰。諸君棄墳墓。捐妻子。壹意從王於刀劍中。而黨人殺之。則志士解體。雖欲效趙氏之明白慷慨。以亡國。誰與共亡者。起恒感其言。力請於廷。化澄黨叅起恒先生亦三上疏。叅化澄。恚甚。必欲殺先生。會有降帥高必正者。救之。得不死。返桂林。復依瞿式耜。聞母病。間道歸衡。至則母已歿。其後瞿式耜殉節於桂林。嚴起恒受害於南寧。先生知勢愈不可爲。遂決計老牖下矣。壬寅聞緬甸亦覆沒。明之藩封庶孽。稱監國假位號者。至是殄盡。先生遂浪遊於浯溪郴州耒陽晉寧漣。

邵間所至人士慕從者輒益衆先生輒辭去最後歸衡陽之石船山築土室名曰觀生居晨夕杜門蕭然自得乃著四書讀大全說周易內傳外傳大象解詩廣傳尚書引義春秋世論家說左氏傳續博議禮記章句並諸經稗疏各若干傳作通鑑論三十卷宋論十五卷莊子解莊子通楚詞通釋搔首問侯解噩夢各種又注釋老子呂覽淮南評選古今詩各若干卷自明統絕祀先生著書凡四十年其學深博無涯涘而原本淵源尤神契正蒙一書於清虛一大之旨陰陽法象之狀往來原反之故靡不有以顯微抉幽晰其奧窔其自序曰謂之正

蒙者養蒙以聖功之正也。聖功久矣大矣。而正之惟其始蒙者知之始也。或疑之曰。古之大學造之以詩書禮樂。廸之以三德六行。皆日用易知簡能之理。而正蒙推極夫窮神知化達天德之蘊。則疑與大學異。則請釋之。曰。大學之教。先王所以廣教天下而納之軌物。使賢者卽以之上達。而中人以之寡過。先王不能望天下以皆聖。故德其成人。造其小子。不強之以聖功。而俟其自得。非有吝也。抑古之爲士者。秀而未離乎其樸。下之無記誦詞章以取爵祿之科。次之無權謀功利。苟且以就功名之術。其尤正者。無狂思陋測。蕩天理滅彝倫。而自矜。

獨悟如老聃。浮屠之邪說。以誘聰明。果毅之士。而生其
逸。獲神聖之心。則但習於人倫物理之當然。而性命之
正。自不言而喻。至於東周。而邪慝作矣。故夫子作易。而
闡形而上之道。以顯諸仁而藏諸用。而孟子推生物一
本之理。以極惻隱羞惡辭讓是非之所繇生。故夫子曰
吾十有五而志於學。所志者知命耳。順不踰之矩也。知
其然者。志不及之則雖聖人未有得之於志外者也。故
孟子曰。大匠不爲拙工。改廢繩墨。羿不爲拙射。變其轂
率。宜若登天。而不可使逸獲於企及也。特在孟子之世。
楊墨雖盈天下。而儒者猶不屑曲吾道以證其邪。故可

引而不發。以需其自得。而自漢魏以降。儒者無所不淫。苟不挾其躍如之藏。則志之搖搖者。差之黍米而已。背之霄壤矣。此正蒙之所繇。不得不異也。宋自周子出。而始發明聖道之所繇。一出於太極陰陽人道生化之終始。二程子引而伸之。而實之以靜一誠敬之功。然游謝之徒。且岐出以趨於浮屠之蹊徑。故朱子以格物窮理爲始教。而槩括學者於顯道之中。乃其一再傳而後。流爲雙峰。勿軒諸儒。逐跡躡影。沉溺於訓詁。故白沙起而厭棄之。然而遂啟姚江王氏陽儒陰釋誣聖之邪說。其寃也。爲形戮之民。爲閹賊之黨。皆爭附焉。而以充其無

善無惡圓融事理之狂妄。流害以相激而相成。則中道
不立。矯枉過正。有以啟之也。人之生也。君子而極乎聖。
小人而極乎禽獸。苟不知所以生。不知所以死。則爲善
爲惡。皆非性分之所固有。職分之所當爲。下焉者何弗
蕩棄。曩倫以遂其苟且私利之欲。其稍有恥之心而厭
焉者。則見爲寄生兩間。去來無準。惡爲贅疣。善亦弁髦。
生無所從。而名義皆屬漚瀑。以求異於逐而不返之頑。
鄙。乃其寃也。不可以終日。則又必佚出猖狂爲無縛無
得之邪說。終歸於無忌憚。自非究吾之所始。與其所終。
神之所化。鬼之所歸。效天地之正而不容不懼。以終始。

惡能釋其惑而使信於學故正蒙特揭陰陽之固有屈伸之必然以立中道而至當百順之大經皆率此以成故曰率性之謂道天之外無道氣之外無神神之外無化死不足憂而生不可罔一瞬一息一宵一晝一言一動赫然在出王游衍之中善吾伸者以善吾屈然後知聖人之存神盡性反經精義皆性所必有之良能而爲職分之所當修非可以見聞所及而限爲有不見不聞而疑其無偷用其叢然之聰明或窮大而失居或卑近而自蔽之可以希覲聖功也嗚呼張子之學上承孔孟之志下救來茲之失如皎日麗天無幽不燭聖人復起

未有能易焉者也。惟其門人未有殆庶者。而當時鉅公
耆儒如富文司馬諸公。張子皆以素位隱居。而未繇相
爲羽翼。是以其道之行。曾不得與邵康節之數學相與
頡頏。而世之信從者寡。道之誠然者不著。是以不百年
而陸子靜之異說興。又二百年而王伯安之邪說熾。其
以朱子格物道問學之教。爭貞勝者。猶水勝火。一盈一
虛。而莫適有定。使張子之學。曉然大明。以正童蒙之志
於始。則浮屠生死之狂惑。不折而自摧。陸子靜王伯安
之戢然者。亦惡能傲君子以所獨知。而爲浮屠作率獸
食人之俚乎。周易者。天道之顯也。性之藏也。聖功之牖

也。陰陽動靜幽明屈伸。誠有之而神行焉。禮樂之精微存焉。鬼神之化裁出焉。仁義之大用興焉。治亂吉凶生死之數準焉。故夫子曰。彌綸天下之道。以崇德而廣業者也。張子言無非易立天立地立人反經研幾精義存神以綱維三才。貞生而安死。則往聖之傳。非張子其孰與歸。是故正蒙者。匠者之繩墨也。射者之彀率也。雖力之未逮。養之未熟。見爲登天之難。不可企及。而志於是。則可至焉。不志於是。未有能至者也。養蒙以是爲聖功之所自定。而邪說之淫蠱。不足以亂之矣。故曰正蒙也。戊午春。吳逆僭號於衡。僞僚有以勸進表相屬者。先生

曰某本亡國遺臣、所欠一死耳、今汝亦安用此不祥之
人哉、遂逃入深山、作綬襖賦、吳逆既平、湖南中丞鄭公
端聞而嘉之、屬郡守某餽粟帛、請見先生、以病辭、受其
粟、反其帛、未幾卒於石船山、塋大樂山之高節里、自題
其墓曰明遺臣王夫之之墓、自銘曰抱劉越石之孤忠、
而命無從致、希張橫渠之正學、而力不能企、幸全歸於
茲、卽因銜恤以永世子二人、攷敵敵字虎止、能紹其家
學者、先生家故貧、著書筆札多取給於故友及門人家、
嘗成、因以授之、不自收拾、藏於家者、蓋無幾焉、
贊曰先生可謂篤信好學、蒙難而能正其志者、方明之

亡先生非不知事不可爲然且窮老盡氣奔竄於荒巖絕徼間發讜論攻檢邪終擯不用而始隱伏著書其志可哀也矣若橫渠以禮爲堂以易爲室所稱四先生之學柱立不祧者而著正蒙一書尤窮天地之奧達性命之原反經精義存神達化朱子亦謂其廣大精深未易窺測先生寃察於天人之故通乎晝夜幽明之原卽是書暢演精繹與自著思問錄內外二篇皆本隱之顯原始要終朗然如揭日月至其扶樹道教剖析數千年學術源流分合同異自序中羅羅指掌尤可想見先生素業雖其逃名用晦迹跡知稀從遊蓋寡而視真西山魏

了翁以降。姚許歐吳諸名儒。僅僅拾維閩之糟粕。以稱理學。其立志存心。淺深本末。相距何如也。學使宜興潘太史宗洛。稱先生爲前明之遺臣。我

朝之貞士。是固然已。而其立文苑儒林之極。闢微言絕學之傳。則又有待於後之推闡先生者矣。

明孝廉馮一第傳

獻賊攻陷長沙。司李蔡忠烈公死城寸磔。既騎箕尾而
壯河山。是時善化舉人馮一第亦獻賊所百計誘脅。總
窮而不能屈。與忠烈公同殉。難以節死者也。一第姓馮
氏。字根公。善化人。始祖開本江西之清江。熊氏以木賈
入楚。贅於馮。遂後馮而姓焉。父時聘母某氏。一第樸質
天然。拔去塵俗。殆萬丈清修。篤古韃帷刪述。尤精史學。
作史發一書於古今治亂得失之故。貫宗穿極。洞若觀
火。同時人見者。咸服其才鋒識鑒精卓。不可磨。因史而
溢於詩。以所論著形爲歌咏。作代古詩。斷自虞初。迄於

隋季得入詩者四十九人。謂李唐而下變詩爲律。稱近體。無古詩。遂止不作。代古詩。瀏覽寥邈。幽情鬱韻。如詰如詮。如謠如箴。誦各隨古人之時。與事而升降。上下其中。淵淵乎猗那之志。格近於創。絕不受漢魏人牢籠。韁鎖其他各體詩。亦奇崛黝深。排募於邊幅之外。多與陶仲調。周伯孔。郭幼隗諸子相酬唱。游止當其時。竟陵譚友夏主盟壇坫。羣心折楚。獨招一第讀書寒河入詩社。已而愆約不果。竟陵旣沒。一第作詩悔悼。早歲中天啓丁卯鄉試。忠烈之司李長沙也。心契一第。注意賓延。一夕馬蹶夜城。巡邏遙望南郊燈火。知爲一第讀書處。時

漏下三鼓。忠烈下令。啟魚鑰。走詩索和。其詩曰。好月霜
難下。孤城獨馬看。遙憐山影外。人在剔燈寒。其相慕重
如此。獻賊薄長沙一第。走湘鄉。將乞師。他所賊下。僞檄
徵求甚急。一第作書却之。曰。第起身單寒。軫旁迂士也。
少小誦讀。叨入賢書。將近廿年。不敢尤怨。初意閉戶著
書。成一家言。藏之名山。詎期天步多艱。措躬無地。近挈
老母入山。冒寒衝霧。吐血及斛。足折難扶。忽從邑長接
捧徵檄。讀尹聘幡然語。殊覺延攬之誠。在古無是禮。而
第又豈昧時務者乎。卽萬一值不偶。有強項作頑民耳。
伏乞明公置之躍冶之外。遂其野鹿之心。區區所啣結。

以報者。況盛世不拘逸民。天造原多隱士。有應詔之魏徵。亦有不至之劉翼。有草詔之陶穀。亦有難化之韓通。稽之前代。往往而然。又第八旬老母。依子爲命。正古人所謂此身未敢許人者。豈明公盛德。將置此不講耶。或者下石之流。以譽爲謗。遂使推轂之輩。索玉於瑕。專望仁慈。亟收成命。小子幸甚。老母幸甚。如必欲如明諭。豈無山之南山之北。可爲第託足之地者。請從此辭。幸勿復我。又作自弔文。避亂改姓文。以自傷悼。賊度一第終不肯來。乃繫其母與兄。招之一第。不得已就縛。賊反復諭降。堅不可乃刳之。曰若而母與而兄何。則曰願賜一

死○以○免○母○與○兄○賊○將○斬○之○一○老○僧○從○旁○伏○地○請○免○而○一○
第○終○不○可○屈○賊○乃○截○鼻○剝○舌○斫○兩○手○罵○不○絕○口○而○死○然○
卒○義○免○其○母○與○兄○死○時○年○四○十○著○史○發○二○十○卷○代○古○詩○
一○卷○各○體○詩○一○卷○學○者○私○謚○曰○介○烈○崇○祀○二○忠○祠○論○曰○
曩○聞○朗○軒○李○氏○謂○覆○校○一○第○集○未○能○免○於○文○士○浮○華○之○
習○而○怪○忠○烈○與○友○善○未○有○切○磋○補○益○亦○未○知○李○氏○所○見○
何○集○予○考○一○第○師○友○淵○源○所○漸○或○不○盡○粹○於○程○朱○要○其○
抗○響○颺○音○激○昂○清○越○亦○鼎○波○湯○沸○時○商○聲○變○調○不○聞○繁○
霜○十○月○之○或○刪○於○雅○離○騷○天○問○之○不○軌○於○經○也○况○宛○轉○
割○裾○無○忝○盡○倫○殿○後○丹○心○皎○日○寧○爲○范○孟○博○之○固○不○爲○

楊子雲之通達與忠烈志同氣合無間死生其節尤偉
亮者此豈可議以谷永杜欽之倫談有餘而諒不足哉
夫聲名太盛或折滅望風蜂蠆起懷卽穴豫不定嗟乎
此固一第之人所以不可死卽一第之文所以不可朽
也

羅洋山人傳

羅洋山人姓郭氏名煥字昆甫別字壺莊善化人幼孤露侶一稚弟依外氏讀書性奇穎雋出比長瀏覽經子百氏橫豎鉤貫名譽日隆隆起顧其用志獨在不朽文章學行必躋攀古人而從之其視人世聲色貨利毀譽得喪無一足介其意者歸安吳侍讀大受拔其文於童子隊伍中以爲今之陶港允大旋選貢成均時江陰楊文定名時主國子祭酒數示煥以平生得力處且嘗謂契倫堂同學者曰此生必爲天下有數人物而皖桐胡司業襄叅暇則召煥坐國子槐樹下與之深論古今人

物道義文章氣節數大事旁及天官河渠兵防經世大畧其將歸老也又薦煖於桐城方侍郎苞稱此生人文俱妙後來之望當屬斯人煖自謂生平腳根堅定得力於楊文定而授業解惑傳詩古文之道則聞之司業緒論者最多乾隆甲子以第一人領鄉解壬申有薦煖者得官國子助教時方連舉禮部試挾策者侈談決利病煖若罔聞知惟與其友彭晉函何忠相顧備九數人約爲文酒之會月必一再集集則拈題角藝務各極其筆墨之性以漸進於古然竟不獲一第無何煖忽嬰疾自度不可起每手持其文力疾炯炯坐床頭計較去取於

豪釐分判以訂名山之業時或與同學諸子往復爭論
至於廢食廢寢必商定而後罷蓋其重文字而輕死生
如此年四十二以乾隆乙亥二月卒於京邸爲人篤友
愛喜交遊急病扶危則切於肌膚性命當其一室歌呼
目營指畫胸臆中如有無限條件急欲設施於當世者
然手定羅洋芳草二帙鐫鑄造化刻露情狀要自具絕
世風神與元氣相來往呼吸已山王太史步青選其文
人所見集八集古今體詩材力雄獨每沉鬱頓挫中忽
警句怒發迥幽鑿險破荒而出必得從來未有文集若
千卷尚待整齊校定其存者如此其他著述多隨手散

去及門最得意者爲長沙諸生楊和春、文筆秀韻、仙骨天然、以二十四歲死、煖哭之詩甚哀、有遺文一束、嘗欲序而刻之、不果、自謂每念和春、輒心怦怦痛、不可抑案、朱紱爲煖中表、亦受業於煖、得詩古文之傳、紱爲闕中楊子安鸞作邈雲編詩序、傳頌人口、其奇氣踈宕、直神似子長也。

論曰、山人嘗自題其墓碣云、有商以非義者、雖三公之貴、萬金之利、弗顧諒矣哉、方清江楊清恪錫紱、位都御史、總風憲時、煖疾正作、清恪亟重煖學、行數數回車視煖疾、某某者與煖爲文字交、知其官冷病劇、不名一錢、

又知清恪心獨重煥。一日齋金夥頤至。屬煥居清恪間。鬻獄飢法。與活其鄉人某死罪。而以千金爲煥壽。煥不覺頤足起立拍案自責曰。斯言何爲至於我也。我愧目不識子。子乃以是糞土要我。我卽死無恨。恨今日始得。割席自明。不及早耳。顧我死子必益無所忌。必身名俱敗。喪投地不可復振起。立叱之出。某某固謝罪不出。乃愈益請讓呵斥聲徹牆屋。洩江陳太史夢元寓煥寶館。聞而往參之。其人方內慚面赤涕涔涔落。乃得太史解脫辭去。煥死未一年。其人果陷於法。夫世有有文而無行者矣。則亦有藉其文以巧自附。會其行更若有文卽

無不可爲無不可得矣。荀子所謂齊盜糧借賊兵。其不信然乎其不信然乎。如煖之殺然不惑於死。較然不欺其所學。不獨可爲貪墨者息黥補劓。將使鶚立朝堂。披肝瀝腹。亦必有招之不可來。麾之不可去。而能以天下之重自任者。春卿拾材白目。橫棄遂一病沉薶。不獲大曜於世。惜哉。惜哉。顧其人其文之可傳者。自在天壤。不可掩蝕也。廷燦乃撮而傳之。以俟後來採擇者。

朱侍讀學士筠傳

君諱筠，字美叔，一字竹君，順天大興人。自幼穎異，年十四五通五經，善屬文。與其弟石君珪俱有聲日下。名公鉅卿多先就訪之者。乾隆甲戌成進士，授編修。丁父艱服闋，卽乞假期，將爲汗漫之遊。欲遍歷名山大川，以自廣。旣而其弟珪除服召見。

上前

詢問家事甚悉。又問汝兄編修宜卽補官，不似汝候缺也。珪以兄實無疾，不敢飾詞妄奏。則謹應聲曰：是出卽徧告翰林，取前假狀銷毀。強君起官。君佇思良久，已乃欣然曰：只無奈一段奇緣不成耳。自是游歷官至侍讀。

學士中間數充卿會試同考官。一典福建鄉試。旋奉

命

視學安徽。君言吾於是役。將使是邦人士爲注疏之學。

而無不窮經爲說文之學。而無不識字。甫下車。卽拜奠
婺源故士江永之木主。崇祀鄉賢以勸學。江永者。故安
徽樸學。能究窮十三經注疏。而有得於已者也。又刻舊
本許氏說文解字。標揭四端。曰部分。曰字體。曰音聲。曰
訓詁。爲學六書之學者。大放溝澮。又言稽古莫如金石
文字。可證經史之訛。所在叢祠野廟。破荒剔蘚。聚至千
餘種。初翰林院貯有永樂大典。中多古書。割裂字句。分
隸洪武正韻。率散而無統。伏而未發。會

上下

詔求遺書。君乃奏請開局纂錄大典。且條畫搜輯之法。甚脩經軍機大臣議行。

御製

七言八韻詩紀其事。其後纂輯四庫全書。得自大典中者。至五百餘部。皆宋元來經義傳說。子史記載。及星歷算數方技諸秘本。爲世所不見不傳者。一旦次第刊行。布流海內。皆自君發其端也。又請倣漢唐故事。擇儒臣較正十三經文字。勒石太學。其後以過降級得

旨

復爲編修。在四庫全書處行走。總辦日下舊聞纂修事。初君爲諸城劉文正公所知。遇以不次。至是文正卒。金壇于文襄公以掌院學士領總裁。尤心重君。文襄夙夜

上曰

直軍機凡館書藁本有宜往復辨析瑣碎繁難者意欲君就見面質而君堅執翰林故事總裁纂修相見於館所訖不造門請謁遇朱墨披駁盤錯處君則直已陳所見侃侃辨論不稍下文襄以間奏言朱筠辦書頗遲可命蔣賜榮促之而君自若也其弟石君珪自山西藩使緣事復入翰林從容爲君言宜稍自勉強抑損和同者君曰吾弟亦作是言耶君既久次望益重則大言翰林以立品讀書爲職業不宜修小禮曲意委順於達官貴勢惟喜獎藉寒賤見有一善者輒譽之如不及有請益者必誠告之惟恐不盡一時材雋輻輳其門多所成

就以故士心公論皆翕然歸君室中聚書數萬卷君於其間考古著述窮日夜不倦性嗜酒客至則命酒酣嬉淋漓酒罷落筆無論大篇短紙自奇氣橫溢怒生不可逼視而莊諧正譎開闔雜糅又無不曲折盡情態其後又視學福建提挈經義六書一如安嶽某生爲攝令某鍛鍊殺人君發其覆雪之大吏士氣賴以扶持及逾年其弟珪代之君固喜山水及輜車所至更得恣心廣意於黃山再登於五夷崩旁玉華諸名勝皆躋攀幽峻窮覽不厭歸自閩數月遂病卒著詩古文集若干卷行世君口吃詞澁然忠告讜論遇義卽啟蹇蹇不可遏抑性

上使

石。孝友坦易。實乃恬於勢利。恥於嬖倖。終日矻矻皇皇。欲求文章成名於後世。喜接引後進。欲成人才於一時。可謂直諒多聞。不愧所學。能舉其官者矣。

君之將赴安嶽也。廷燦草薦吳秀才書一通。命館吏齎上。君熟視之曰。吾後車已延致十一人。皆宿彥也。頗不謂無助。雖然。妙文不可虛。奇士不可失。卽命車就訪。引吳秀才同載而歸。又明日。聯鑣十二乘出國門。一時國門傳學使賓從之盛。無有與朱學士儔者。君之好士好文。大率類此。君撰改葬海王村故遼李君墓碑。寶慶孟太守瀨曾以揭本遺予。予珍藏之。篋衍旣久。君歿後。時

取以讀玩自娛。如見君面。已酉來京師。見君集。闕載是篇。卽挈榻本還之。君次子錫庚。不獨期錫庚。網羅散佚。亦心知君之精氣靈魄。必長結念於斯文。而不肯聽其零落。無所收拾者也。錫庚篤志學古。能傳其父業以顯者。

張太史江傳

張江字百川，別字曉樓，江西南城人。其族望頗蕃昌，世居邑之郭下。邑人稱郭下張家。前明成化己丑，殿試一甲一名張昇，歷官至禮部尚書，謚文僖。乃江先世。第不知文僖於江實爲何世祖也。江少卽敏於時文，一題輒拈數藝，如翻水湧雲，能各盡其變態。每下筆不自休，卽老宿亦橋舌畏之。長與同邑羅熾、梅枚、潘安、禮何、天爵數子相友善，磨切數子俱工時文。獨江益變而沉涵，今古有自得於中，人莫窺其所以然者。故江文遂擅天下。天下經生家無不知讀張百川時文者。以雍正癸卯成

進士入史館。是時金壇王太史步青方主持壇坫。與江同年同館。王既重江之人。與其文。江亦相視莫逆。遂盡出其篋中文。委王別擇。無何江以丙午病死京邸。又六年。王乃序江平生所得於時文之故。梓百篇行世。於其爲文之甘苦疾徐。凡經幾變者。旣標目甚悉。而江才力包羅旁魄。崛起於同時諸名作之外。又早歲卽心契安溪李文貞諸緒論。旁搜幽討。堅定不疑。因得藉窺六經之奧旨。以求合孔會思。孟之微言。故其文之神明變化。莫可端倪。要粹然一出於正。於五家有其精微瘦勁。無其連狝俶詭。其後又十數年。桂林陳文肅公宏謀撫江。

右復得江未刻稿五十餘篇。以書趣王太史續刻之。是時王年七十有八。又合訂江文得百五十篇有奇。續序所謂炳炳麟麟。飮觀益暢者。王之神契於江至微也。文肅之貴仕與王之髦勤俱倦倦焉。惟懼失其殘篇廢字。而不獲公之海內也。江文則旣信於今時。傳於後世矣。然江初客死京邸。賴其鄉同官賻匱南歸。歸則蒼黃殯本邑瀕河之萬歲寺。寺故多寄殯。以百十計。而江子立夫初不知旌題其匱。其後似憫憫莫辨識。久之邑人有詰問立夫者。則云已葬岳口。其實訪之岳口。又並無江墓。及今尙疑不能明也。立夫籍南城縣。學弟子員前後

提學江西者，多以江故賓禮其子，而立夫隋窳不類，坐
耗蕩無所歸，立夫亦有子，長旣早夭，其次繩武，又薙髮
爲某寺僧，已而繩武日長大，其師慕波謂江名公，不可
無後，乃資而遣還張氏。邑人高慕波之義，亦謀贖錢，合
助爲繩武立家室，而繩武又不振。一日竟遙遙遠去，莫
知所之。江工書法，喜鼓琴，他皆無所嗜。獨嗜治時文，有
天得於博鑒，或偶一爲之，則其時文更神勇孤詣，蓋勤
一世，出死力以盡用於斯文。雖駁雜時之血路心城，無
非顓壹時之血路心城也。立夫貧不自存，以江所讀毛
詩、尚書、周易、春秋、四經舊本及筆筒一破琴一質錢於

同邑太學生王氏。王氏重江所遺留許之。乾隆己酉王
氏有子聘珍，以選拔赴京。

延試明年秋，同予僦舟南歸。因爲予備述其詳，又言筆簡
週遺，書前後赤壁賦，皆江小楷手蹟。至今宛然，其評點
四經多在章法句法字法，而於經義則畧不及。亦其平
生結習則然乎？余因謂聘珍：南城有文如江者，豈可無
片土封墓？子曷卽以四經舊本及筆筒破琴爲江招魂
起冢？使後來過訪南城者有所瞻望興起。聘珍則敬復
曰：諾。抑予又聞江之同族銘領，己卯鄉薦出，今大興翁
閣學方綱之門。歷官至松泰兵備道，俸入最豐，而於江

後畧無省錄頓置翁提學江西時每言及江輒太息惋
憾不已者甚矣江之窮於死而予傳之所以不可不創
作也。

論曰或言造物忌名然自制藝既興以來其有文阮於
其生而卒不阮於其死且大顯於其死者死則造物無
所用其忌耳而獨江之既死則犯忌轉酷矣昔南昌杜
果見奇文沉埋不曜必標揭品評惟恐埋滅其論至比
于拾遺骨收棄兒江文既曜於當時可傳于後世幸不
至零落無所收拾而乃尸解若委蛇嗣續化塗人何與
杜氏所論若適相準折然豈全乎此之精者爲存其神

卽不必保乎彼之粗者爲僅遺其跡耶抑羣奉以此之
虛名所得於人世者猶少而偏降以彼之實禍其受罰
於帝者更多耶

江慎修永傳

江永字慎修，婺源人。家於江灣，好深沉之思，其學孤起。草澤中，由究窮十三經注疏而入。尤覃心三禮於制度名物之寓於訓故，涉於九數六書者，皆旁參造極，得其制作所本始。以是讀書善比勘，於步算鐘律聲韻尤精。其論歲實消長也，宣城梅氏歸之高衝，近冬至則漸消，過冬至則漸長，亦岐莫能定。永則正之曰：日平行於黃道，是爲恆氣。恆歲實終古無增損者，而因有本輪均輪高衝。本輪屬於黃道，循黃道而右，所謂平行者，均輪以近本輪心爲最近，高衝又極近爲最卑者。之差以生贏縮，則謂之視行。視行歲歲微有移徙，卽定氣。

時刻之多寡亦歲歲不同。今當以恆者爲準。而高衝爲縮末。羸初之端。則但隨其時之高衝。以算定氣。而歲實消長。可勿論。猶之月有平朔。平望之策。以求定朔。定望。而此月與彼月。多於朔策幾何。少於朔策幾何。俱不計也。其說簡易直捷如此。從來黃鐘之宮。聚訟短長。則以四寸五分爲斷。謂黃鐘半律。卽黃鐘之宮。故後世樂以黃鐘清聲爲調首。而琴家正宮調。黃鐘不在大絃。而在第三絃。正黃鐘之宮爲律本遺意。其黃鐘生林鐘。則不以全律下生。而以半律益一分上生。蓋黃鐘之宮位乎清濁之間。在其前者。有林鐘夷。則南呂無射。應鐘五全。

律爲濁。而下生乎清。在其後者。有大呂大簇夾鐘姑洗
仲呂蕤賓六半律爲清。而上生乎濁。證之國語。伶州鳩
論武王四樂。以夷則無射爲上宮。黃鐘太簇爲下宮。可
知。律長者。用其清聲。律短者。用其濁聲。古樂立均之法。
固如此。此論正與管呂諸書論聲律相生者。一一符合。
非韓邦奇王廷相李文利瞿九思諸人。執一滯百也。自
吳才老作韻補。而崑山顧氏炎武。又上下古今。攷其同
異。訂其是非。作音學五書。天下翕然尊之。永則謂其過
信古人韻緩不煩解字之說。於天田等字。皆無音。其古
音表部分亦多未當。蓋攷古之功多。審音之功淺。於是

分平上去三聲皆爲十三部。入聲分爲八部。以正顧氏之疎。而虞屬魚模者。分之以屬侯幽。先屬元寒者。分之以屬真諄。蕭至豪四韻之讀。如今音爲一部者。又分之以屬侯幽。覃至鹽屬添嚴者。分之以屬侵。又真以後十有四韻之當分爲二。侵已後九韻以歛侈當分爲二。此皆攷之三百篇用韻。畫然者。而顧氏皆畧之。蓋顧氏鑿疏巨手。在莫高山大川。別古今州部封域。而支港分合。壤地低離。則永又能溝割其毘連交錯。亦羽翼顧書。有功古韻者。易彖言往來上下者。謂之卦變。率以二體內外虛象言之。永則謂上下經俱以反對爲次序。卦變卽

當於反卦取之。凡曰來曰下曰反者皆自反卦之外卦來居內卦也。曰往曰上曰進曰升者皆自反卦之內卦往居外卦也。謂兵農之分率言分自井田既廢時。然管子治齊參其國以爲三軍。三軍皆出自士鄉十五。而伍其鄙以別居農。農不聞隸之師旅。蓋兵農早分矣。晉惟一軍。其後屢增軍制。又屢損軍制。其既增而又損者。蓋除其軍籍使之歸農。若軍盡寓於農。則農民固在。安用屢易軍制哉。隨武子曰。楚國荆尸而舉。商農工賈不敗其業。列國之農不從軍。可概見者。若魯作三軍。季氏取其乘之。父兄子弟盡征之。孟氏取其半。以其半歸公。叔

孫氏臣其子弟。而以父兄歸公。所謂父兄子弟皆壯老
隸在軍籍卒業者。非通國出稅之農民也。其後舍中軍
季氏擇二。二子各一。皆盡征之。而貢於公。若農民出田
稅者。自仍然歸之君。否則亦盡屬三子。哀公何以云二
吾猶不足哉。陽虎壬辰戒都車。令癸巳至此。又魯軍常
近國都之明證。其野處之農久非兵也。深衣之制。孔氏
玉藻疏謂布六幅。交解爲十二。永則謂偏邪似非法服。
且玉藻文明言衽當旁。則在旁名衽者。交裂而餘幅皆
正裁。不交裂續衽者。裳之左旁。連合其衽鉤邊者。裳之
右旁。別用一幅斜裁。綴於後衽鉤曲而前以揜裳際。漢

時謂之曲裾。故鄭注曰：鈎邊。若今曲裾也。蓋其論古識斷皆有通證。大率視此。初永少遂隊里塾童子中，勉治世俗之學。顧非其所好。一日見明邱氏濬大學衍義補，遇條舉周禮章段處，輒心竒之。以爲異書，卽求得藏書家周禮正文手鈔口誦。大有領悟。自是遂壹意治經。見周官大宗伯吉凶軍賓嘉五禮舊次，謂三代禮儀大綱。總統在是。舉其綱而稽類比附，則萬目犁然。因成禮經綱目一書。足與朱子儀禮經傳通解相庚續完補者。際朝廷開館定三禮義疏，館臣檄下郡縣錄送是書，以備參訂。知者亦稍稍傳寫。其後同郡程編修恂一延永至京。

師三禮館總裁桐城方侍郎苞聞永所學面以所疑士
冠禮士昏禮中數事爲問永從容條答侍郎乃心折服
而荆溪吳編修紱自少深於禮儀及獲交永亦從質周
禮中疑義是以有周禮疑義舉要一書然卒未有出口
薦雄章徹所學者又數年

上方崇獎實學命大臣各舉經術鴻儒有欲爲永進所著書
來起永者永自顧垂垂就老歲晏寧堪展布又昔時京
師所與交遊散去皆無在者意思愈益感愴乃固辭謝
不可強起居鄉里以孝悌仁讓相躬先遇豐歲約其鄉
人共輸穀若田設立義倉行之三十年一鄉不知有饑

蓋積穀不在官而在民，使民自相補救，法莫良者，而倡之則自貧書生始。乾隆壬午三月卒，年七十二。所著書：周禮疑義舉要六卷，禮記訓義擇言六卷，深衣攷誤一卷，禮經綱目八十八卷，律呂闡微十一卷，春秋地理攷實四卷，鄉黨圖攷十一卷，讀書隨筆十二卷，古韻標準六卷，四聲切韻表四卷，音學辨微一卷，推步法解五卷，七政衍金水二星發微，冬至權度恆氣注歷辨歲實消長辨歷學補論，中西合法擬草各一卷，近思錄集注十四卷，其同志戴震恐久就墜，失次其治經事畧并整齊遺書二十餘種，藏於其家，廷燦因據事畧傳之曰：

自江永以注疏之學傳經。一時戴東原震亦以說文爾雅之學起休寧。若宮商應和。於是漢經師碩儒授受微言。遂大顯於世。而好者頗稀。永既死。震入都。客秦尚書蕙田所。篋衍中攜永一二著述。尚書方集五禮通攷。見而竒之。乃擴其說入觀象授時一類。而推步法解。則取全書載入。且深惜其不得見禮經綱目者。其後大興朱學士筠。視學安徽。銳意以興起注疏說文之學。厲士乃躬拜奠婺源故士江永主祠。入鄉賢。而所著鄉黨圖攷。古韻標準。近亦稍稍刊布矣。然傳者一二。不傳者尚歷架閣束。墨漫紙剝。其終飽蠹魚齧蝕。徒留書目在人間。

平○抑○後○世○復○有○子○雲○而○薶○薶○積○久○之○業○自○不○可○揜○其○實○
而○發○其○光○乎○

江節婦傳

節婦姓黃氏名歸妹。長沙諸生賢道之女。節婦五歲失母。祖母憐而鞠焉。年十四。適平江江慶璜。二十舉子不。育。慶璜死。節婦卽絕食四日。誓必死。姑大窘。慟哭仆地。節婦急起持之。姑徐甦。小姑奉羹湯進。姑曰。必若嫂食。卽食。不然亦就死矣。何食爲。節婦度不可以殉夫。故累姑。恐啜之。然每對食。案輒喀喀欲吐。曰。吾不死焉。攸用。吾姑命小姑坐卧伺之。則又解曰。吾事尙未畢。何遽可死也。未幾。節婦祖母餘年終。小姑旣嫁。比三年。除夫服。俱克如禮。乃歸寧其父。五閱月而返。九月十六日。慶璜

生辰也。前一夕。節婦焚瓣香告天。以次及祖廟竈神。卽預治厨饌爲祭具。明日獨呼小婢。隨至慶墳墓。且奠且哭。奠旣畢。給婢。赴里舍求杯水。自潤。還出袖刀刺喉。不可入。捻石撞之。尸面墓僵立。不仆。婢返。猶舉杯水進。熟視之。然後驚走。啼呼也。比昇歸。復甦。口屬衣篋中物。乃絕發之。得白練一方。書三百六十字。明三年不速死之故。與推分貲財處甚曲。至末大書天清地白四字。當是時。平江江節婦名聞湖南北。邑侯宋君致祭。奠將申之。大吏請旌。初。節婦之就刎也。衣裾漬血無多耳。及合葬之。慶墳墓。鑿土。則一縷血痕直下。注至四尺餘。土色尤

炳如渥丹也。

論曰節婦父去予家二十里而近。予聞節婦歸省時。一日持白練正几案。滌筆硯。其父見之。則曰。想成一件好花樣。且待做出來共看耳。偉哉。此天下奇男子。勇於綱常之言。雖其父不必知也。曩令節婦卽以不食死。亦奇矣。況從容引決。若此。何婦人。女子亦知所以處死哉。或謂節婦靜而慧。幼聽家塾學子讀書。卽琅琅成誦。其父授以女誠孝經。卽通大義。蓋頗聞前言往蹟。畜德茂性。以故義節章明。詳盡有如是。是則誠然矣。然世之服儒衣冠。讀聖賢書。萬卷言必雍容稱古昔。而考其所行遠。

背馳於所學者。又不可以道里計矣。彼其所學。固何事哉。

存樸居士傳

太學胡生楚範從予學治舉子業。思其祖隱德不曜。請予傳以傳之。夫子言豈能傳者。顧太學質重其狀。宜不誣其行事。宜有可採述。按狀居士姓胡氏諱申潮字遠山。先世籍隸江西。明初別遷來湘陰。逮居士傳世十有三葉。居士幼失父。比長連喪兩兄。孤特裊裊能善事其母。凡可以適母意者無不曲盡也。性能忍。卽非意相干不與校。常誡其子曰。吾自計生平幸未以爭訟故。一履縣官庭。而輩堅持之。可守身不辱親。湘陰西偏地。瀕臨洞庭。民築隄。圉水旱蓄潦洩而耕牧廬舍其中。是謂圍

田。雍正丙午丁未間。連年水潦大至。圍成巨浸。圍之民。死於水者相枕藉。令長西蜀侯侯發庫金。糴商米。振乏絕。存活甚衆。然吏議竟坐侯擅發罷官。居士乃言於衆曰。侯拯溺恤饑也。柰何以吾民故。重陷賢侯淹留底滯於茲。卽捐貲若干爲衆倡。衆歡趨之。侯卒藉居士力。補帑復官。以去湘陰。其明年山東孔侯來。籌復圍堤。表居士爲率。居士計財用料。丁壯平畚鍤。甚詳而有要。以是堤成不潰。數十年來無水敗。轉沮洳爲樂土。居士之力也。然牟利者。自是遂召佃農。按畝質金。水田亦與陸田等。獨居士不肯質其金。但納其租。又時時出藏粟貸圍。

民貧者薄其息。又甚者焚券不索償。寒解衣暑設茗。寒食卽傭人掩露骸。歲以爲常。乾隆丁丑縣令採其行事入湘陰縣志。又嘗合族建祠祀湘陰重修學宮。命其子獨建二石坊以壯廟學。中年築別墅憩息其中。足不履城市者三十年。自號存樸居士。年七十七。一旦無病死。吾楚瀕湖圍田。後來至與水爭地。八百里湖面漸陝隘。不足瀦納。吞吐前桂林大學士陳公撫湖南。曾奏請鋤減。以讓地於水。然富民貪冒。走利往往旋鋤。旋築添設圍堤。不止其工作鹵莽脆薄。可穿蟻鼠。其游波逼束。震蕩旋宅蛟鼉。其幸耕而有獲也。則出入歛散。囊括顆粒。

無遺秉滯穗。若居士之始事於園也。水必有歸。防必可久。利必留餘。亦可愧後來之冒沒浸漁。不知所止者矣。予忝史職。私表而出之。俾太學藏之。家俟有事於園田者觀採焉。

郭君小傳

郭君佐平名世遵，一字鴻渚，湘陰縣人。靜而好深思，頗熟儒先理語。學時文不肯隨人下筆，銳意在自出匠心。先是君名世仙，讀書仰高書社，都講亟器之。是時巡撫湖南敦公以興賢育才爲已任，一日小憩仰高，目君於稠衆，獨詢問甚悉，爲改名世遵。然久困隊伍中，無所遇。乾隆己亥，從予會學於城南，是歲縣試拔冠童子軍，得籍縣學。及學使者按部試諸生，君歲科兩考文連署第一。食米廩，名噪一黌，自是益志遠到，顧瘦瘠善病。癸卯，初聞宿病頓作，咸阻君於省門。君尚力疾戰文，文不稱。

意愈撫床激楚不自休及病益篤尚強作笑語以紓親憂冬十二月十六日吟詩屬昆季曰天既促我命脉脉語不得死者安足悲生者各弩力遂投筆逝年三十二子其弟誠世之次子家祐爲嗣君自待不薄每急人之病如已病推解無難色秀民貧而廢學則歲出橐金助讀其人因成學不徒業輯成郭氏家譜具有條理又約羣從爲聯芳譜會贖金權子母累至千金以敦友愛其見之施行者如此其未見者可知也矣君家自高曾世有隱德尊甫益篤古心每縣中有學校大興作及培壯形勝津梁衢路諸大役輒多括家貲以藏事生君兄弟

六伯子世遶亦以文食餼而君與其季弟世遶乃先就
葵叔子誠世爲予述之京師甚悲及歸長沙又撰具顛
末乞余文傳君子頗不欲爲以人世之死於耆年長壽
與其死於達官貴仕者尙或革亡木卒朝榮夕葵自家
土外卽一無所聞於世而君年不躋中壽名不挂朝籍
吾文於君復何有旣而誠世又价其同志吾族士第以
書敦促是日子方治周官經讀地官閭胥之法敬敏任
恤者則書之讀族師之法孝弟睦婣有學者則書之因
念君曾執經請業於子則子亦君之閭胥族師也而考
君行誼又應周官經書法使其生也子尙當執筆特書

以厲學行。矧短折不展所抱。顧聽其泯泯就堙晦沉。薶無一言標揭於吾文乎。乃作小傳次其畧以復誠世。俾藏於家而傳於後焉。

論老子

老氏支流爲揚朱。爲莊周。其波漫爲申韓。爲晉人虛談。釋氏寂滅。而老氏所自出。則儒者或不傳。嘗疑孔子入周。讀金人之銘。五十二言。二百十有八字。其文辭刻削。氣象危厲。與五千言如出一手。其云君子知天下之不可上也。故下之。知衆人之不可先也。故後之。又與老氏學術宗旨。靡不陰符互契。至執雌持下一言。雌字見於六經。從未有如此假借文義者。惟老子五千言與金人之銘則然耳。豈老子爲柱下史。當時朝庭金石文章。卽皆出自史官潤色歟。然金人列后稷廟。而孔子讀其銘。

辭爲弟子諷誦由繹如見古鼎大訓其非老子著述亦
明矣吾意前乎西周卽有持知雄守雌之學伏奧潛深
歛退嚮約忍人所不能忍者文武周公同天下之道術
以爲崇其虛無淡泊者必廢於事效其孤另簡棄者必
忍於物而得其堅定沉默顓壹蓄縮者則尚可用以慎
言言易至於有餘矯之不嫌過當是以節取其說著爲
金人之銘亦如醫之用葦使其毒可以治病而不至於
殺人耳老子盡窺周室藏書見易象詩書禮樂之說渾
涵灝變無可復加而又不甘守默無以自見於是推演
知雄守雌之說窮無窮極無極旣託元遠以自高妙且

謂其道反閼還淳。可使桎梏仁義之天下。進爲黃農渾
噩之天下。而不知文武周公特以其不侈不溢。有合於
慎言之。一節存而不廢。猶孔子有時必用墨子耳。以僅
僅合於慎言之。一節存而不廢者。而老子乃一切貴已。
賤物。思推而大之。以治天下。宜其毒之殺人。及於天下。
後世而未有止也。莊子之先有原壤。得見正於孔子。老
子之前淮南子謂本商容。劉向謂本常縱。然止舉舌齒
相曉譬。而其言不傳。其源流終不可辨。不知老子之學。
早得見正於文武周公。於今尚可考見者。獨賴有金人
銘一篇存耳。而讀老子者。或未察也。

曹參論

史遷不立惠帝紀附見於呂后本紀固廼分而二之議者謂固密遷疎也然遷之意則曰母后剛毅端制而天子仁弱七年未得一日親政也予讀是紀於惠一無所書惟元年詳書呂酖趙王二年詳書呂酖齊王遷之意蓋曰劉氏枝葉將日就凌夷高皇帝約束將日就隳壞天子威福將落於房戶天下命脈將落於毒手嗟乎此何時也爲丞相者顧廼日夜飲醇酒而不事事國家卽安用丞相爲且惠帝感傷戚姬之殘不忍母后之酷致棄國家而不恤縱酒色以傷生是時宮闈母子骨肉岌

岌危疑。參功次。何何死。繫天下重望者。惟參。且何居中。用事。素懾服。呂后威力。帖帖莫敢同異。參被七十餘創。之。武人攻戰。驅除粗疎。伉健項籍死。天下定。則遠身相。齊從來不受。呂氏鉗制。一旦丞相何薨。惠帝舍近徵遠。獨以參代。何卽惠帝不可謂無意於參者。參誠躬率平勃舊臣。嚴肅擁衛。天子修明高帝法度。抑塞呂氏邪心。使朝廷有所統壹。而政柄不旁落。此真丞相也。卽不可得。卽告之曰。太后不爲皇帝計。乎。皇帝繼高皇帝承社稷而不得。一日。當行天子事。動則壞亂。舊章虧損。至德天下。將謂皇帝不如高皇帝。白草澤匹夫至。諸侯王人。

人懷二志。雖太后庸獨利乎。如此則呂后亦必有所畏。而不敢爲。參乃畧不及此。日夜飲醇酒。有言事者。亦飲以醇酒。又其甚者。與吏舍相歌呼應和。始以參爲虎者。繼乃以參爲鼠。則惠帝不至鬱鬱傷其生。呂后不至倡狂恣睢無忌不止。說者曰。天下新脫秦網。參以不治治之。有餘也。然惠帝亦嘗恠丞相不治事矣。密屬參子宙問之曰。君爲相。日飲無所請事。何以憂天下。方是時。天下果以不治治之耶。則帝何以責參之憂天下耶。夫帝之言切矣。至矣。而參不悟也。參死於惠之六年。幸也使其目擊劉呂交持。安危呼吸。其亦以不治治之耶。不知

參何以自解也。說者又曰。何之法誠立矣。參守而不失。宜也。夫君君臣臣父父子子。此法之本也。呂氏俱決裂。若是則何所立者。果何法。參所守者。又果何法耶。雖然。參武人能聽用。蓋公黃老之言。保守富貴。以功名終。視彭韓趙醢。侔乎遠矣。宰相者安邦定國。吾於參又何責焉。獨史儔序參之相業。以頽放爲賢。以清淨無事爲合道。後之耳食者。亦動稱漢之蕭曹。而不察其實。吾是以論之。

荀彧論

荀彧之死也。非死於操也。或父緄畏憚宦官。爲或娶中
常侍唐衡女。史稱或少有才名。故得免於譏議。咄哉緄
之爲或謀也。史之爲或諱也。夫譏議之得免與不得免。
固其小焉者。傳曰。人各有耦。又曰。子之能仕。父教之忠。
夫東漢宦豎橫流。禍在衣冠。危在社稷。一時賢人君子。
疇不洩焉。若棄糞土螫焉。若弄蜂蠆。緄啓邪心。乃至姻
婭。閹寺以爲奧援。憑依大倫。失正閑家。墮型是以黨婚。
而父教子貳也。且緄之教其子。託身於衡。卽何異緄之
教其子。委身於操哉。何則。操亦贅閹遺醜耳。潁川荀氏。

累世名德。或旣負雋望。又列漢臣。何忽甘心爲操子房。指麾謀畫。而崎嶇河冀間。關周旋以贊其業。盛其威。曾是一無所顧藉者。蓋溜澠之合入焉。則化干鎧之利頓焉。則靡其所由來者漸矣。及後操業將成。謀備九襲。進爵漢公。或乃始畏恤人言。與董昭異議。思持正進規。詭託名義。以自晚蓋。而不知中鉤而游。久隨竿近遠。聊一鼓鬣怒鬚。徒速其死。勢固然耳。飲藥壽春。卒飽毒手。嗟乎。殺或者操。而致或殺者。非操也。當緄之教。其子託身於衡。以爲遺之安者。卽所以遺之死也。操特爲其刀俎耳。君子於操。又何責焉。

薦吳秀才書

廷燦謹啓。竹均學士前輩閣下。初聞

簡命下。視學安徽。爲之狂喜。趨賀時。閣下方赴

行在。未獲暢言。啓者。歸安吳秀才名蘭庭。前西曹郎官

吳鐵夫諱

聯珠

先生之令嗣。先生學茂行尊。尤嚴於八

股文律。乾隆壬申癸酉間。講學於吾楚城南書院。廷燦

執弟子業二年。先生旣歿。秀才恪守八股文。槩獲稍稍

張擴。俯就有司尺度。當其肆筆。瀾汗放恣。要各有統紀

條貫。不知者謂辦香。其鄉之陳勾山先生。餘事作詩。出

入少陵。昌黎兩家。雜揉感激。歸愚沈宗伯以爲吳牧園

先生有替人其口吃似揚雄。期期然如不能言。其心平。其持已嶄卓。磊磊軒軒。其家貧。無負郭田。不足自存。太夫人在堂。無以供魚菽。去歲秋挾其能戰藝於京師。無所遇。再進。再退。义手燕市。困益甚。廷燦錢財。不足以賙之力。不足以振之。閣下新持使節。以人材爲己任。轎車中若延此潦倒勃鬱耿介通明之士。載與俱往。必當性命鴻文。饑渴奇士。鉤元索暗。佐佑高深。有所補益。古人有言。請自隗始。吳秀才其不媿矣。今長安中依光附響。欲自致於閣下之側者。動處麻立。非秀才廷燦不肯薦論。非閣下亦未必聽。廷燦薦論。輒冒言之。秀才著南霁。

詩四卷。並寄清覽。館金不必求異於衆。卽以待衆人者待之。秀才必不以衆人之報報閣下。其進其退。惟閣下鑒。昭不宜。

復劉經雪書

廷燦敬復經雪先生足下。仰足下名。自庚辰至今辛卯。凡十有二年。喜所聞之已多。恨相見之未得。正宜早自貢獻。踴躍躋攀。而隻字未通訊問者。自愧一落名場。如中釣之魚。隨竿俯仰。雖石火電光。偶復激發。亦不過沿延潢港。搜索皮毛。正未知百年軀幹。與蜉蝣木堇有何同異。昔歲晤陳體齋。聞足下捐去科舉。究窮本原。自六經子史。至天文樂律。勾股。靡不鑽仰。窺尋。務其自得。又聞喪次三年。麻衣經帶。未嘗一日去身。去孔孟數千年後。乃於此有人。鞭策古心。壁立萬仞。所爲者居天下之

至常而自任者乃古今之至重。廷燦雖欲吐胸中所有。遙相就證。而霖潦無根。誇河伯以涓滴。其不立露蝦蛭。枯泥淖者幾何。是以安心逃遁。託於影響昧昧。黑白懵懵。若不知吾楚有足下其人者。庶幾他日歸來。十年學道。然後訪足下於衡嶽峯顛。考較精麗。諒不致嘿嘿無所自見。今足下遽貶損手教。欲廷燦自獻其愚。以助高深。且手教中間及朱子示兒從學帖。是帖綱領宏大。節目詳盡。足下旣服膺自得之。又得茶陵公爲圭臬。諸君子相夾輔。道德之歸在足下矣。足下乃復歉歉不足。而徵言於廷燦。廷燦苟有所見。亦何肯蓋覆黥黥。弗責寢。

人說珠玉。婁人本目不識珠玉也。而巧摹圓潤。不啻自狀家珍。設遇倚頓陶朱。有不齒冷乎。且足下有取於廷燦者。文也。責廷燦所言者。則非徒文之謂也。挽燕趙偶一夢舟之人。商帆檣櫓。械之用。足下亦聊相嘲耳。不則矜其徒爲名累耳。不則欲誘之進於道耳。凡此皆廷燦甘築受降城者。是以迴惶擱筆。寧學金人之三緘。或以能訥其言。尚不見棄於有道耳。如復飾無爲有。誦誦侈口以誑知己。何敢何敢。吁。嗟大道綿邈坦夷。足下矯翼厲翮。希高慕遠。勤懇師友。鼎鼎擔負。敬愛無已。然行百里者半九十。後此責備正大。惟足下以不息要之。珍重。

珍重承索文字二件。京師酬應之作無可寄覽。性不喜書。手指如杵。又非倉卒可能辦者。遲或有以相報也。幽討羣書。尚渡黃河。走京師。一縱遊。否當熟計之。

答朱伯堦書

辱惠書至衡陽。賁取史記漢書文選者。伸紙展讀。義正
芒寒。驚愕不定。徐復循忖。足下琅琅數十言。總以廷燦
必不歸還三書爲疑。古學缺絕。不講蓋久。讀古書如烟
海。浩浩莫識津逮。是三書震川義門望溪諸老。後先抉
摘崖畧。分疏黑白。昆甫先生蒐採之。足下寶蓄之。皆毅
然以古學自任。廩廩爲人世護持斯文。苦心其用意。固
不僅在書矣。卽廷燦昔歲乞觀三書。亦藉以窺等匠契。
鑽仰絕業。廷燦之用心。其必顓顓在是三書。與其不必
在是三書。俱可與足下與昆甫與震川諸老之用心共。

揭日月質鬼神而無疑者其敢容一毫曖昧文選一書
往歲楊子安不時索閱亦隨時索回丁亥子安罷官去
其族叔楊八翁浮寄邵州不聊賴又索閱度日無何廷
燦偶歸長沙而楊八翁一聞子安信到卽倉黃去邵州
歸關中每念是書杳杳忡忡大懼無以對足下者史記
一部好貯篋中冬月卽送上漢書曾攜至京師今年出
國門日車重不行揀留書箱四隻是書竟閣貯在京二
書俱細字密評首尾完整劇不可不收還郭氏以存昆
甫疇曩孤心一或殘斷一字一金廷燦請以身保任足
下無疑無疑文選則僅了及詩賦數卷而止廷燦豈有

所愛。又年來居京師。見淮甯阮氏所藏周白民臨何義
門文選本。最精最詳。廷燦已就汲古閣本一再鈔寫。讎
校卽義門評點左傳史記前漢後漢文選諸書。近已全
付剞劂。稍稍流播海內。家有其書。書不必私。而義門文
選更無可私。無可私而獨私昆甫未了之手蹟。以取譏
名。鬧於足下。致足下取譏。名鬧於郭氏。廷燦必不爲明
矣。曾見友人收如陽詩一帙。昆甫手自楷寫者。廷燦力
足爲郭氏取出。不知可許相準文選否。如必不獲命。惟
有人赴關中。向楊八翁求索。足下肝膽如雪。惟諒之鑒
之。不宣。

復陳體齋書

吾輩回籍如駢拇枝指。徒形冗長。身不得逐四民之隊。業未得登古人之堂。錢財又不足佐父母兄弟妻子親族之急。柴立中央。無所可用。若廷燦者。乾坐困頓。宜也。宜也。足下讀書著文。聲施奕奕。又適當

朝

廷徵文。考獻山林。隱逸幅帟。奔赴如恐不及之時。於是時而不踴躍貢獻。又抱璞而南。持是欲將安歸也。豈有所病而求息乎。抑所以自待者遠。而玉固未嘗獻乎。以足下之甘心遁逃而不悔。廷燦自念自卜。又可知也已。年來精華銷耗。節行頽惰。舊侶朋儕。一切書訊畫斷所

皇皇鑽營者。莫歲歲得些些館穀。具甘旨。供裘葛。所謂
視其乍而吾蛇尚存。則怡怡而卧。卧而起。起而嬉以食。
以飽。懶與慢俱。澹與泊遭者也。足下其謂我何哉。其謂
我何哉。前教急稱姚君爲通儒。其卽桐城之姚姬傳耶。
抑別有其人耶。耳聾目瞶。願一聞之。承示古文入妙處。
天覆其上。地載其下。古文妙處。日在中間。而遇之者蓋
少。此自有數存焉。韓退之具帝臣王佐福命。天使之制
文章之命。操文章之權。當其遇妙處。前無古。後無今。直
待此公拈出。遂埒五經。揭日月而不刊。然此種亦不可
多得。不過十數篇而止。以此律之。諸大家大數如是如。

是而其人其文亦藉此十數篇。遂炯炯不可磨滅。天壤此豈非有數存耶。其他無此十數篇者。雖著作等身。如歸震川輩。直自郇無譏耳。古文妙處。何可多得也。若斤斤求之章幅迴環錯綜。神氣吞吐縹緲離合。字句損益進退。以爲古文入妙處。恐古文之妙。不如是已也。前書引而不發。率談求教。何如何如。新來許大令。忠厚直諒。友朋中古君子。不可多得。亦不可少有之人也。足下如不赴朗江。此公亦必有所以位置之者。廷燦家累近四百餘指。日食米四斗。月食米十二石。而酒肉不與焉。去歲秋粗買薄田。以充饘粥。並得山房數十椽。補葺可庇。

不
風雨卽日當歸長沙。移書徙宅。無由至貴縣。一領教益。
仍祈示復。不宣。

復阮少司寇吾山書

目壬辰夏蒼黃南歸。於今十有四年矣。每念京洛朋遊。如人間之望天上。邈不可攀。矧吾年丈閣下。疇曩在京。又過蒙許與題拂。時得追從商榷。側聞緒論。開益蓬心。此日稍有聞知。皆荷當年講習之力。誠不敢自外知已。無能或忘德誼者。只緣跼伏鄉園。拘綴湘介。歲歲以點字校句。作百口生涯。舍已芸田。計傭受置。自度並無善狀。是以音問全疎。惟有默默寢飯。不知訾省耳。昨夏五月。芝軒方伯來自京華。乃蒙年丈垂問愚弟。並示手書。定日接領時。若從天降。忽覲清光。良久坐醉夢中。自疚

自疑且感。且愧。知腐儒無用。尚獲注念于當世賢人。君子不知涕之何以交橫也。及定心展誦。欣悉道泰。衡享功崇。福茂。又蒙曲加慰藉。勉以名山著述。此閣下與人爲善。誘掖無已之盛心。而廷燦踈慵。實非其人也。何以克當。何以克當。未數日。正擬裁復。忽閱邸報。快覩年丈簡在。

帝心特擢刑部侍郎。庭堅之邁德默結。

王知昌黎之鉅文。鼎榮晚節。廷燦連日雀喜鯢桓。如得躬逢其盛。親被其光。又不知情之何以一往而深也。此時身在日月。職贊臣鄰。正人在位。邦家之昌。自知夙夜靖共。

時有以教之爲慰。賢郎輩俱秀出班行。將來干霄直上。卽在目瞬。其又烏得而禁禦。正不必以偶爾一失。塵芥高朗懷抱。至別有云云。此間從未之前聞。又自今年來。當關頻頻見拒。數月尚未謀面。竟無從代置一辭者。且亦可以不必。此時浪過江恬。言之徒無益於事。惡寒者重裘。不若靜以待之。最妙最妙。

與蔡東墅同年書

別來二十年。每想見東墅先生邁往之氣。精銳之思。瑩澈之識。以爲平生取友於天下。後來殊不多見。宜其直躋古人之堂。人古人之奧者也。江孝廉來。忽接手教。並連日得讀高文。紙上時時洞見君心。無異昔年漢上京師之接警欬語言於一堂也。子雲所謂心聲心畫。吾輩正賴有此留天地間。互相參驗者。時文徑術。弟久拋荒。而孔孟微言。則未嘗不反覆參尋。以求歸至是。讀大作如富貴忠恕性天怨尤求放心諸題之易涉枝蔓影響者。俱不增添一字。不鑿深一語。一一簡直明銳。洗出自

文真面目而止。此豈可僅作時藝觀。並可爲讀經者示
標的。其必傳於後無疑者也。古文掀開牆壁。具無礙辨
才。但鄙見欲有獻於左右者。吾輩著書立解。惟自抒寫
所見而止。似不必篇篇攻擊前人。卽先生之論荀子。何
其平恕。而是存一篇不欲舉一羊之歧。以廢歧之百。又
公聽並觀。兩不相悖之明證也。居源遠而未益分之後。
愈不能徧觀盡識。但求有得而已。自信於心。而無乖於
大道之公。六經之旨。卽韓子所謂學焉各得其性之所
近者。如必欲廢前人所學。使
者亦未嘗以夷之清惠之和。可謂爲聖而務貶損

之也。弟曩日一知半解。多賴先生別白。稍知嚮往。其後
妄有論說。曾借大名爲重。亦不敢忘所自也。祇因阻於
遼遠。今始得一併呈上。仍祈講是去非。誠以告我。弟自
壬辰間。籍後養疴鄉園十七八年。近更聚經史數千卷。
築書舍八九間。自謂此中甚樂。惟有行之以不怠。要之
以至死。尙異他日所得。或進於前。而有促之來京者。中
途果蒙犯嚴寒。腸胃冰結。日日惟恃乾薑附子作生活。
自笑一副羸骨。中不熱而官又冷。無一相宜。惟是日赴
瑠璃殿書肆。搜平生未見之書。時從諸老宿旁叅互證。
亦欣然有以。永日只恐貧與病相攻。則不得不作歸計。

耳探聞雲都管老師已前年凋謝趙鹿泉老師主試貴
省想必時得見而長兒永賢前年相伴來京去年仍薦
而不中次小子邵賢幸獲選拔本年二月到京聞朝考
將在秋八九月附上貢卷一本近日服膺安溪先生全
書竊以爲斯文之統總萃於是者自是本朝應運而出
之學之一人也曾見徐子干所作真有文無命昨來京
師蒐得休寧戴震字東原遺書十數種徐子干以詩文
戴東原以經義又所謂闕通博辨之英亦有才無命去
年曾著戴東原事畧愍其天既生之而復抑塞之如此
專此奉復不覺拉襮醜縷無任神往之至

復紀大宗伯書

前者廷燦以撰輯戴東原事畧就正大宗伯前輩閣下
隨辱賜書謂宜刊去聲韻攷一條而括東原所論古音
者補入前輩學識之淵博精嚴心胷之公平廣大津津
流溢行墨間不禁一日三服膺者卽當從友人處再借
前書撿采就東原所論古音者剪裁成片段仍俟繕完
再請鑒定夫東原意在抑梵書之三十六字母於後因
諱言隋書經籍志之十四字於前此自東原所見之偏
誠不足以據堅城而成信讞况問官不遺郊子考字不
遺於蒐

今之推測步算亦不聞尊堯典周髀而屈西法是以聖人公聽並收卽鳥跡蟲書皆可師可學又何必有疑有諱於西域之字母抑廷燦更有請焉今論聲韻者隔數百里卽別爲方音隔數百年卽別爲流變卽不方言不流變亦必審聽於唇齟喉舌之界嚴析於陰陽清濁之微所爭者僅在豪芒杪忽卽曹割部分幾若鄰封敵壘之各不可犯况梵書梵音遠隔殊俗代憑大鴻臚譯經潤文揣聲測響甚至有累數譯而莫能通歷數十傳且莫能定者其爲方言流變萬萬矣而當日就其書索其音謂卽可同中國之書等中國之音其亦果有合於中國

聲韻之元。平抑又聞晁公武之論曰。齊梁以前。此學未傳。至沈約。依定四聲。始以之爲文章。是則六經諸子騷賦。中古音之寬緩。洪厚一變而爲今韻之尖利輕儇者。其潛移默換。似皆自字母入中國始之。亦自沈約定四聲。乃成之也。後人有增損字母者。有欲掃除字母。廓而清之者。此不獨字母有所罣漏。不足以該括。恐亦因字母實有所戾於古人之諷誦。而不足以厭後人之聰聽。乎。宜前輩亦獨有取於東原之論古音者也。若夫蒺藜爲茨。終葵爲椎。不聿爲筆。奈何爲那。又似前乎華嚴十四字。六經中已具反切之端倪者。然則中國之有反切。

與西域之有反切。其孰先孰後。固不必如東原之執爭。而切音之同不同。則正不可不辨。大前輩之學。天下後世之學。人人思得聞一言。以爲歸者也。今是正東原聲韻攷一編。誠大有關於東原著述之純駁堅脆。而字母相傳。亦似幾成千古疑案。近更紛如聚訟。不可究詰。亦望一言指南。俾後學有所統壹。誠嘉惠無窮者。

復余習園書

廷燦襲歲角逐名場。拘綴館職。徒涉獵羣書字句。掠取
載籍皮毛。供爲詞章聲律之學。思以順時取譽。於經義
絕少窺尋。正韓子所謂游從之類。相熟相同。不教不學。
悶然不見已闕。日失月忘。以至於老者。昨者逢吾宗習
園先生於蒸湘二水間。一日啟箴發函。得讀其連編細
冊。於詩於書於易禮。歷歷分章析段。以經證經。解結釋
疑。鉤元提要。於蓬心不覺洞然開朗。於時既自賀得師。
喜所聞之已多。恨相見之已晚。因更悔曩日間有一二
論說。妄思躋扳作者。眞如壽陵學步。邯鄲徒無益費精

神有似黃金擲虛牝耳。卽欲拉雜摧燒。思圖揮戈返日。補塞桑榆。不意別歸柴門後。乃蒙貶損手教。多方推許。初以爲君子與人爲善之深心。或不惜誘掖不倦。然已不能不顧影自疑。至中間舉持正南紀之擬。韓子語以相比。況則不覺愧生。顏變爲之。蹶蹶不寧者累日。人苦不自知。至於候蟲時鳥。自鳴自止。必不能與黃鐘大呂。婉響抗聲。未有不自知者。旣自知之。而且隱忍受之。不明辨而蔽覆之。有識者幾何不掩耳疾走而笑其妄益之妄乎。承示六書。東原之說。誠未免支離。然當時並不置抑揚與奪於行間。而一字一句。輒采入不遺者。亦以

題爲事畧則其體在紀實不在摘瑕。若曰此東原之論六書也。若曰此東原之論明堂也。亦所謂據事直書而疵與醇自並見而不可掩者。是以殿後引歷城周太史語微示斷置。而全篇之議論橫出。蠡起者統此矣。今來札摘其四體二用之說多窒礙。而有取於王昭明之六義。相關各圖摘其數字共一義者。爲注確實而轉落空。而有取於假借之兼義與聲爲補前人所未發。折衷同異斟酌去取。不獨剪截東原之枝駢。兼別白六書之指要。乃懸誠衡以較輕重。奉正朔以批閭位者。夫讀經莫先於考文。而三代六經之文廢失真傳久矣。於今千百

世下尙可窺見制作文字所本始。則僅僅賴有六書之說存。如鑄金有模焉。使模之不存。金安得不躍。又如搏埴爲器焉。使搏埴失傳。則器胡能不窳。此六書之誠宜辨定也。然且言人人殊。而轉注假借二門。則尤易涉影響。不能不待剖析者。如以轉聲爲轉注。則必先定一字之本聲。而後轉注有依託而起。然竊意未有四聲反切以前。安知正之讀平中之讀去者。不且渾爲一音。而轉無可轉。又安見注有可注乎。如以依聲託事爲假借。則必先定一字之本音本義。而後假借有可引伸。然竊意凡字皆有本音本義。而何獨風主風氣者。可借風俗夷。

主東夷者既可借平。又可借傷。於此等字。卽不嫌牽連。移徙。不嫌數傳失本。而外此。又不盡然。其然者。又不必有確然者可引證。何也。且許氏說文序。旣以令長爲假借。則與以轉聲爲轉注者。又何以別乎。凡此皆不能不費今日之反覆揣測。無憑得造字之本始。而不必如象形指事會意諧聲之實實可據依者。廷燦非必爲東原四體二用之說作圓互也。先生以爲然否。廷燦歸柴門後。子姪輩俱以縣府試淹留會垣。携來大著各本子。尙未得人鈔寫繳上。稍暇則讀數紙以洗心。其他一切閑束。蟄卧昏昏如夢如疑。幾欲百事皆廢。然又有不敢自

廢不忍自廢者在。曾爲亡兒邵賢作一聯云。宗室依光。六年徒結干霄願。儒林共惜一死難。磨向道心。旁注兒自壬子冬日。以公車赴京。其明年落第。又明年考補覺羅宗學教習。越丁巳。將報滿。卽畢命於教習館。先後六年。蓋問道而行。有惟日不足之志者。承示手教。祝我家南北兩宗。繼繼承承。經術詞翰。並致其力。庶幾振興光大。廷燦敢不勉力樸學。以副宗老耆彥植本培遠之至德。至教而竊恐離羣索居。日滋疚悔。終不能不投杖而拜。方自愧謝過之。不暇。又何敢言亢宗之有光。於詩有之。高山仰止。景行行止。雖不能至。心嚮往之焉。

建朱子祠記

朱子過醴陵講學，醴陵人審像伐石，圖碑於瑞淥池上，葺亭覆之。池故醴陵靈蹟，水綠可繪，字而朱子遺像儼然在焉。越七百餘年，爲乾隆甲午，又新亭，甃池，作祠堂以奉主祀。堂成，歲約爲會，明年三月某日，邑人肅衣冠而至者，約數十百人，蓋道德之輝光，昭被於斯人，精神心曲而愈遠，則愈有耀不可遏，佚蔽掩乃世之好同異者，動黨護陸文安王文成爲有用之學，以詆訾朱子，廷燎走四方，問學至有動色相戒，謂子何不解脫朱家纏縛。夫朱子主靜敬，以根極性命，達於天人奧微，明於萬

物分數固廣博精深而用無不具者而講陸王者乃見
謂紆迴幽渺而不樂道然卽以法迹論觀朱子前後上
孝宗書六劾唐仲友嶽嶽風節何其知命不惑也若夫
爲政崇安浙東潭州爲民請命懇懇斬斬如疾病在身
而務去之而遇非道非義雖三公之貴一介之細較然
不欺其素政使學陸王有用之學徑約切實而其發於
身心見於家國天下者復何以加茲夫學不在斷斷角
辨在誠以自治其身與心耳彼陸王者亦誠以自治其
身與心而其學不可廢者也何獨至於朱子而疑之雖
然今之崇朱子者旣徧天下吾獨異其獵取朱子緒言

妙義用以藻績文字而行事則陰背之。又有閣束朱子書不一寓目。日取腐濫無根之游言。掇拾帖啐。冀弋榮名。聲利而朱子講學宗旨。竟茫乎其未有聞。此則背朱子而馳。愈遠愈失。又豈得謂學朱子之學者哉。嗟乎。此向之魁岸閎通之士。所以病俗學之陋而決然定所嚮於陸王也。吾烏知朱子所心許者。不轉在彼而不在此耶。醴陵山水清淑。士氣淳正。又鄉先生吳文定公爲朱子高弟。師友所漸。卓有原本。是役也。若鄢君正笏。丁君宗懋。李君輝。曹君枝。欣俱信之篤。持之堅。故經紀有成。而屬予記之。學者登朱子之堂。仰朱子之遺像。思所以

學朱子之學者何在。則正學於是乎盛昌。豈徒以軒窗
亭檻資吟眺已也。

補修石鼓書院記

是山斗然拔岸。駕入二水。如艤。如舳。萬斛銜碇。下垂。書院蟠其腹。門前蒸湘分瀉。中間隔地不多。僅僅見界。畫如牽一纜。矢直刀削。綫脈最奇。厥初門其左。隅以山勢直也。利曲受之。無何有中徙者。表裏洞穿。左右激射。風氣疏洩。訛言屢騰。郡大夫曰。是不可不還其初。急轉移之。遮蒸衝突。迎湘溶漾。則天台廻鴈諸嶺。盡拱秀効。奇心目得遼朗。軒輿由門入。最高當中座者。大觀樓。樓左右二祠。一祠漢諸葛武侯。一祠趙宋李忠節。歲旣久。俱板瓦腐剝。赤白漫漶。不足揭忠敬壯高明。又墻舍中几榻。

齋廚之需缺如不具寢興無憑郡大夫又與衡陽清泉
兩明府次第籌畫之不廢不侈有則有經工旣訖俯仰
週遭引背爲向展曠得奧則造化之靈秀始呈露焉濯
黯爲鮮抽脆補緻則神人之棲息倍肅整焉陳列充庭
從容資藉然後體氣得夷愉神志得清寧焉其疇不裴
裏咨嗟感激奮自興於學乎而郡大夫及兩明府爲政
急所先務尤不可誼矣書於石非賀是山也

敦大中丞重修城南書院記

前中丞清江楊公撫湖南。以嶽麓書院隔湘濤。往往顛
風斷渡。期會不達。稽圖考典。知有宋張魏公就妙高峯
築城南書院。是時晦菴南軒兩大儒會嶽麓外。多就城
南講論。酌倡游止。其中湘東之有城南。故與湘西嶽麓
巋然並峙者。而妙高峯舊蹟。既化爲僧房。不可復。乃選
得都司廢署地。築屋八十楹。以居學徒。便講習。前堂摹
懸

御賜匾額。東南隅作

御書樓。藏經史數千卷。卽合祀晦菴南軒兩先生於中。而

附祀陪護書院諸賢。額曰城南書院。不忘初也。自清江
中丞作城南書院。後十有九年。桂林相國來撫湖南。通
籌兩書院事宜。城南按歲支銷。始與嶽麓並定。有經費
又十有二年。余攝官撫軍。於是邦因相國經畫。既久。畧
通其變。增酌規條。一切頗詳備。愼密。又時率僚吏來城
南。與諸生崇獎德義。考評文章。見其地氣交脉。聚突怒
拘。起收納。隔江峯巒。入軒窗几席。而曩時所種樹根幹
礪柯。柯葉蓊鬱。勢隱隱出墻屋上。通雲氣。凡先後讀書
城南者。亦多成業。發名人材輩出。收效固與嶽麓相等。
獨書院歷歲年多。棟楹梁桷漸腐。蓋瓦級磚漸缺。赤白

亦漫漶剝落。僉曰此屋不修且壞不可止。余與廉使觀
察使籌費鳩工。換脆以緻。繪黯以鮮。無侈無廢。治之則
已。天心閣雄控湘城。實陪衛書院。則重新之。復甃石通
道。用壯登臨。是役也。非徒求復清江中丞舊觀。亦庶幾
存晦菴南軒兩大儒遺澤於勿替泐片石嵌壁俾後之
守土者有所考而共護之。若夫儒術昌明。人才成就。有
馮有翼。作孝作忠。則清江中丞碑記甚詳。余第記其顛
末云爾。

顏大中丞建普濟堂記

乾隆四十有二年四月臣希深奉

恩命撫軍湖南伏念

皇帝爲天牧民博眎廣聽子養哀矜無有遠近幽深一如堂
階戶牖慮至到而計至周因念守土吏分宜以時問民
疾苦罷所不便而條所願得者廼稽圖考制見湖南棄
嬰有哺乳廢疾有棲養惟單獨老民未有常例廩給枯
瘠其何能自活存謹按王制天民之窮老無告者皆國
有常餼又大司徒以保息六養萬民二則曰養老三則
曰振窮誠念殘喘孤延幸得少緩須臾無死竟乃柴立

中央漠然無所依向其宜隱憫收恤自不得後於棄嬰廢疾矣我

世宗憲皇帝詔設普濟堂恩養輦轂老民又曾下其法於直省而有司猶梠格未行是歲秋七月臣希深卽拜手稽首具狀奏言八月

制下報可。廼抽撥庫貯白金四萬兩分貸之商。歲權息四千兩爲按歲支銷經費。其明年擇地湘春門外卽折歲息之半作堂由門入爲廳。序居治事者。又入爲五重。爲左右兩翼析間而計得一百二十椽。居老民。凡房寢几榻厨竈井園垣苑之制。旣備旣整。其經費出入贏縮則

聽長沙郡守典領勾稽。其米鹽薪菜衣襖藥餌及棺槨瘞埋凌雜靡密之務。以時選士紳之廉能者經紀之。而會其要於長沙郡守。夏六月堂成。秋七月朔一日始事。歲可活老民五百口。其浮額者籍記其名。以次待補。夫古者比使之相保。閭使之相受。族使之相葬。黨使之相救。州使之相賙。老民亦無慮其無告也。然猶云六十以上上所養。自比閭族黨之法。旣廢。民知急所私而已。甚則並所私者若秦越。相視耗矣。鮮有維繫相收者。爲民父母以保之。受之葬之。救之賙之。之責爲已任。則老民雖窮於天。尚不窮於官府。而煦濕濡沫吹枯噓槁庶幾。

有以推廣

聖天子慈惠億兆人民德意且亦撫循靡察厚美風俗之一

端也抑是始基爾整齊釐剔將有來者賡續推廣之所

全不更多乎臣

希深

將去湖南恭紀崖畧於石其規畫

微密則檄長沙府知府事臣

所曾

條議於冊最詳茲不

著

李大中丞修江神廟記

湘江濫觴陽朔山迤邐匯瀟蒸諸水北折而下至長沙江濶澄涵不怒作則橘洲浮其中水經所注橘洲子戊者也考湘江清照五六丈下見底石爲樗蒲齒宜若空明淨徹千里一碧者獨橘洲匹練曳水面如荇藻牽風湘人傳其初無根蒂能與波下上蓋江之瑰奇靈異譎詭正於是乎聚昔人尾洲建拱極樓雄視俯矚所以陪護墉隍夾輔形勢與岳陽黃鶴名勝相望也雍正八年世宗憲皇帝下詔湖南以江神職司江濱利賴舟楫雲雨井牧土田宜秩祀所司又選樓前地作神廟奉春秋廟制旣

上關

國典。且與樓並峙。奠定中流。橘洲益增嚴整壯麗矣。歲既久。棟折柱摧。瓦泐甃破。上雨旁風。無以崇明祀。飭鉅觀。至。疊議撤新。而皆不克。歲事。今大司空劉公駐節長沙。時政通民和。有願輸金百兩。呈請勸衆捐修者。公度不可禁。卽嚴飭有司。無廢無侈。無擾衆歡趨之。不期而集。劇金若干。遂輦材。遴匠作廟。重三殿。門其前。作樓。級二層。捍其後。週遭鵲岸。殢欄。以次鑿金嵌石。堅緻瓌瓏。起庚子。訖壬寅。工落成。而余適奉簡命來撫軍。是邦展廟翼翼。憑樓言言。棲湘靈於恍惚。壯

氣。象。以。千。萬。水。之。蛟。宮。蜃。窟。陸。之。隩。臯。神。區。與。夫。湖。嶽。
之。精。英。靈。淑。皆。貢。獻。軒。豁。收。納。在。島。嶼。橘。柚。軒。櫺。墻。屋。
間。是。以。陰。陽。和。風。雨。會。老。幼。蕃。祉。年。穀。連。熟。魚。蝦。菱。芡。
物。土。之。產。閩。溢。街。衢。蓋。是。役。也。典。制。嚴。重。神。人。歡。喜。固。
爲。

天子守土吏所宜不得簡陋者也。而公皆先余爲之。余則何
幸而承其乏乎。書顛末於石。誌美也。經紀其事者。知長
沙府事臣某也。捐金者。別石書之。紀實也。從衆志也。

牌樓山記

自嶽麓逆折而上。有嶺峯起莽蒼之野。勢可萬丈如流。星下垂。截然中斷。見溝脊界。畫是爲金牛嶺。嶺斷岡連。廻安行。徐驅氣。延脈屬。盤礴鬱積。回互再折。而爲牌樓山。山不及嶺三之一。去平田加二百步。山延袤如曳布。隆圓如覆釜。山之左。刀削壁立如牌樓。其山之得名乎。山頂窪然爲天池。天池週遭如蓮葉。如桃實。如嘯口。廣輪不及半畝。天池之上。微凹如匏柄。是爲小天池。先是小天池中。白菓樹蟠根封焉。占之者曰吉。發白菓樹得土穴。週遭石也。吾始祖君文公實安魄於茲。湘水襟抱。

其前嶽麓屏蔽其左。隔江峯巒盡收納入小天池。天池
中氣通霄漢。時時能噴霧蒸雲。降雨。嗚呼。是山固吾高
祖忠所公登頓相度精神。憑依者也。有碑紀墓。紀是山
兼紀田。碑毀於張獻忠兵。田併於土豪。而是山僅僅猶
存。土人不忍沒其實。仍歸之吾。余乾隆壬午。小子廷燦
請假自京師歸。廼克伐石表墓。又四年乙酉。有侵界逼
葬者。粵東蕭公聚崑官善化。按法治之。逼葬者鋤去。侵
界者釐正。吾族人如蕭公。約又伐石表其四至。墓前縱
計二十五丈。有奇。後計十丈。有奇。右半於前。左半於後。
是山庶幾完復如吾高祖所登頓相度者乎。抑猶未也。

嗚呼。爲人子孫。守祖宗塋墓者。其永念之哉。

余氏宗祠記

合族而祠。祀斷自可知之祖始。世世以次祔之。其制於古五宗法不合。然自河南程氏以義起祀禮。得上及先祖始祖。則族屬之散無統紀者。合祠合祀。原本昭穆。畏敬親愛。亦猶古聖人教民。反古復始。不忘其所由生之意也。昔者吾先君子一日暎雪呵硯。手鈔從伯祖維嶽公所著康熙庚戌譜。廷燦方髫齡。隅坐讀小學。至伊川程子論冬至祭始祖一則。先君卽緡庚戌譜而示之曰。此余氏始遷長沙祖也。小子其知之乎。講程子論畢。旣而嘆曰。家必有廟。廟必有主。吾族其闕如也。每時節春。

秋雖貧必設祭。雖尊酒隻雞必誠信。必蠲潔。然慕思鬱鬱。慄慄愈益。有楚其容。乾隆壬午。廷燦請假侍疾。四年。又時時傳述前世清芬厚德。最誠諄復。廷燦涕泣受命。然亦至竟未遑。歲甲午。復假旋在籍。正月乃聚族而謀。吾族會者。自耆德至幼孺。俱欣喜溢顏色。同撫掌應聲曰。諾。又六年己亥。族兄二山先生悼祠祀之久不成。書來促歲事。九月廼得解氏屋地。厥基隩蟠。厥面湘麓。且近吾前世里居墳墓。筮之吉。明年庚子。議修闕。四月祠堂成。正中寢室。棲神。左貯遺書。右貯祭器。前拜亭。又前念脩堂。兩翼則與祭子孫。於是齋宿石柱七。標其前界。

國恩

又泐石五標其後與左右園一池一橫縱寬三畝歲權租若干足供祭典吾余氏自始遷祖君文公而下繼今迺獲祠祀嗚呼自吾始遷祖契神湘麓累善行仁世有名德有幹年農者商者孝秀者庠序者科第仕宦者各長於厥居蒙澤十有一葉歷載三百餘矣祀典顧稚昧不飭乎然是役也際吾族稍稍耗析於前廷燦艱辛營度僅而後克若夫以祖宗之心爲心重宗法聯親疎黜私利同敬愛厚其性而茂其德人各勤職業家必稟典型庶幾保令名篤善慶世世守其祭祀以承迺

天麻於無鞞則族之慈孝者咸有責焉廷燦其敢不懋勉敦率思紹前志待後來乎祠成因記顛末陷置壁間使世有考焉

詒穀草堂記

詒穀草堂者。吾父播遷時。手自芟荆。斬樹。塋土。葺茅。成之以課。延燦兄弟三人者也。堂高不及三仞。縱十之五。廣三之一。東西有室。廣不及堂之半。蓋自先曾大父丁明季。先幾去。長沙城累世居第。邈入影珠山。至先王父竟中落。貧不常厥居。自先王父規度擇里。謂麻林礪山川清遠。士擅文學。決計定宅。至吾父竟十五廢書。其後且益貧。無以教厥子。一歲翻然。貨田宅。以其所餘。換周氏棄產。亦未敢去。離麻林礪。成前志也。然已三世歷四遷。厘厘餘薄田三十畝。供饘粥茅屋數椽。庇風雨。是時

廷燦年六歲。伯子桐九歲。季子梯四歲。俱可就傳受經。吾父卽日闢西園。斬榛蕪以作書舍。諸子亦日隨父。捧土折枝。其助邪許聲。堂成。週遭無籬籬。可遠觀。父忻舉一觴曰。是可以教吾子矣。乃命諸子就學。父出則督耕。入則坐草堂。爲諸子講孝經小學。課毛詩周易四子書。卽熟讀成誦。無一字齟齬。乃喜。有蕩佚。卽予笞。笞以竹。長可尺五許。笞畢。則納之壁空。中如是者三年。持手處沾澤熒熒有光。其後賓禮師儒。購求書籍。招延鄉先生。時節來草堂。參互講析。又四年。諸子或夜分未寢。或鳴鷄卽起。吾父亦坐聽書聲。欣然忘倦。嘗取棗栗啖廷燦。

以手摩其頂。厲聲曰。兒壹意向學成人。吾他年卽死。亦
瞑目。無何。一夕。草堂燬於火。廷燦與廷梯方熟睡。猛起。
從火光中躍出。赤脚立雪塊上。僅僅脫死。書籍無有存
者。父愀然曰。是豈不足以教吾子哉。自是伯子以貧廢
書。季子以病廢書。廷燦亦走四方。問字而草堂僅餘敗
壁矣。草堂旣燬之四年。父始葺居舍。易茅以瓦。又八年
築雲香書屋於東園。自居之。然皆非其志也。記某歲。廷
燦遠自外歸。忽見草堂繞竹扶疎。新松以次排立。吾父
無日不流連其間。徐乃指敗壁示廷燦曰。吾所以教諸
子者。僅餘此耳。吾年來種竹。竹添孫漸得千竿。又種松。

石音文
松遲於竹待數年後直幹參天雲濤與風梢搖漾雖畫
圖不是過也方言時松纔與腰齊又六年廷燦成進士
入史館明年以父病請急省覲則琅玕萬仞虬龍屈蟠
時廷燦子永賢七歲廷桐次子名賢十四歲心賢五歲
俱讀書有若向之三人者然父命仍就草堂課諸孫於
是擴其西偏築軒輔堂軒較廣東室將就圯更之堂壁
之烟火蒸蝕隱隱如畫不可辨者則仍其舊父乃詔小
子廷燦曰是堂吾手自築以課爾兄弟者也是竹是松
吾手自種以護斯堂者也今竹長松茂堂新而吾孫適
抱經就傳詩言君子有穀詒孫子穀善也汝祖嘗喜此

鄉文學可定宅。則汝祖之志在詒穀也。其以詒穀顏草堂。汝其爲予作記。廷燦謹受命泣而述。次之。蓋草堂始於雍正乙卯。火於乾隆壬戌。再葺於乾隆壬午。吾父之志實與草堂相終始。廷燦登斯堂也。每懼不克負荷。後嗣子孫永念肇造之艱。重新之故。應有惕然思奮然起者。

城南書院雙桂屏記

循一徑於城隅。門墻清峻。闔雙扉於日永。院落森沉。喬木百年。古瓦斜拳。虬脊小山二妙。前楹恰嵌。風屏綠意。巡簷枝宛宛而橫。逗香界及霽屋。潭潭而靜深。礙朗月以影翳。澄江半涵藻荇。翻午曦而穿漏隙。壁透取華缸。應解紉佩爲懷。芳菲傍砌。最宜招隱作賦。偃蹇垂堂。乃有家住沅湘。含貞秉亮。詞宗屈宋。緩節安歌。楓岸蘭汀。蕩其情。美人香草賦其志。載書初到。宛遊月窟。環中扃戶。從容如挹天香。雲外於是盍簪。譚藝高詠。淮南有時。促膝拈題。低吟硯北。含毫。不戰。徙倚亞字。闌干。破蟄。爲。

春○展○放○仙○根○芒○角○時○或○遏○雲○激○響○隔○斷○緘○塵○當○其○樹○骨○
排○空○助○來○清○氣○短○檠○二○尺○同○心○臭○味○誰○如○面○壁○百○城○四○
時○柯○葉○不○改○往○往○華○年○感○遇○聽○雨○颼○颼○沉○沉○靜○院○懷○人○
掀○風○絳○繚○默○參○尋○於○道○妙○選○坐○樾○陰○愛○修○潔○以○德○馨○舉○
芳○木○末○一○枝○借○翼○蜩○鳩○決○起○榆○枋○大○厦○儲○材○宋○桷○預○充○
杞○梓○

伍氏義莊記

邵陽之南鄉伍君顯宗有子世楷，往歲從子學治時文，一日君來山館，顧予，予欽其質重氣厚，貌古而詞樸，而稱君者則在嗜善不寧，喜爲人紓窘解紛，覓險道建郵亭，邑人莫不推爲鉅人者，德長者。至是子復會學於邵陽，世楷已著籍縣學，偕其昆季來請曰：生父早孤，廢書卷，以勤謹織，嗇起家，頗饒財粟，然嘗以獨富爲不安，而心慕范文正公規畫贍及宗族之孤嫠廢窮，時津津樂道，不置口。今年年躋七十，乃挈古州油宮觀下古山冲三處莊田，捐爲伍氏義田，歲可召租二百餘石，以若干

石定爲伍氏春秋祀祖經費。因自念長子瑾聰穎早殤。長孫澤達復殤。宜春秋祔食於祖。不得以無後廢祭。以若干石設學。賓師而選族子秀異者廩給之。俾壹志奮學。其補弟子員者。食餼廩者。赴省試者。禮部試者。俱權其貲費之贏。殺而遞加之。有差等。又總其餘若干石。則均於族人之惇。獨孤寡廢疾者。又有餘。則付廉謹之子弟。歲權其子母出入。將來拓置義田。俾得繼承於不匱。生父又于定規條。簿錄件繫甚詳。敢請吾師一言紀其。勸畧。俾後來有考。夫服窮於上者。則戚單於下。徃徃性薄情流。轍先見端於財。故子夏傳禮。亦以同財異財別。

服制之降殺。誠以情之所不能不私者。卽聖人亦有所不必禁。孰是以祖宗之心爲心。無不愛之。族姓者。惟仁率親。義率祖。順而下之。知其重而後異財者。又可同財。然學者日抱經議禮。尙或不能自克於財。姑以禮爲談助耳。而君自內心斷然行之。世楷昆季怡然順之。父子藹乎天性。伍氏之昌熾。其不自此權輿乎。周官閭胥法書其敬敏任恤者。族師法書其孝弟睦姻者。按君行誼皆有助於風教。而予又忝史職。乃如世楷所述書之以見邵陽族性之惇。風俗之厚。有如伍君顯宗亦能心慕范文正公規畫而以獨富爲不安者。

送同館謝蘊山

啓昆

出守鎮江序

府之隸江南者。獨鎮江以形勝雄。其水江與海遭。鼓潮怒沫。回互擊撞。其山金焦雙插江心。軒豁虧蔽。疑有而無。魚龍蛟鼉之所窟宅。珠璣香貝之所孕育。島商蕃舶之所出入。水陸軍校熊羆之士之所屯雜。東南冠蓋淮揚鹽筴。於越姑蘇貨賄航達中原之所門戶。又廩庫糧幣相填委。甲第簪紳相騰踏。旣庶而豐。良楮奢儉貞淫根深萍寄。駢羅混殺。誠府之壯偉廣博。瓌怪不常者矣。謝君官翰林十年。著文賦詩。譏評商較。氣充貌腴。其譽藹鬱。及是。

命出守鎮江人謂翰林冰署謝君華才是行也爛乎其文
相章光相耀也沛乎其池魚之縱江湖而軒鶴之鵝雲
風也鎮江其寵榮謝君乎雖然天之仁愛禾黍而降之
雨無擇於瘠肥枯苑而加焉土之肥苑者豐潤廣阜蕃
昌其禾黍之待雨宜不必急而天降之雨何以必同夫
天之眎肥苑猶其眎瘠枯也明矣卽天之護肥苑更有
加於護瘠枯也又明矣然則雨之降於天而適注於肥
苑者謂天之私禾黍可也豈天於雨亦有所私乎且雨
在瘠枯者易見霑沐而雨在肥苑者尤難著膏施也是
行也其以充其所自養也其以江山之好爲文章之助

也。誠。寵。榮。也。其。固。護。疆。界。梳。櫛。蟊。蠹。長。養。勾。萌。斬。拔。芽。
藥。於。以。輯。寧。其。人。民。保。守。其。富。貴。以。承。天。之。休。也。則。入。
是。府。且。廩。廩。切。切。有。食。其。實。而。無。暇。撫。其。華。者。予。與。君。
同。年。同。官。因。書。之。以。贈。其。行。

送別敦大中丞總督倉場詩叙

大中丞長白覺羅敦公撫軍湖南既五年。敬戒官吏。養士治民。興廢舉墜。悉就整齊。有法度。於時神人悅。澤上。巖下。沂風雨。順序。秔稻熟。衍湖南大饑。

皇帝

晉公官階。迺以戶部侍郎總倉場政務。諸生讀書城南。依公如歸者。念公之去不得留也。爰作詩歌。以抒懷悵。而廣風論。宣德義而致忠愛。又念湖南山川名勝。皆公經紀潤澤。勿數勿諉者。廼次第繪圖。與詩篇相間。聯爲鉅冊。廷燦因執簡序之。曰。公貴戚重臣。樂與韋布儒素。樵悴顓壹之士。講論德藝。考評精麤。不倦。卽是知公深。

思長慮爲

國

家樹人計根本者乎公捐嗜好以潔已去繁苛以寧人

矢恪恭愷惻以集事於一切祿利毀譽俱不足動其心而九郡四州民有不便吏職有不揚奸胥蠹役豪猾有未歛戢則不啻一身一家事察必明處必周而施行之不移晷刻既勸既懲又汲汲以學校之廢興人才之盛衰儒術之顯晦爲已任今

國

家法嚴令著察吏安民而外天下事固無有大於此者

而世乃鮮不以此爲迂也然公每論及湖湘政治則蹶蹢動容慨然惻然不敢自信公之意念又何深也公

湖南則端而不能咸公在

朝

廷則天下受其賜公之遠無不及其自倉場始乎抑廷

燦謂嚮往公者焉攸用文他日志樹業成諸生中有馮

有翼作孝作忠爲我

國

家明白奮興一心宣力是則公所庶幾冀望其然者諸

生其何以自銘乎抑詩言志也廷燦雖驚下願偕諸生

勗之卽以是卷券之詩曰

展親起豐沛酌庸長侯伯旗蠶照清湘實維文武特下

車品彙調指畫爲民亟寅清迂祥徵潔茲祈神弔勦聖

結構閔保障觀瞻飭善政調風雨和氣多黍稷奉已損

不。可。及。也。
驩。娛。禮。士。無。倦。敷。廣。廈。肆。居。遊。駐。馬。嚴。講。析。化。俗。蜀。文。
翁。與。學。魯。鄒。澤。我。愧。荒。落。餘。散。木。譏。社。櫟。城。南。地。半。弓。
公。護。大。賢。澤。延。我。領。諸。生。謂。粗。識。阡。陌。無。用。轉。有。用。如。
風。迴。退。鷁。攤。書。共。幽。討。肝。膽。輪。囷。激。漕。粟。輓。東。南。困。窮。
壯。

者。公。往。羣。倫。失。楫。則。江。潭。風。俗。淳。台。鼎。星。辰。隔。離。離。八。騶。
鳴。卧。輒。留。不。得。

城南書院送別詩叙

萃諸生之秀異者於書院而儲養之。又擇博士之文華學富材通敏而器魁岸者。整齊其書史圖籍而甲乙之。綜覈其歲月名實。良楮勤惰而上下其米廩以餽之。厥選亦簡重清要哉。綱菴鄭君。官吾長沙學博。大府偉其能。乃令經紀城南書院。毛髮絲粟秩如也。至是官滿遷漢陽郡教授。諸生之讀書城南。惜其去而作爲歌詠者。咸踴躍其誠。鏗鏘其聲。若金石之奏。宮商之諧。不自知聲之何以發也。夫漢陽爲帆檣輪蹄所輻輳。珠璣香貝文綺鹽筴稻脂所屯雜。而文章之盛亦聚焉。君行矣。爲

問嘉魚黃岡漢陽三君子之遺澤猶有存焉者乎官冷
祿薄而居豐潤廣阜蕃昌博大之地懼其有見於彼卽
不必有見於此也他年君別漢陽而騰蹕皇路其亦有
醞酒臨江賦詩於鸚鵡晴川間如今日城南之士之盛
者乎則君亦何止膺是選爲無愧者哉余忝城南講席
因諸生請而序之並繫以詩
翩然下衡山渴飲湘千水十載一儒官落拓何自喜
膽氣大於身自許天下士傲兀坐青毡感嘆肉生髀城南
始識心痛飲忘彼已相於校文字一春風雨裏江漢滙
雙流大別山孤峙忽聽報除目移官當去彼此都競聲

華○歡○娛○若○朝○市○豈○惟○富○文○章○波○譎○雲○奇○詭○君○雖○換○頭○銜○
冰○署○仍○素○履○檢○點○等○身○書○採○擷○芳○洲○芷○舉○舉○見○風○儀○其○
道○直○如○矢○臨○別○復○何○言○酒○行○可○以○起○

送曠岫嶼前輩由嶽麓歸衡山序

以嗜學舊儒白首耆艾魁壘之士計其顓壹發憤潛心
覃思積至六七十。年研味皆至。到發摭必性靈權衡極
分判議論通今古。而四海之大老無可用一日。乃自抱
所學欣然言歸。吾考漢興經初脫秦火。賴齊魯諸老先
生出。輔弱扶微。興廢繼絕。而後六經不墜於煨燼。吾考
其人類皆髮脫齒落唇腐鏗斷說經不可別白。至今殷
盤周誥尚餘聲聲破碎聲亦豈不氣緩言澁脫字冗文
而存什一於千百。則斷非諸老師宿儒出不爲功。今先
生際經學大明之世。又章句小生日藻績聲悅取決科

之不暇於先生所學無可用先生誠不如其歸且先生
素喜談說經濟雕鏤文章又喜號召後學角辨無已當
其心計指畫口講結習鬱勃於中而大作於外是尚見
吾衡氣機也毅然趨已之所獨嗜猶然犯舉世之所不
求而後乃今擺落收拾豁然言歸謁祝融而不下契甘
泉以印心沛若巨魚之縱溟渤杳若鷗鵬之翔寥廓吾
益無以測先生德之所際矣先生如之何而不樂歸他
年吾將就衡山而問道焉於其別也叙以送之

贈劍南李公序

豪雋稟貞亮清剛之至性。負瑰瑋絕特之雄材。又究窮經傳騷史百家。胸臆蟠演停涵。殷殷乎其欲有鳴也。肫肫乎其思有爲也。隆然鬱然如五嶽之必不可平也。如四瀆之必不可塞也。故發於文章。則輝光潔白。見於事業。則尊主隆民。歷一官必守一官之職。居其地必盡其地之宜。事有不可。則違衆而行其志。不憚掬簣土以障江河也。遇有小屯。則素位而自得於心。不異築河隄以障屋霽也。而當時之雄而毅。煦而碩。溫而愿。哲而少者。方蒙冒於華堂邃宇。雜沓於倡優侏儒。酣豢於溫淳甘

囊腥膿肥厚之中。爲之脾睨齟齬。如螳螂拒臂。如枋蠋
嘲笑。如路鬼揶揄。而此一人。冰清風厲。招之不來。麾之
不去。而其久也。披腹瀝心。琅玕貢獻。聖主賢臣。昭彰洞
晰。其道益光。蓋漈濯鎔治。而後精金之質益純。截玉剗
犀。而後良劍之割愈妙。其性不可奪。其用各有宜也。吾
蓋讀書史。嘗聞其有是人。吾於峨峰李公。乃見其有是
人焉。公起家甲科。宦轍多在鄂渚。甌閩間。所至茹雪餐
冰。汲汲與民梳痒剔蠹。又文華斐亶。述作等身。其刻厲
勤民。似益昌何易于。權衡緩急。吟詠山水。似春陵元刺
史。而守吾長沙。尤抗同官。忤大吏。其事卓特。必傳於後。

無疑。然是時公幾不能自脫。卒之烟銷雨霽。默結。

主知界以監司重任。將大用公。而刀筆吏操繩墨。計校贏縮。又奪公官。

聖主仍還公官。僅鐫二級。蓋公再進再退。再退再進。然公壹志顓心。毅然以文章事業自見。其視富貴窮達。如一出入息之間也。凡公之升沈顯晦者三。予適見之亦三。予未知校公於古豪儁何如。然誠得如公輩參錯天下。落落居方伯之任。其所以維挽匡救之者。當復何如哉。

送莫樸齋謁選序

樸齋由鄉貢注籍後浮沉儒官三十年而後乃今部檄下將寄膺民社

國家選格所以裁抑躁競慎重刑錢練達識幹儲養循良庶幾福祚我黎庶康靖我地方者皆於是乎在吾知樸齋此出其必有以自處矣雖然上官私其喜怒同僚巧於避就財賦困於供輸閭閻格其疾苦吾見縣吏之難爲也往往有不得已行道者樸齋作書生卽勇於自信遇不可義形於色其服儒官多在五溪二酉洞庭桃源間所至咏吟山水外依然一隱約書生也墻舍士咸

稱其官卑行尊。不肯如俗師之較束脩者。今釋卷籍而勾稽簿書。去冷官而典司廩庫糧幣。予亦祝其若是而已矣。節以約己。惠以慈衆。廉以敬公。勤以補民。健而巽。不務矯激絕特之名。溫而理。亦無或姘刻濡忍爲遷就承迎之計。蓋知類通達。強立不反。然後足以化民成俗。吾知樸齋此出其必有以自見矣。若史所稱武健嚴酷之吏。務爲擊斷鈎距。皆遷固所微。文刺譏不稍假借者也。亦樸齋平昔讀書稽古所指以爲戒者也。然予考其人。摧豪強而達幽滯。度地權宜。尚補於治要。未有可以靡庫藏。括民私。徒結歡上。援而其他一不顧藉之甚者。

也。樸齋行矣。其必有不爲而後可有爲矣。予留滯湘介。不適用以同學同年無可贈而贈之言。並質樸齋以爲有一得否也。

送長沙學博李君湘琳歸養叙

古。之。職。於。學。者。選。德。行。道。藝。之。儒。卽。教。其。比。閭。族。黨。亦。猶。師。武。軍。行。之。數。一。準。於。里。隣。鄣。鄰。之。數。而。不。二。蓋。古。王。制。皆。自。鄉。起。自。鄉。起。則。有。以。慰。其。私。情。遂。其。孝。養。因。以。作。其。忠。誼。同。其。倫。理。使。之。敬。事。效。公。晨。夕。歡。欣。鼓。舞。於。道。妙。而。不。倦。不。數。也。後。之。筮。仕。必。遠。出。其。鄉。其。猶。不。失。古。意。者。其。惟。師。儒。之。官。乎。師。儒。一。官。去。家。遼。遠。者。千里。最近者三二百里。可以慰私情。遂孝養。仕旣合於古典。擁經史數千卷。籍秀良弟子數百人。與之進退升降。儀式表率而外。又往往飽閒散而一無所事。夫得飽閒。

散之實而又可託於古仕者慰私情遂孝養之美名以故一官師儒則竟無復有勇於退而廉於進者衡陽湘琳李君官吾長沙學博鏗鏗爲諸生模不模範不範旣不以閒散自居又其家近長沙在三二百里之內於時繼慈太孺人在堂人莫不喜君以仕爲養之合於古道也君蒞官數年倏忽幡然自疚曰柰何而假古道以自便其浮沉若是一日不謀於僚友不告於學校弟子決然牒訴其長官辭祿秩而請歸養其長官亦無以詰也而同僚及學校弟子思留之無計者則或爲君悔且惜焉予獨謂君何篤於自信而較然不欺其心也以辭官

之較然不欺其心。知歸養之充然。有以自樂。鴻方飛翔。遡廓而儀其羽者。乃近視乎數澤。又何怪悔且惜者之喋喋乎。雖然。君注籍吏部。以縣令待銓者。他日爲民司牧。其亦較然不欺。如今茲之盟心乎。則他日雖遠出其鄉而不辭官。亦猶然行古之道也。於其行。高其誼。因書其畧以送之。

鳴吾集序

家。湘。南。清。遠。地。十。葉。世。世。含。貞。稟。亮。歌。誦。三。閭。大。夫。離。
騷。九。歌。天。問。九。章。參。和。宋。玉。唐。勒。景。差。述。作。感。激。雜。揉。
遙。情。哀。怨。楚。人。結。習。不。鳴。正。復。難。已。矧。二。山。先。生。早。歲。
磨。礪。奮。發。枕。藉。經。史。百。子。橫。梁。名。場。矯。翼。厲。翮。抗。志。希。
高。一。舉。知。山。川。紆。曲。再。舉。知。天。地。圓。方。欬。唾。隨。風。聲。大。
而。遠。固。其。素。抱。無。何。草。元。耽。寂。蜩。鷺。擲。揄。故。吾。今。吾。孰。
非。孰。是。又。蘭。玉。摧。毀。與。元。文。之。童。烏。秀。而。不。實。先。生。前。
瞻。後。顧。茫。茫。萬。端。廼。抽。秘。騁。妍。攄。憂。渫。憤。不。名。一。體。廷。
燦。讀。之。掩。抑。則。澗。泉。幽。咽。宣。暢。則。金。玉。春。容。或。正。襟。敞。

辭比宮協律。或微文譎諫。扣角擊轅。想當獻歲發春光。
風轉蕙陶陶。孟夏草木莽莽。抑或洞庭波木葉脫。長夜
曼華鐙。張先生流連卽事。悄焉動容。秘響潛通。清越要
妙。正使鳥蟲風雷善鳴。四序而徐聞。天籟希微。古淡如
未有鳴。以其自鳴。吾之爲吾而止。視鳴不平者。遼乎遠
矣。廷燦弱齡。從二山先生學治八股文。兄也。又師也。今
序是編。寸莛詎能發洪鐘。抑聞豐山有鐘。霜降則鏗然
鳴。無待人之發。亦非人可至而發之。姑同作山海經者
識之可已。

城南課藝叙

按月校勘文字畢。懼志之日荒而不殖之將落也。則蔭
雙梧讀易。以洗心補年。亦或偶有窺於五經之源。畧證
四子之奧。則又忘其膚末。小得自喜。因時合同。志以颺
聲。聞微言於永日。古屋斷斷。未暇云德之畜也。亦滕口
說。辨祈嚮。塞初志。慚而不讓耳。然二三學侶。沿綫瀆以
測瀛潢。因容光以闕日月。每拈題含毫。遂自兢兢省括。
度不中。不妄發。而竭狹陋方隅之見。亦相與較量銖銖。
裁別枝駢。以是作爲文章者。駸駸乎篤其實而光輝爛
焉。其道不純聖。辭不則經。雖榮華其言。有所弗貴。吾深

堯文

愬晚出之源遠而末益分也積帙旣夥稍練其雅則者
存之爲記名姓觀造詣亦以見遭際
廣煥一時岳牧侯伯譽髦斯士居以清閒寬以歲月限
以程課優以廩餼乃得涵泳湖湘從容於講貫服習而
業之所就止此則美成在久母或有乎不終有他不燕
其止也卽其進也又可待於後而基自今者

曠翁與參先生八十壽叙

予往來衡湘間。未一上祝融峯頂。觀夜半海日。然祝融境界。則心壯之。予與衡山曠孝廉伯仲相友善。未一登堂拜尊甫與參先生。然時時慕仰先生風味。有如祝融之在衆峯中。聞先生負奇氣。早歲讀書屬文。聲譽藹鬱。旣小不稱意。則投筆硯。棄科舉。汲汲敦禮經師人師。模範兩孝廉。德配康孺人。亦併志壹心。黽勉承事先生年四十。孺人含志歿。兩孝廉猶未青其衿。先生破去尋常拘攣之見。四年不就宅兆以待之。誓不再娶以表之。豫訂同穴以成之。周孔名教。老莊曠達。先生嚴通並用如

此旣而兩孝廉果同充學宮秀士。又數年復同舉於鄉。爲名孝廉。今

詔書下擢用科目。疏滯及鋒行。且兩孝廉又同鵲起去。服綵懷印。爲邦家光。然先生性篤人倫。疎勢利。急宗族。鄉黨耽恬淡寂寞。視一切富貴貧賤泊如也。予觀日之初出。瞳瞳朧朧。經行千里。麗正午中。家之將興。蘊蘊隆隆。古香舊德。涵停春容。先生劬躬。肅後約取。厚施韓退之。謂衡山必有魁奇。忠信材德之民。正其人也。左曰蕃祉老壽箕。曰身其康強。子孫其逢吉。正其人也。今先生年八十矣。兩孝廉屬予製序。予不得辭。顧予文於先生如

吹劍首耳。何以侑先生觴。予聞先生猶健步。予期踟遍五嶽。今年請自衡。始今年秋高。葉脫雲淨。峯開決計。短衣芒屨。搜岫嶠山碑。訪李唐趙宋諸名賢軼事。往蹟是時。儻得登堂拜先生。并過岫嶠晶舍。邀岫嶠散人同攀先生杖屨。一上祝融峯頂。指初出之日。爲先生進觴。稱壽。知先生必滿引。連引狂喜不停手也。岫嶠散人者。先生再從弟庶常前輩古於文者也。岫嶠散人所自署銜也。岫嶠晶舍。自署其居也。兩孝廉一名聖元。一名聖魁也。

劉母唐太宜人八十壽序

仕宦顯榮。爲奕則會合賓嫗子姓。敝張樂吹酒食。以時節具嘉慶。奉起居。此世俗貴富家所誇以爲榮。而太宜人獲饗之。有似不偶者。太宜人婉孌柔恭。早歲歸先太翁。竹園文學。單微孤特。服勤作勞。務閭巷女子治生纖嗇之事。黽勉佐佑。先太翁得壹顓行志。稍稍勤施廣導。以茂德於躬。人亦歸重取則。翕然爲鄉井宗族主持。先太翁旣歿。太宜人承藉留遺。保攜厥子。用慈用威。如初不懈。有加。厥子以次充學宮。文武士厥孫士振最後出。亦躋躋輩行。肩名譽序。駸駸有聲。而武岡原隰廣衍沃。

肥畜產蕃碩士頗便安其自鄉貢於天子而升之禮部者或遠至十數年得一二人有司者第禮部所籍士以名上於天子則百十年間不聞一人當癸未甲申歲子主講席於邵州悼武岡人文鬱滯名業不彰數與官吏搢紳商所以宣洩之者而卒不驗至戊子太宜人仲子農部君廼獲鄉舉明年己丑來試禮部亦既得之以例去又明年辛卯

廷試成進士

特擢簡農部尚書郎是年冬

詔覃恩太宜人晉五品封被服祁祁又明年壬辰七月壽

八。裘。稱。觴。致。頌。禱。武。岡。人。咸。籍。籍。喜。相。賀。以。爲。盛。夫。
辰。部。連。收。科。第。去。民。咳。而。就。祿。仕。亦。不。必。世。之。所。稀。獨。
太。宜。人。俯。仰。一。家。前。後。窮。通。與。武。岡。運。會。相。爲。衰。旺。則。
兼。是。富。貴。康。寧。壽。考。之。福。固。重。繫。風。教。而。非。區。區。得。意。
誇。耀。之。謂。矣。士。振。從。予。講。習。於。邵。州。農。部。就。
廷。試。館。子。京。邸。之。尺。五。堂。有。不。得。必。相。告。相。慰。有。所。喜。
則。亦。交。相。慶。及。是。壽。太。宜。人。農。部。請。序。於。予。謂。不。得。辭。
讓。因。書。以。識。之。

陳母成太夫人七十壽叙

代

皇帝御寓之初年。祁陽陳文肅公最先蒙眷注簡擢。內登政府。外秉節鉞。爲

天子之毗。諸侯之師。文章道德事功照耀海內。越十數年。

今兩湖制府中丞公。復繼文肅公而起。若韓忠獻之有忠彥。范文正之有忠宣。懿哉遠乎兩世股肱心膂。爲我

國家勲閥舊臣。天下莫不頌美甚盛。而綿受多福。尤集慶

於太夫人。太夫人文肅公之德配。而制府中丞公之壽

母也。早歲于歸。文肅公。龜勉佐佑。恪恭導迎。用能夙夜

奉祭祀。以光啟鐘鼎旗常。

某

謹按鵲巢小序云。鵲巢夫

人之德也。國君積行累功以致爵位。夫人起家而居有之。德可以配焉。說詩者又謂鵲巢之夫人。卽召公之配也。觀此則知文肅公之積累固至深至厚。而太夫人宜其有家。亦如鵲巢之夫人。其德足以配召公。又可信也矣。抑德盛者福必隆。文肅公勤勞出入。恩禮完全。太夫人遭際從容。祁祁冠帔。亦旣晉封受祉。備極安榮。及中丞公撫粵西。撫楚北。且奉

命節制兩湖。太夫人文駟雕軒。起居八座。往來就養煒煌。又卽在衡湘江漢間。半爲里社枌榆地。行部所到。皆子姓賓姻。以時節繞侍。具嘉慶兩湖尤榮之莫不美傳之。

某等夙稟制府中丞公儀憲。若木就架。金就釣。又側聞制府中丞公每謨猷入告。擘畫匡時。偶經太夫人神明指授。必洞中機宜。美陶桓公者。必推原陶母。美歐文忠者。必推原歐母。於太夫人益信。今夏五月。太夫人壽躋七袞。僉謀製錦。徵言以申慶祝。夫仕宦顯榮。舄奕與百歲期。願俱不必。世之所稀。獨太夫人強固精明。躬逢兩世。非常寵渥。與我

國家相爲維繫。則兼是富貴康寧壽考之福。固重關盛明母範。而非徒頌禱揚挖之謂矣。中丞公介弟及公子。俱濟美篤忠。服采宣力行。且疊膺

簡界一門之光榮無量。卽太夫人之福壽無量。某豈能揚厲萬一。謹率同官叙其梗槩云爾。

秦母劉太夫人七袞壽言

大方伯秦公作藩於楚。奠是南服。朝夕與大府同心。一德爲

宣風展義。苞湖絡湘。枚寧康靖。連歲民大飭會。年穀熟衍。廼乙巳夏。彌月不雨。方伯率寮吏。徧禱於羣望百靈。太夫人則潔除官署。禮拜誦經。日踰階屏。營求所以爲衆萬生民請命於天。而惟懼不得者。是歲雖旱。竟不爲災。衆萬生民聞之。僉相告語曰。太夫人休服於無數。其敬承有永哉。維昔學士公鴻文鉅學。負公輔重望。太夫人莊案恪勤。實能懋相厥德。佐佑勗躬。今以方伯迎養。

來吾楚。壽考起居顯榮。烏奕。尙爲吾民故。抑損歡娛。遇
災寅畏。吾民則何幸。蒙被方伯之仁。又獲太夫人之福
蔭乎。學士公者。壬申廷對。以第一人魁天下。後晉官侍
講學士。天下所稱鑑泉先生者也。然學士公抱能不施。
篤慶錫羨。萃聚覃延。太夫人厚德慈和。又克承迎祥祉。
拓光凝麻。以是方伯起家鼎貴。十數年來。剔歷中外。所
至寅清忠亮。著偉閎。宣令名爲。

帝心

簡在介弟太史最後出。亦掇高科。備侍從。承明著作。潤
色黼黻。蔚然國華。蓋學士公之德遠矣。而太夫人則親
見前後濟美篤忠。作述世家。麟鳳繞膝。尤天下所稀。而

今所僅見。顧乃富。彌儉。貴。彌勤。居華。膺盛麗。無敢康豫。
尚復。額禱。以同民患。齋祓。以畏天心。秉德。培元。葆純。養
福。宜其爲神明所歡喜。扶持。民人所飲食。必祝者也。是
歲八月之八日。爲太夫人七袞壽辰。衆萬生民。羣然欣
喜。懽愛。闐街。溢巷。若有不能自已於此心者。廷燦。忝通。
家子。乃作頌言。以抒下情。而通風諭。宣德義。而志忠愛。
焉。頌曰。

秣陵都府。吐納漢江。沐日浴月。鬱爲奇英。有美家慶。世
顯其光。其光世顯。疇總厥成。維太夫人。會福儲祥。曩佐
學士。爲世儒宗。文富理奧。武庫堅城。彤廷敷奏。用享大

眷注

有青文集
名伯仲伊呂物望堂堂。蘊德不懼。方伯篤生。體于粥于。廩廩趨庭。培成國器。詞苑廻翔。疊持使節。旱雨川航。簡畀屏翰。湖湘壤地千里。祿富秩崇。于蕃于宣。敬教勸農。上邕下汭。產阜民康。太夫人喜曰。篤不忘文。駟雕軒。就養煒煌。太史如箴。鼓宮應宮。蘇必有轍。朱不惟庠。競爽待采。接武夔龍。維太夫人際會攸同。履盛如未。倍矢恪恭。神明指授。壁畫在公。洞中領要。慈教彌彰。憫農念雨。黃髮祈禳。誓膏苗黍。庶起羸尪。維太夫人念切家邦。蒼赤託命。民歌壽域。簪笏繞侍。民歌熾昌。嗇以約已。益篤其慶。駢園夥頤。百祿穰穰。

善化少尹秦尉壽叙

古者簿尉皆所以貳令。而今之尉獨繁于簿。凡狴犴盜賊勾稽追捕之重。下至羣飲聚鬪。榜蒲倡優。巡邏摘發之細。一一典領於尉。故尉爲獨繁。而尉楚南者。則善化尤繁。善化與長沙俱附省會。而善化街衢洞啟。甲第文物相駢羅。貨賄糧幣相輻輳。水陸舟車相停泊。旗亭酒市相招邀。兩粵豫章冠蓋相門戶。以是姦宄豪猾。講張變幻。亦雜出其中。一遇大府會勘。慮囚湘以南。赭衣銀鑕。胥靡而至者。又寄滿囹圄。故善化尉之繁不可治。尤劇于他邑。官其地者。亦重且艱哉。若會稽如翁少尹秦

父臺負通敏魁岸之材。心古氣勇。又少從其先太翁作
宰。開原。歷署蓋州。寧遠州牧。諳練朝章國典。明悉四方
利弊。初謁選。卽發發楚南。委任所至。皆著能聲。後補善
化尉。旣數年。事無鉅細。無不綜覈微密。幹理斬斬。其
大令西安李侯。喜君息事寧人。一意倚爲輔車。君張其
萬目。侯挈其鴻綱。善化雖民庶地豐。乃帖然若一無所
事。今年三月之某日。爲君六袞令辰。邑人士高君治行
風義。有以康靖黎庶。裨補地方。咸謀躋堂稱祝。而徵言
於予。予不文謝焉。旣又念予主城南講席。數辱君過訪。
論心。驩然無間。而予今者旣去此。更不可無言以贈。乃

酌酒而祝之曰。君存心愛物。於人必有所濟者也。世或寄散秩以浮沉。或競趨走以迎合。君雖當牒訴旁午。咄嗟必中肯綮。雖當符檄催促。措注必中機宜。何其揚職而敬官也。我

國家計吏。上媲美成周。其薦揚拔擢。不拘資格。亦復兼叅漢制。如君之恪公勤民。卽大府監司。亦莫不偉君局幹。固將奏最優遷。百祿百福。是荷是總者。予與善化人士。且賡祝而未有止。茲六表稱慶。乃其權輿耳。因書之以侑君一觴。

竹翁歐陽君六十壽序

古經所謂爲人後而傳重受重者。蓋爲世其土。世其官。之朝言之也。後世沿文牽義。於重既無所居。於後卽無所繫。則亦徒存其爲人後之名而已矣。旣徒存其爲人後之名。則更有藉爲人後之名。以饜其所覲。而割腴潤瘠。涼薄所後若塗人。悖經汨彙。失而又失。廷燦嘗就儀禮所謂持重於大宗。降其小宗之文。而推衍之。知制有所降者。以當伸其制於所後者也。當伸其制於所後者。卽更當伸其孝養於所後者。又可知也。凡皆以重大宗也。然爲人後者率循俗。而默體此意於禮經所不言者。

誰乎、昔者見吾老友周初庵撰述竹翁歐陽先生六袞
壽言、知竹翁殆默體此意於禮經所不言者乎、詎菴健
戶却執潛心古籍、口無飾言、而於竹翁又中表親串、其
畧曰、曾見竹翁日釣於水矣、初尙戲之、戲其荒時堅坐、
苦學磻谿叟耳、旣而廉知竹翁所後之母氏劉孺人、性
嗜魚、而在沼者輒不愜、始知竹翁之取鮮流水、意在承
志也、凡其他求可以適母意者、蓋亦無不視此、以故劉
孺人安之若已出、其後棄養、竹翁猶以時節薦鮮、憑筵
哀慕、若感昌歎羊棗之盡然、傷懷者、吁、卽是已見竹翁
之質行、應經義、卽應古祝嘏之義矣、竹翁嗣子僕、早歲

從予受業、文藻卽拔出流輩、旋餽於米廩、貢於成均、令
且官醴陵司訓、籍學校弟子數百人、譏評文章、德藝蔚
然、祭酒主持其季、嗣某最後出、亦弱冠補弟子員、昨者
戊申之役、翁從弟神洲、又登賢書、充秋賦人、謂歐陽氏
固著望邵陵、而能以經籍儒術、興起門閥、如日方東者、
則又自翁始、翁會和無競、養晦自頤、不刻苦章句、而詩
書之澤自深、不釣取譽名、而任卹之誼倍篤、凡在振孤
周急、無非崇本茂倫、蓋孝友慈愛之誠、根於性而著於
事者、摯矣、庚戌夏四月、翁壽登七十、醴陵之搢紳耆宿
俊彥鴻生、將製錦效觴、祝先函書京師、徵言於予、且曰、

佳穀之獲必遲。貞松之晚彌翠。若翁之抱樸葆純。潛光篤祐。培家慶而迓天庥。誠

熙朝人中之瑞。不可無頌言者。廷燦敬復之曰。是固然矣。而不足以盡之也。夫竹翁之爲人。後見於詒菴所述者。則可延入矍相之射圃。而爲仲氏所不擯。可旁證淹中之十七篇。而爲鄭注賈疏所必採。是尤其卓卓大者。因據經義賡續表之。以見不獨用周官者有誤。卽後世之習用儀禮以爲常者。亦莫通於制作之本始。以承天道。以制人情。而翁惟其似之。是以張之。庶足爲翁之質行。應經義。卽應古祝嘏之義者。

謝蘊山同年再之任江南太守元唱並諸同志和
章叙

與君譚藝角詩於十丈軟紅中此昔夢也未幾君出守
鎮江予亦引疾歸湘介東華詩社遂盡付同盟中間諸
公又手壇坫騰踞臺省者既袞袞升沉如烟如海不可
一狀及是予以羸孱問四庫字走京補官而君自作郡
鎮江調揚州改宜國亦緣事例得來京引見於是夢中
人散爲二十年者而後乃今得暫聚於日下亦可念也
君旣入覲

天子

廉其詞臣方面垂問從容命仍發往江南以知府用君

亦踴躍其誠鏗鏘其辭作感恩紀事詩四章一時諸同志屬而和者懷舊賦別鼓宮應商聯爲大卷以寵榮君行夫江南稻稅再熟綿貢八蠶固昔人所誇張以爲甚盛者然汗粒寒絲皆民力也有地治者毋亦當撥其華而尋其根乎今

堯勤萬年於不倦。屢念財賦。半天下之區。闢儲積大計。乃仍還君江南。知其三典繁郡。肱折譽成。必能噢咻有道。釐剔有方者。而君先作詩見志。字字篤恭憤排。披腹瀝膽。貢獻琅玕。贈君詩者。亦申章教告。懋勉盡規。行者畏此簡書。居者勗茲古義。無非二雅卿士。詩人出送之道。

何其交孚一德思以承迓

天庥惠此南國於無斁乎。君昔出守鎮江。子叙之。及是諸同志又屬子叙之。君行矣。金焦北固平山青山之題咏。子未得受而卒業。異時江南有王褒其人者。爲君作中和樂職宣布詩。以歌詠齊氓忠愛。揚厲風教盛德。則又實政與名篇都爲一集。詎非極向者詩社之大觀與。子文藻不賸而志切紀載。將隨諸同志執筆以俟。

張母艾孺人八十壽叙

由朗江沂而上。夾岸屢屢屬者。嶧。獨者蜀。重甌者陳。其上嘗有雲霞仙氣。中間由谷注谿。由谿注川。礧礧廉利。怒沫鼓潮。大爲瀾。小爲淪。直爲徑者。則一帶綰結於辰谿。辰谿爲辰水所自出。其地山峻水駛。一郡秀靈之所蟠滙。風氣醇於太初。如未剖判。曩予每舟過之。輒以爲隩臯秘區。必有綿延世澤。禮則名門。爲外間聲華所不得銷鑠。後來澆俗。所不得濡染者。王子長夏予方閉關却埽。辰谿文彥耆英。以決科集會城者。僉敏門請曰。吾邑張氏家本樸茂。人篤典型。有庠塾師儒弦誦之風。無

里巷輕詆任俠之習，世世守先疇舊德，檢柙威儀，講習藝事。其長者成業發名，其少者循牆負劍，一門先後，崢嶸質重，氣厚皆自張太母。艾孺人慈祥端慤，有以服習漸漬，保合而培成之。孺人爲邑文學九疇翁之繼配，其來作室也，逮事君舅三十年，於堂上老人持齋信善，淨特室，誦佛經之誠，壹皆能曲得其意。嚮久之，益虔不懈，佐太翁則節衣縮食，服勤作勞，至於家益腴潤，紡績聲尙與誦讀聲相應和。舉四丈夫子，兼撫教前室二子，用慈用威，恩禮一體，俱獲蜚聲。虞庠或注名選籍，繞膝孫枝競秀，肄諳韜鈴，旣兩舉於鄉例，得晉官階，請封誥，其

他孫曾羅立補縣學郡學弟子員者又接踵趾錯也今年十月孺人壽躋八十吾儕將躋堂拜祝敢乞言於先生用佐嘏觴介眉壽予觀青史所載凡婦道之以奇節著者造物皆使之身際其艱行臻其極將以立倫樹則挽薄激積而遭遇必多不偶食報又或慳遲若孺人循人理之常處百事之順常者平也順者和也平和所以養福是故家慶駭頤咸萃於其躬者若符契焉抑又讀儀禮其經曰繼母如母其傳曰繼母何以如母繼母之配父同於因母也嘗紬繹經傳如母配父之義必其德足以正位乎內家人共頌嚴君又必其福足以培元錫

社而簪不衣單。祥不冰。剖門庭融融。安吉子姓奕奕蕃昌。如孺人之壽者。且寧誠豈偶然哉。誠豈偶然哉。予忝史氏。因撰次其畧。以復諸君爲孺人壽。亦使後來採風辰谿者。得有所觀覽焉。

黃君振南時文序

司馬子長之神奇變化。金正希獨得之以爲制義秘鑰。故其文無首無尾。但覺一段雲烟變滅。靈氣往來。不可注視。或謂正希耽禪定。其文心出沒恣肆。人莫能測所至。其有得於釋氏之空靈譎誕乎。吾則謂爲是言者。殆苦司馬子長之文之難學。而因託正希於虛無幽渺。以自遁。豈得謂能讀正希之文者哉。不能讀正希之文。又豈得謂能讀司馬子長之文哉。夫世固有顚顚肆力於一書。晨夕茹吐。至於饋不食。寢不寐。並無暇及其他。而主一貫萬。則百家騰躍。盡入環中。自不啻取左右而逢。

源窮上下而皆有獲者。氣沉則力無不舉。志壹則神無不周也。歸震川亦得力於史記者。傳聞震川一日將上公車。門弟子環侍。各執古文詞請業。震川皆不愜。最後得曾子固書魏鄭公傳後一篇。震川卽坐騾車中讀之。至數十百週。門弟子皆倦而欲卧。而震川讀之自若。然則震川之讀史記。不至於自得之不休。卽自得之愈不能休。從可推矣。後來欲學震川正希之文者。宜熟讀震川正希之文。更宜熟讀史記以神明默成於其故。又從可推矣。昔者吾友長沙黃君振南。工時文。於古大家名家。無不博觀約取。而尤有嗜金癖。乃日取正希文參和。

子長史記。危坐讀之。每讀一篇。至於數十百週。尚以爲未盡其妙。則飲藥一巨碗。氣愈益充。神愈益王。再讀之。再往復讀之。而子長之端倪消息。隱隱寄寓於正希文。有絕不相肖似。而實無不相肖似者。遂愈益漏現呈露於紙上。而口可得而名狀。手可得而指畫。窺君之用心於金。因以用心於子長。若不能以精誠致魂魄不止者。然君每拈題落筆。沉思獨往。則又主創不主因。於正希文未嘗有所襲蹈一字一句。而見其文之至者。乃莫不以爲正希復出。豈非得其神而不襲其貌。心知其意而並忘其詞耶。此君之文之所以難能也。君鄉舉後未幾。

殞逝。嗣君鳴至。是輯錄君文。請序。夫子言豈能爲君文。
重顧君之用心於斯文。既專且久。而於參同契。所謂千
週萬遍。陰符經。所謂三反晝夜者。君之志氣精神。又實
足與古人相副。則豈惟文之必傳哉。卽其篤學嗜古。味
衆人之所不能味。亦其卓然不可磨者矣。予與君同學。
目見君神勇堅定。心所折服。故書之以告後來讀君文
者。當知反求其本焉。

叙

自有明至於今。令甲之遭遇唐宋者。在人知尊制義。人知尊制義。則必宗經。宗經則必宗聖。未有循階而不躋堂者。未有由戶而不入室者。昔賢苦一閒未達制義。若論其極者。其視經視聖。則呼之與吸。共一息耳。然至較量杪忽。細入無倫。勢必味於衆人之所不味。使誦其文者。如含雪咀梅。吸風飲瀟。僅餘寒香清液之氣。沁入心脾。此亦難爲知子雲者。衡陽范研雲明府。以三晉名進士尹畿。赤望緊之地。又值符檄催促郵傳輻輳之時。明府從容指麾一縣。肅若無事。人皆謂其豁達精敏。才餘

於政矣。一日出制義若干首見示予得受而卒業見其縱心孤往脫去町畦有時滄然雲蒸一縷而遍六合有時澄然潭淨萬景而攝秋毫理足以鈞抉元始才足以驅役百城詞足以倒傾三峽氣足以辟易萬夫故每拈一題破空責有直自落落抒寫畧不束縛於體製格律以自拘窘可謂極文章之變態讀者驚若神工鬼斧矣。明府又工詩翰等身著作鏗鏘炳耀卽隨所至偶有題詠亦必原本山川破荒而出固皆光景斬新不主故常者況文章變化才人自有本性亦安能擁鼻作蠅聲受前人牢籠彈壓惟明府掉臂游行我用我法是以抱其

所業騰跼衆駿間。既干雲霄。排閭闔。聲施爛溢。猶不忍遽同羔鴈之棄。必自珍其先資。拜獻之言。此正較然不欲欺其素志者。或謂明府以周京羣雅之材。布漢代循良之治。實政著矣。文藝特其緒餘耳。然雲出於山而始雨。其山若因雨之降而輕。置雲之出。是飲水忘源。誦言忘味。又豈足與窺明府之制義哉。予於此道無能爲役。因譚諉元晏。幸得托名其末。乃叙而質之。

序

往歲辛未。清江楊清恪公。再開府湘中。廣羅才雋士。戰
藝於城南。予因得與吾友蔣君玉澗相識。是時玉澗與
衡山劉研莊。稱湘南二妙。研莊叩寂求音。空谷幽香。澹
而無際。玉澗則傲兀試席。深疾小言破道。不肯擁鼻作
凍蠅聲。每揮毫落紙。膽大於身。筆大於椽。聞其文之鏗
鏘者。若奏金石。以破蟋蟀之鳴。見其文之悍銳者。若堅
城勁敵。岸然拒於前。而不肯相折下。研莊以蘊藉勝。玉
澗以才力雄。獨奇一時。知言者謂研莊充其所至。他日
當肩隨文止宜壑。玉澗則逼真陶庵。卧子有若性成。非

阿好也。然玉澗曾抱瑰奇磊落嗜好。故與俗殊酸鹹。自成進士。得縣宰。後謂修文章於林府。徒壓牛腰耳。誓平章於宰割。徒方鑿柄耳。於是棄一官如涕唾。日坐陟思樓中。擁插架書數萬卷。含經討古。怡然有以自得。充然有以自樂。予壬辰歲至衡州。與之上下其議論。因觀其出處進退本末。吾幾無以測其所至。或謂玉澗必著書以自見於後。彼其研精經傳。綜覈子史。旁及天官河渠山川地里。若織紉者之析縷絲條。分博辨無暑刻暇。夫豈徒然。或又謂玉澗出入里巷。約車駟。減儼從。被服同書生。而創增士子學舍。補苴窮簷疾苦於人世。休戚若

衡石之低昂必調其平若一家一身之疾病痾瘵必洞
悉其本而窮治其末蓋目營指畫斷非無心於斯氏斯
民行將再出而思大有建白者而王澗則旣長逝矣嘉
慶元祀予再至衡州漠然無所向嗣子孝廉廷隴懼君
文散佚無收拾乃蒐集時藝四十首將付梓以行世謂
予必不可無言予久不見王澗讀其文之踔厲風發掀
雷抉電不可逼視則王澗昔者之眞面目也然此豈足
以盡吾王澗之志哉予悼畏友之不作而又幸其有文
有子乃序而歸之謂卽是已足以傳吾王澗矣

武岡曾氏譜叙

昔昌黎韓氏謂自孔子沒。羣弟子莫不有書。獨孟子師子思。子思師曾子。曾子之學。之傳。爲獨得聖人之宗者。故三子書並於孔子。而孝經與曾子問。又天地之性也。人之紀也。聖之心也。曾氏之蕃昌於天下。萬世與孔氏並永。與顏思孟三子俱崇也。誠哉。予會學於邵陽武岡。文學曾君模。頻就予商。推予愛其文筆雅潔。不類獨學無師友者。一日偕其宗人。以家譜乞叙。則譜自夏少康封子成烈於鄆。周靈王四年。莒甥易鄆。鄆世子巫遂去。鄆仕魯爲曾氏。是爲曾氏一世。歷黜四世。宗聖參五世。

元六世西七世以次遞傳至三十八世珪有洪立遷南
豐是爲南豐之曾氏其派別也珪傳三十九世綽以次
傳至四十五世賢有徙袁州者有徙廣州者有徙泉州
者亦派別也賢傳四十六世志貴以次傳至五十世泰
諭遷湖南新化泰諭傳五十一世延福延福傳五十二
世文昭乃遷武岡之石堰是爲武岡曾氏始遷祖蓋自
鄧世子巫至遷武岡之文昭凡二千二百幾十年歷世
凡五十二俱鑿鑿可譜予初閱亦疑之疑其太詳也謹
按周禮小史掌邦國之志奠繫世辨昭穆鄭注謂繫世
卽帝繫姓世本之屬而帝繫姓見大戴禮記世本十五

卷則史遷據之以作史記者。曾氏得姓在春秋初。其世
繫必達於小史可考。顧予於譜牒之學最疎。既不得據
帝繫姓與世本爲曾氏斯譜。檢校秦漢以前而行篋携
書最少。又不得據鄭夾漈之氏族畧爲曾氏斯譜。考證
唐宋而下。然予遂深信不疑。據譜直叙者。以曾氏大賢
之後。世有博士著籍於朝。奉祀於廟。知斯譜必所據者
確。而斷非同他族之漁獵殘膏賸燄。傳會不足徵也。明
矣。文學又謂別子爲祖。繼別爲宗。吾武岡石堰之曾。自
奉文昭公爲一世。而自節世子以下。至文昭公以上。遠
有端緒者。固不得數典而忘之。亦不敢喧遠而奪近。吾

譜不畧於遠而最詳於近。庶與廬陵歐氏眉山蘇氏斷
自可知始者。仍隱相契合。卓哉識也。惟文學有戒於他
譜之浮誇。欲並族之官階與行誼。俱畧而不書。有鑒於
他譜之枝蔓。卽支族有自武岡又徙西蜀。聯科名者。亦
分而未嘗合。夫分者尙可徐收。以待其合。而畧官階與
行誼。則予斷不以爲然。而文學亦遂轉圓如流。深以予
言爲然者。此皆未免謹嚴之過。要亦廩廩最崇闇淡。
而抑浮華。務自慊於心。不欺其志。將由篤實著爲輝光。
其族之迎庥衍慶。亦必有積於中。而大勃興於外。不可
掩抑者。此誠不愧大賢之裔之用心。而曾氏譜之所以

美備也。子故表而叙之。

叙建愛蓮池亭題額

是地週遭不百弓。然宋大儒手澤存焉。歲歲翻紅播綠。噪畫眉而唳鳬。一任仙根自開自落。誠不得與牡丹之愛等。今邵陽明府敷城賈侯。予年丈也。曩官城步時。每到是間。則必曰。此濂溪先生一瓣香也。盍復舊亭以寄仰止。聞者若爲不知而過之。旣侯移治邵陽。簿領填委。以次勾稽。其明年夏。廻踐盟息壤。卽凌波作亭。亭成舉酒。面面蒨蒨葳蕤。與迴風搖漾。俱收納欄干。憇其中而望。環其外者。遠莫能卽。無犀斷塵。始知光風霽月中。別有瓊島瑤洲。不必出人間而求海上矣。於時太守補

亭孟公祖嘉侯治古。載詠新詩。復醮筆題額。而屬廷燦
紀顛末。夫前賢精爽所依憑。既壽名於壤地。貫性於草
木。誠不以一亭削損。顧彌望清池翠蓋。風義攸闕。而待
片瓦於守土。竟急不暇。問其所急。問者又可知矣。侯古
心質。行爲政。知大體。故事事入手。一新。能緩所急。而急
所緩。大類如此。乃不獲辭而叙之。

吳石田詩叙

吾里石田吳先生。勤一世以清修。汲古至垂老無所遇。日苦吟空山。僅留詩幾卷而死。予未得睹石田全集。記曩者居憂多暇。時或造訪過從。見先生兀坐斗室。瑟縮纔比繭。而鬚髯戟張。與會颺舉。縱其古心高論。直隘六合而薄九霄。視人世一切窮通枯菀。泊如也。性獨嗜酒。酒罷仰長天。必有歎咏。以攄寫其抑塞礫礫。無聊不平之氣。以是奇思警。獨流播人口。一時誦者傳者。莫不貫耳發聾。如雷破鑿。今去先生之死十餘年矣。小阮舍中。悼石田遺草。飄零無收拾。乃集揀其精者百餘首。譌

諉元晏於子。牙讀石田百首詩。抗響幽邃而結體蒼堅。譬則澗泉壑松。自成濤籟。其神似武功長江東野玉川諸子者乎。若夫躋扳少陵堂奧。以自闡闢張橫。則又往往邈乎過之。此亦無待于言。而後人自共見者。獨念先生胸次磊明。性情堅定。雖當顛顛顛顛。羈栖委頓。亦罔不字泰神飛。灑然味外。于詩特寄耳。抑又思詩者元音清氣。造物所秘。惜不與人者。石田雖窮無所遇而死。而有詩卷留天地間。所謂窮于人不窮於天。窮於今不窮於後。石田其亦可以自慰吟魂矣。因書以質舍中。並質讀石田詩者。

陳恪勤公行狀

公姓陳氏諱鵬年字北溟又字滄洲先世籍隸江西廬陵自九世祖友德始遷湘潭六傳明經金臺以文章氣節著學者稱石邨先生無子子其弟德啓之子國學式穀爲後卽公父也母羅孕公夢入采雲吞月華將娩又夢大鳥挾青衣童子至已而異香滿室經日不散明經以青鳥兆祥也因公之生命名曰鵬九歲著蜻蛚賦卽驚其老宿吳逆竊據湖南全家避亂山中公讀書五年不出康熙甲子領鄉薦越七年成進士丙子初知浙江西安縣事卽焚辦香自誓曰自今伊始鵬年服官行政

有不若於天理不卽於人心者。明神殛之。西安賦籍。自
閩藩兵燹後。兼併者有田無糧。逃歸者又有糧無田。以
是鄉井幾成陷穽。疲民寧轉徙不還。公親履畝丈勘。豪
右無敢影射避就者。流亡始獲招安。烈婦徐。暴棺埋冤。
十年不雪。公案法收元凶。而禮褒烈婦。浙人演成鐵塔。
戲劇卽其事也。庚辰。總河張鵬翮奏。公負幹濟才。宜調
河工。而公名先以潔已愛民入制府薦牘中。旋移知淮
安府山陽縣事。乃上書於撫軍宋犖。其略曰。陳民所不
便。與已所欲爲者。願勿拘常格。犖韙其言。山陽本澤國。
賦額與水爲贏虧。水徙則額減。前令率酒寄居戶。或編

寄幼丁、趨里甲代輸足額。公至按實籍徵上。戶部以賦不及額急符下縣。公上言：「死不再生，逃未復業，山陽民始不困於誅求。一日霖潦將溢，河隄總河欲啓東岸閘洩西岸水。」公曰：「奈何以東岸七州縣爲魚乎？」請以身禱河，而隄身動搖，左右且離隄走。公山立不變色，取民籍沉之。水陡落五尺，不爲災。尋擢海州知州。

祖閱視河工，行幸江浙，時山左連歲災祲，公奉

日散賑，全活饑民數十萬。而寧陽縣官匿災不上聞。公請發鄒滕濟寧穀價三千兩繼之。將行，又請以寧陽視他州縣，免徵額賦，回

鑒召見公於濟寧州舟次。問所讀何書。所師何人。又命公賦詩。詩奏。明日

賜御書一軸。未幾。以公知江寧府事。是時天下初太平。無事。督撫務養尊收威。與府縣爲市。以故府縣吏亦重失上官意。如邱山。往往骫骳遷就。而公負性忠謹。期於直已行道。所至必問民疾苦。一意治荒剔蠹。棘棘不媿阿。及是赴江寧。則住宿海忠介祠。題詩見志。越日大閱民辭。立命役持檄。繫僧某來。僧某者。能勢得於制府。役以計誘之。而後至者也。至則立於庭。氣態頗驕蹇。公旋厲聲叱之。僧曰。無罪。卽出。民詞詰之。僧噤不能言。命筆之。

將立斃杖下。俄而制府果爲僧謝。公曰：知府初行法，奈何卽格於一僧？制府又謂罰鍰輸廟工，足抵罪矣。僧僅得脫死。蓋公下車之前一日，先肩輿微行。其一人不善輿，而善輿者徐白其去。農就輿之故，知僧人以勢奪其妻，逐其佃。官又不直其寃，而公陰教之訟於新。知府者也。龍江關吏橫索商船，前後使者率陰藉其爪牙漁獵以媒利。公按名鉤出，重法繩之。無倚勢阻撓者。常州知府某文致所部諸生吳廷立十數人於死，公與會勘，竟抑同官而伸士氣。吳始獲生。易名曰復，字曰念滄。乙酉下。

詔南巡制府阿三議益耗羨爲供張公堅持不可且日事
苟上聞得罪滋大制府怏怏寢其議然心則欲挾去公
矣未幾

車駕駐江寧行宮規制頗草創欲挾去之者卽藉是激怒
侍從左右陰以陷公

聖祖心知公不爲動會致政大學士張英來朝奏稱公賢而
織造使曹寅亦免冠叩頭爲公請良久至血被額階有
聲竟得解

詔限公以一日夜在鎮江口修築三步公隨一騎馳至江
口而江口水深溜急下石則捲浪去石不能根有估人

子坐木筏上。見公屏營間。前請曰。太守何爲者也。告之。故估人子則請爲之。緇筏疊石。層緇層疊。筏出水面有

車

駕臨江。益奇其才。卽命公督挽舟者北上。路經千里。又數遇震風凌雨。公從容行走。扈從如平時。入山東境。竟獲

溫

旨遣還。然非制府意。公又負氣不謝罪。制府愈益怒。遂劾其官。局於廟伺防甚峻。諸生俞養直會文武士大呼於市。請保清廉太守。一騎員出呵禁之不止。則懼之曰。卽擒治矣。養直卽挺身就擒。學使者方按試句容。入縣

生童譁然曰、讀書應試何爲也、是時禁禦公者愈嚴、餽問公者愈急、四民狂奔大叫、闐街溢巷、至有毀垣而入、羅拜樓下者、雖入旗駐防兵、亦相率醵錢具牛酒、願一見公顏色、公曰、若兵也、非民也、吾何德於若、則曰、不容我見包龍圖耶、好事者至繪爲圖、流傳道路間、見者往往披圖泣下、至於失聲、一夕按察司召公就勘、則百姓夾左右道、人人火一束薪、燭公去、復燭公歸、夜光如晝、後會勘淮上、江寧民從之、山陽民從之、雖海州西安民亦遠來從之、咸籲天呼冤、願相隨對簿、對簿日、山陽縣預柵鎖以格諸民、然諸民義心勇氣終不可禁奪、丙戌

二月獄成。先是公撤去江寧之南市樓爲鄉約講堂。制府卽以此劾公官。謂狹斜地不宜讀法。至是鍛鍊者卽坐以大不敬。宜棄市。然諸民不知也。其後聞有從寬免死之命。諸民乃同赴郡庭北向焚香呼

聖神天子萬歲萬歲。叩頭謝恩。其後

上以公學問甚優。命來京脩書。江寧閉十二城門阻公行。凡九日乃得就道。公脩書於南薰殿。旣二年。邵穆布總督兩江親見士民謳思不已。特疏上聞。戊子冬十月乃出。公補蘇州府知府。仍帶方輿書局自隨。公大書求通民情願聞已過八字於府治之門。時饑饉薦至。又疫癘流

行公救死扶傷、興廢舉墜、一一與民更始、未匝月、宿案填委三百件、勾稽盡空、一夕隱隱聞鬼互哭、比曉、則二小人血跡宛然戶外、旋命吳縣令窮治其事、偵知洞庭山豪陸某淫所私、因謀殺二幼子滅口、公一日突至其處、發屍沙中、二子面色如生、陸某與所私俱斃於獄、嘗舟行至唯亭鎮、見水面浮漚、不覺心動、移舟探其處、鉤出屍之縋石而下者、衆識爲旁村舟子、跡至其家、其妻語言不定、鞫于庭、男婦乃得伏法、博徒設闕室爲三窟、局誘良家子、公闖然入、破其室、擒其人、曲徑直達、如熟遊者、博徒乃聞風駭散、四十九年。

特旨署江寧布政司事。初公赴蘇州。往見制府噶禮。白事不跪。禮怒曰。知府生死在吾手。何敢爾。則曰。鵬年果有罪。雖幸賜寬假。寸心具有銖鉞。如其無罪。大道不可罔。人心不可欺也。徐步出。禮既銜公未發。中以河閘案未遂。至是又借承鞠吳縣令某虧空遲延。再落公職。是時公方會勘鎮江。卽嚴扃公於城隍廟。蘇州民奔赴從公者。一如江寧罷官時。而公帶修方與書適成。旣進呈禮。恐

上見書憐之。則未可得志。又羅織無端蜚語。必欲擠公於死。

一日

上御暢春園諭九卿曰噶禮撫拾陳鵬年虎丘詩又巧構釋文一篇證鵬年得民無君此何語也自古小人陷善類大率如此朕豈爲若輩欺耶五十二年大赦天下公被漸濯入京。

上召見於熱河行在屏左右使奏對薄暮入漏下三鼓始出旋命充武英殿修書總裁又三年丁酉夏

上幸熱河次昌平以公署霸昌道有盜銀鑛者詭稱貴戚近屬挾制官吏官吏莫敢誰何公收之送部按治而驛遞軍餉支給主者俱有羨扣公一不染指舊例昌平歲進瓜輦送熱河

上諭制府曰陳鵬年清廉官安辦此勅勿進其年十一月迎駕密雲從容垂問地方要務及河工利弊公一一奏陳悉中窾要

上頷其言屢爲色動又問而子幾人列科名對曰臣子七人無一登甲乙科者

上笑曰女不工請託耶今而子安在也奏曰在籍旣而嗚咽曰臣母年近八十矣

上曰以幼者侍母以長者來京如是行且對二十里已而復召公脩書武英殿明年四月奏二子樹芝樹萱至

上召見於澹寧居隨命內大臣考試傳

旨陳鵬年二子詩字俱好可隨伊父內廷行走又三年辛

丑四月

上諭

陳鵬年熟諳河工事務可同張鵬翮前赴河工凡公歷
縣二州一府二署藩司一署巡道一中間以閒秩領書
局者三官階頗淹滯不驟達偶達又齟齬不獲久於其
位甚至擠陷者欲速之死然公則官無大小遇無險夷
凡事皆較然不欺其心憫然不滓其節而

聖祖

知人之哲又過於神堯蓋至是愈益篤信公而將大用
公矣六月

詔留河工辦事七月河決武陟馬營口由長垣直注張秋

入海。

上命總河趙世顯與山東河南巡撫共塞之，公會議河上，久而不決。於是公奏黃河老隄岸決開八九里，大溜直趨決口者十之六，趨老河十之四。臣愚以爲宜於對岸廣武山下，廝引河一道，導溜南趨，再於決口稍東，逢灣取直，又廝引河一道，引溜東行三四里，仍折入正河，以殺其悍怒，乃可漸次堵塞。又河南工程例不動帑，撫臣設法捐修，其埽臺僅寬三四丈，埽圍僅寬二三丈，力單薄，不足砥溜合龍，不合龍，卽今年冬回空糧艘必阻滯，明春桃花汛發，重運亦必難行。伏乞迅發帑金，別遣大臣

董出入臣與河臣悉心估計用長椿大埽以資捍禦運道民生庶俱永賴先是

上已遣大臣授方略比奏至

聖祖大悅諭九卿曰陳鵬年所奏與朕若合符節爲嘉嘆者久之十一月召總河趙世顯來京師卽以公署總河事馬營口塞十二月公返清江行總河事劾去山東兗寧道河南管河道之不供職者薦監察御史陸師山盱通判張杓補其缺當是時河工廢弛旣久修防搶築徒文具每當伏秋水漲卽開所在閘壩以洩之而文華寺閘周橋大壩高堰滾水諸壩乃大爲淮陽田廬害公燭其

上以南工險要

弊凡草工石工及土木工俱務堅厚開壩非異常大漲不輕啓委員得人費少工倍而事以治其明年春正月馬營口塞復開二月公至武陟請於沁黃交滙對岸名王家溝者爲老黃河故道處再開引河一道分水由東南行會入滎澤正河馬營口隄工庶資鞏固旣而

命公速回清江防伏汛而河南河工專委撫臣無何總漕施世綸卒公又以河攝漕漕艘運丁數千人俱乏食相聚大譁公以便宜發河帑六萬兩餉運丁漕艘得銜尾過進然後入告

上曰陳鵬年擔當識量誠不愧古大臣矣。然馬營口久不塞。公自以受。

上知獨深居清江。每忽忽不樂。如已溺已饑。至是復請往塞之。乃齋沐十一日。至於滎澤。爲文禱河神。河水驟落八尺。請從官庄峪斯引河一道。

上可其奏。於是晝夜住宿河壩。蒙犯霜露。心籌口畫。而南工飛遞。又日數十至。事無鉅細。無不親自裁決。一日百慮。遂肌骨羸。百病交作矣。當公之初至河南也。南壩尾已潰。力疾與巡撫謀合之。南壩尾未合。而北壩尾復潰。至十月。南壩尾合。公獨力疾合北壩尾。北壩尾幾合。

復潰。公憂惶勞瘁。輾轉不支。嘆曰。力竭矣。病劇矣。可奈何。已而大集在工。効力文武官弁。及樁埽夫役。誓之曰。是役也。事成則諸君之力。不成則使者之罪。吾生吾死。卜於今日。發聲慷慨。泣下如雨。衆亦泣。莫能仰視。皆應聲曰。有不盡死力者。有如此河。公見衆萬奮心一力。遂覺病有起色。是夜五鼓。吟詩自慰。俄而聞

聖祖

崩。公方秉筆治官書。驚悸筆墮地。遂沉迷委頓。一晝夜始甦。乃伏地大哭曰。臣蒙

聖主

不殺之恩。以有今日。鼎湖可攀。臣願以身殉也。擗踊三日。淚盡見血。旣病且篤。居數日。復力疾強起。合北棚尾。

十二月己亥。俄而復潰。欽獻曰。吾數盡此矣。爲文禱河神。慟自責曰。來此已五閱月矣。北壩尾合而復開者四矣。成功無日。有一死而已。祭畢。病愈益篤。衆哀且憤。咸誓捐軀效死。用力用命。十一月二十一日。北壩尾竟合。世宗憲皇帝新卽位。嘉其勤勞。遣官至工所獎諭。後六日。實授河道總督。兼兵部侍郎。都察院右副都御史。公自知不起。具摺遣家人赴闕謝恩。並以病狀聞。卽傳旨。問病甚悉。復出念珠荷包玉硯眼鏡鼻煙壺各一。傳旨此俱。

先帝御物令其家人馳驛歸賜如見

先帝也。又以御史馬爾赤喀知醫使枉道河南治之。元年正月初五日彌留，命具湯沐，移榻正寢，北向坐，方口授遺表，家人齋捧。

御物飛騎至，公謝恩，啓摺見。

宸翰朱書，着實用心調理六字，撫膺良久。又其母曹迎養至淮，缺於見面，乃太息曰：「忠孝謂何？」端坐長吁而卒。公長軀虎項，鬚髯戟張，目光開閣如電，而胸有定識，定力不以富貴利祿毀譽欣戚動其心。慨然以澤不被於民，道不伸於已爲愧。其始受事清江也，舊例總河兼權關

稅主河工捐例。公獨上章力辭。曰。臣受河防重任。分宜
竭心一力。實不能兼理他務。請另委專司。以杜侵虧。而
裕帑課。而河南河工例。委巡撫。江南河工例。委總河。公
則不分畛域。再自請行。赴河南工所。至病於工所。死於
工所。而不悔。其清操亮節。勤事急民。卽道路童孺。負販
亦靡不津津稱道。感激樂爲之死。當修書京師時。歲就
除遣人市米。潞河米人。卽使自京師。何官所來。曰。自某
官所來。嘆曰。某官廉太守。廉太守。今尙市米爲食耶。歸
其使。並還其值。未幾。輦米至門。蓋愛民者。民亦愛之。雖
久。且不忘如此。公至性孝友。惇門內行。無間言者。於書

無不窺。凡天官何渠。兵農錢穀。星相卜筮。皆窮其原本。於書學。顏魯公尤善行草。世多藏之。以爲榮寶。於詩學。杜少陵得其揚抑頓挫沉鬱之故。宦蹟所至。喜崇獎德。義以彰風教。嘗表東海孝婦廟。建狄梁公祠。立陸績廉石。復劉蕡後人租徭。其廢置鎮江。日遊覽金焦瓜步海門之勝。出瘞鶴銘於江心。且爲之考。若忘其罷黜。怡然自得者。吾楚杜于皇。名在天下。旅殞金陵。公下車弔其文章。塋其冢墓。其居官嚴正。不可干以私。人亦無敢以私來謁者。而胸懷坦易。容與放衙之暇。休沐之餘。又未嘗不振拔寒賤。接引名流。往往賓客過從。談詩角藝。無

疏旦其在官輯宋金元明全詩若干卷、月令輯要若干卷、物類輯古略若干卷、韵府拾遺若干卷、同何焯纂分類字錦若干卷、自著古今體詩五十四卷、道榮堂文集八卷、喝月詞一卷、歷仕政略一卷、河工條約一卷、生康熙癸卯年十一月十三日、年六十一卒、公既歿、

世宗見公遺疏爲之愍悼、

詔曰、陳鵬年潔已奉公、實心爲國、因黃河衝決、自請前往堵築、寢食俱廢、風雨不辭、積勞成瘁、聞其家有老母、室如懸磬、此真鞠躬盡瘁、死而後已之臣、傳諭該撫、賜司庫銀二千兩、其母賜封典、陳鵬年給優諡、以一品蔭其

子予謚曰恪勤。子樹芝、樹萱。自武陟扶櫬至清江中州山左士民莫不路祭巷哭。初發南北壩尾官弁及居民夫役數萬人相率繞棺一哭，聲震郊原，河流嗚咽，可謂生榮死哀者矣。西安立祠於爛柯山，江寧合祀於海忠介祠。武陟立祠於郭外嘉應觀右，元配石繼配謝皆封一品夫人。側室王孺人子七。樹芝、樹萱、樹葵、樹著、樹萊、樹繁、樹萃俱歷官闕。孫曾蔚起。乾隆五十四年，公會孫在璧與廷燦相聚京師，出宋和所爲公家傳讀之，頗詳。密有法已而在璧以公行狀傷煩，屬廷燦剪裁成體。廷燦向交公季子鴻臚寺正卿樹蒼，聞公出入中外風節

順詳乃就原狀撮其大者具見公之事略首尾俾藏於家傳于後焉謹狀

劉經雪行狀

君旣沒之踰月。體齋陳檢討來自攸縣。一日與慎齋羅鴻臚暨廷燦三人。小聚於葉方伯坐上。檢討徐告曰。經雪死矣。三人者相與飲泣。無聲。黯然而別。其明年攸縣學者請述其師之行於予。予未識君面。然二十年神相交也。其忍辭君諱林青。字經雪。一字慕暉。居攸縣北江之南邨。學者因稱南邨先生。先世由永新浯塘來。族於攸。著望北門。爲北門劉氏。君又由北門奉母遷南邨者也。高祖學。春明神廟時考授經歷。辭官歸里。養親樂志。曾祖儼。升未仕。祖光諫。以孝義聞。茶陵彭大司馬爲立

傳考應洵邑廩生。文行並茂。妣譚氏。生妣李氏。祖父兩
世事蹟俱詳郡縣志。又採入湖南省通志。君稟受岸異。
材性絕人。好讀古今傳子史。目光十數行。並下落筆有
神。自爲童子時。戰文則魁其曹。淮南阮裴園學使大校
士。湘中以國士目君。署名第一。品藻亦與湘潭羅鴻臚
等兩人聲名。旣一日齊出。又志同氣合。無間。其後鴻臚
鵲起於朝。取友遍天下。然歷數十寒暑。愈益慕重君之
學。行心相許。與往復不忘。君奉母居南邨。後又或徙宅
就城市。取藥餌供甘脆。求可以適母意。母沒。居中門外。
不御酒肉。不脫麻衣經帶。攸人始復見古經喪禮足跡。

不輕出門。聞彭大司馬學貫天人。又家多藏書。嘗一再至茶陵。借牡簫縱觀四部卷軸。講疑析道。遂豁然撒去。墻壁崖岸。會合本源。了無滯礙。大司馬數謂君真吾老友也。乾隆庚寅秋。寄書走四千里。至京師。與廷燦論學。廷燦讀其書。又攜就陳檢討館寓共讀。檢討曰。經雪古心。自鞭吾畏友益友。平生一人而已矣。憾子不面其人耳。廷燦答書數百言。君亦莫逆於心。初不以爲不然。性厚倫理。重然諾。必盡其誠。尤成就後進甚夥。及門高弟。選拔余世本言。湘中學有宗旨。行有本末。可師法先生其一也。於六經尤有心得。隨日劄記。每積寸許。輒燒去。

存者無幾。嘗言古人戒好著書。不特悔其少作。教學者無忘斯語。君以攸縣學廩生貢成均。生於康熙癸巳正月十三日。以乾隆壬寅正月十三日下堂傷足。越六日。痰作。啜卮酒。含笑而逝。娶蔡氏。妾歐陽氏。生子大建。王氏生女適龍綬。顏氏生女許配國學生劉世元。第三子大建先君卒。長孫起枝十九歲夭。娶賀氏女。明義。矢節能奉君養。次孫成枝承重服。又次孫順枝。初光諫生。二子次卽應洵。長曰應灝。有子林榮。林榮之子大魁。無後。君念自祖光諫下。四世丁單。乃命順枝爲大魁後。蓋成枝爲繼禰之小宗。順枝爲繼祖之小宗。皆君志也。廷燦

人行鄉飲酒禮。鄉人隆推大賓。莫不加敬愛。初學使乘
輜軒出。務苛供張。以自潤。君在閩。不肯豪華。侵有司。湖
北卷價合數千兩。舊填學使私橐。君獨閣貯在公。惟恐
浼及君。家居推予人。又人人得其所。請歡出意外。葛氏
世遠不可譜。自登禹公。生君高。大父諱天錫。曾大父諱
忠孝。贈儒林郎。大父諱鳳翔。邑增廣生員。工文翰。宜達
而滯。誥授奉直大夫。父諱儁。性喜推解。行載邑志。誥授
中憲大夫。母某氏。封恭人。世父某。亦以君貴。賜封如其
官。妻馬氏。邑庠生諱謙異女。封恭人。先君卒。孫文定公
嘉淦銘其墓。子二。朝陽丙辰舉人。任忻州學正。浙江常

山縣知縣元陽邑庠生先君歿女一適崔龍光貴州貴
筑縣縣丞孫男三孫女七君以乾隆三十六年十月廿
四日卒年七十一某年月日葬君於某岡朝陽使來請
銘予與君同年進士廼按狀次之銘曰
儉於取進豐於篤倫厥用未竟而出處完明最迹鑽石
以留其嗣人

孝廉黃華川墓誌銘

嗚呼士廢日力役於舉子業亟亟趨時赴變求合有司
尺度至於摧折踣頓猶不肯已其幸者偶一合有司尺
度得自鄉貢名禮部禮部籍試之卽不幸不得猶得注
籍吏部以縣官學博待銓選而又疾病疫癘之無常康
強壽考之不可必至於中道短折展轉彌留猶諄諄舉
愛子屬人若惟恐後來爲之者之或不工其術以爲必
師某某者卽如吾卽不師某某者卽不如吾噫其篤於
文也已黃生敏功從予講習於漉江書院予懼末學離
真失僞教學者以澄澈心源解脫纏縛思人之所以爲

人思學之所以爲學。其有主於內也。譬入海者。貴得元珠。其漸融於外也。若消冰之得夏日。而文在其中矣。然不信者。以予言爲迂濶也。其信之者。則又以予言爲求工文字之捷徑也。是二說者。淺深固皆無當。雖黃生亦然。然充其質。勿懈。可進於道。而工於文者。已而黃生狀其父之行實。請予銘幽其狀。曰。生父性寬平。於父母無不承順。於兄弟篤好。相切劘如師友。早歲泛濫涉獵。兼工書畫。然非其好也。壹意學爲八股文。補博士弟子員。試必魁其曹。旣廩於庠。名譽日起。然在舉場數戰數退。乾隆庚辰。乃以第二人舉於鄉。兩赴禮部試。又不第。丙

戊己丑歲。疏通乙科選格。士之舉於鄉者。半得官去。生父以體氣羸弱。獨杜門養疾於家。不得預其在家。毛髮絲粟。經紀秩如。遠近學子請業者。俱有聞有立。旣九年。竟不起。以乾隆壬辰年二月二十六日歿。畢君光祖者。生父同年友也。兩人志學甚相得。是時畢官醴陵縣教諭。又以內憂主講漉江書院。生父命小子敏功曰。吾死汝當學於畢。汝其以父事之。今畢補官遠去。敏功不得追從。然聲琅琅在耳。敏功猶時時泣志之。不敢忘。其平生所業文字。多散佚。無收拾者。敢請吾師一言。圖不朽。嗟乎。士之不爲舉子業。與爲其業而不精其術。精其術。

而不投於時。俱可以自咎。君一一反是。而其效止於此。鮮有不悔而改圖者。而君又望其子爲之。而且望其爲之。之得師以庶幾盡善。噫。若君者。其篤於文也已矣。君諱大年。字象椿。號華川。醴陵人。祖茂省。由福建省入籍醴陵。父鳳山。例贈文林郎。母某氏。例贈孺人。子四人。長敏。開次敏。功。卽從子於漉江者。次敏。發。早天。次敏。達。女子子三人。君生康熙壬寅年九月十八日。年五十有一。以乾隆三十九年十月二十七日。葬君於箭竹山。銘曰。孰控之起。孰擠之止。衆萬之生。若驟若馳。叶耻搏沙成質。解散則已。君於其間。勤而無所。叶洗有崇者。封神還。

太始抑猶有子君其不死

勅封

文林郎原任安徽宿松縣知縣黃君秋水墓誌銘

君姓黃氏名堂字雨稼號秋水世籍江西之瀘溪縣居翁源世有隱德父樸庵公年垂五十五始舉君最憐愛之不使出就外傳卽口授四子五經書卽成誦或聞外間講論卽通曉大義時文以意爲之自有法度於時人咸以君方江夏黃童云學使拔君於童子隊中置第一刻其詩古時藝懸爲國門程式自是試必魁曹伍閱丙子舉於鄉辛巳恩科念親老不欲上公車父促之行乃成進士名在第七廣昌詩人何在田鶴年君執友也方自京師就館穀於天津時預約君同棹南歸及君俶裝

至天津而在田病矣。君艤舟不發，爲之視眠食，延醫藥，
彌月不懈。及病革，視含殮必謹，躬哭泣甚哀。已乃經紀
其旅櫬而歸，還其家。西江太史饒霽南學曙、蔣心餘、士
銓咸以爲一死一生，乃見交情如君者，真能明朋友一
倫於天下者也。樸庵公則迎而喜曰：「吾初遲子南歸，以
爲不應久留滯，乃爾而不知子之能不負死友於南北
舟車間也。吾不孤所望矣。」君侍父養甚孝，謹至耄耄，篤
老愈益，曲盡父性。方嚴君宛宛孺子狀，未嘗一日不得
其歡也。有所欲推予，君息息無間，形聲亦未嘗一事不
如其志也。父年九十三而歿，君哀毀不欲生，服闕後始

謁選得安徽之宿松令邑故難治又苞苴盛行君洗手
敬職有石吳二姓者互爭兆域以貲財角勝至久不決
君秉赤心勘定其訟立解收猪奴有縱猪踐田穀者農
民劉某持鎗捍之誤傷及某足某足創既平復旋死於
夙疾而黠者嗾以死於鎗控前令將論抵矣君廉其冤
狀並追取藥師醫方爲確証某得更生邑西界黃梅黃
梅弋獲流匪令嚴鞠之知在原籍宿松犯竊案卽以獲
鄰省逸盜報大吏大吏下其事於縣縣吏請補報盜君
曰黃梅自盜吾邑自竊而獨不省事主原狀止於穴壁
乎計贓在一兩以上將陷之大辟吾實不能大吏又謂

君不補報盜部議必不利於君君謝曰將行一不義殺一不辜以求保全一縣令非狂惑喪心卽神鬼奪魄耳某自束髮讀孔孟書宿留胷中旣數十年誠不能一旦鉤吐而棄之地也卒以此望吏議君有強立之志有廉靜之守有剗割之才然君不苟隨而上官不能直其不苟隨上官能用拯而君不能強其必用拯君之所以不得展其職也君博聞強記早貫穿經史旁及音律星命醫卜諸書而性冲恬於人世一切窮通得喪泊如也旣罷官歸來意氣閑遠嘗時諷誦不輟有終焉之志惟夙負文望遠近學子請業請益名公巨卿逢迎者惟恐或

失在粵東主信州惠州講席、在江西一主撫州講席、最
後江西撫軍藩伯延主省城友教書院、先後成就人才
甚衆、士之聞所聞以有立者、不問而知其爲君弟子也、
著詩古十餘卷、門弟子請鐫以行世、君嫌自炫、不許藏
於家、君生於雍正庚戌七月初四日、卒於乾隆乙卯五
月初八日、年六十有六、配鄭孺人、先十二年歿、側室程
氏、子二人、長錯、乾隆己亥恩科舉人、鄭孺人出、次鈞、郡
庠生、程氏出、女三人、孫男四人、潤、曾、浩、曾、衍、曾、錯、出、沒、
曾、鈞、出、子、與、君、爲、同年友、契、君、嗜、古、工、文、而、不、獲、盡、其、
用、又、舊、識、錯、於、京、師、錯、能、世、君、之、學者、及、是、君、將、就、窀

容錯先期來請銘予不獲辭讓因據狀識之銘曰
學之與治古一近判所養所用截分界斷君抱方施其
志在合隻輪方轂衆口交雜舉棄道旁騏驥孰膠良樂
不遇嗜殊酸鹹退修初服傳經足娛滋畹樹晦德馨不
孤其仕雖蹶其道則貞習坎出坎有孚心亨隆封特起
口相告語澤在桐鄉學傳舊侶

劉母談孺人墓誌銘

孺人姓談氏，長沙名族處士越千君女。年二十一，來嬪於東潭太學劉府君。逮事君舅，君姑暨王舅，少善病，雖稱水量藥，凡棗栗餽蜜兔菰滸瀼之味，必手調以進，能得君舅君姑歡心。東潭府君御家嚴急，遇拂意事，或色然怒，孺人則巽志婉承，順事消息，以故親串間自期功至。總服袒免，俱未嘗有違言。子一玉，檢東潭府君勤劬，鏃礪必令其以文學顯。孺人則蟹筐蠶績，短檠佐讀。玉檢因益肆其力於學，常以節齋隆其門閭，以裁割周其匱急，以詩禮嬪其孫曾，以仁慈惠其戚族。懿哉母範也。

先是越千處士乏嗣續東潭府君時入幕代籌家政處士倚其材將付以家而老焉東潭持不可孺人則請於父曰選於談以後談正也至今談祀延焉予讀射義見與爲人後者與賁軍之將亡國之大夫同損於矧圃鄭注訓與爲音言既有爲者而徃肯之是貪財也然俗之哀至有創爲應繼愛繼實人無一肯繼富室或有二繼而壻挾女子子分財雖異姓尤無不以爲愛繼應繼者悖經喪葬惟利是視於大宗小宗之義復何有卓哉母識獨正色以正談氏大義也饒禮齊真杖期章曰女子子適人者爲昆弟之爲父後者傳曰爲昆弟之爲父後

者何以亦期也。婦人雖在外必有歸宗曰小宗故服期也是則嫁女於昆弟之爲父後者重著於經矣。然經止言其常而孺人於談氏無昆弟之爲父後者乃更通其變其識尤暗應經義能得聖經之所不言者矣。孺人生於康熙癸未歿於乾隆丁酉壽七十有五以庚子歲卜葬荷葉塘之山陽子一玉檢國學生孫六錫寶丁酉科舉人官邵陽縣儒學教諭錫爵錫韓縣學庠生曾孫十五元孫一玉檢早歲與子友善每上下其議論莫逆於心吾子永賢又與丁酉副車忝年誼及是甲寅孺人既葬十五年矣玉檢來請予追銘幽宮予按孺人狀皆中

不
銘法乃銘之曰

若古有訓母儀一善事尊嫜忘厥疾高張絃急調寶瑟
甕益分糧鄰烟出夜促鐙火攤卷帙汲古功深井收繡
薄俗鑽利如蠶蟲孝思懼得不酬失大義扶倫見尹姑
青山崇岡屈蟠吉刻辭貞石無訛筆母德世光照太乙

戴東原事畧

君名震字東原姓戴氏休寧之隆阜人少家貧無以親師友亦不喜隨人治世俗學聞孔子定六經示後人求其一經讀之茫茫然無覺悟尋思既久乃自計曰經之至者道也所以明道者其辭也所以成辭者其字也由字以通其辭由辭以通其道必有漸於是攷諸篆書得許氏說文解字三年知其節目漸觀古聖人制作本始更念爾雅爲承學治古文者津筏又殫心其書屢淹星鳥然後從友人假十三經注疏朝夕諷誦旁推交勘讀之則盡得其古畫古義古音聲古度數名物直聳然躋

身○於○羸○劉○周○末○與○諸○經○師○儒○宿○相○語○言○譬○欬○於○一○堂○有○
一○字○不○準○六○書○一○字○解○不○通○貫○羣○經○卽○無○稽○者○不○信○不○
信○者○必○反○復○叅○證○而○後○卽○安○以○故○胸○中○所○得○皆○破○出○傳○
注○重○圍○不○爲○岐○旁○駢○枝○所○惑○而○壹○稟○古○經○以○求○歸○至○是○
符○契○真○源○使○見○者○聞○者○洒○然○回○視○易○聽○步○算○家○測○北○極○
兼○測○黃○道○極○也○則○據○周○髀○經○證○之○曰○黃○道○極○者○卽○周○髀○
之○北○極○璇○機○也○璇○機○今○尙○書○作○璿○璣○伏○生○大○傳○及○隨○書○
所○引○並○作○璇○機○璇○取○旋○運○之○義○機○取○樞○機○之○義○惟○正○北○
極○居○中○不○動○黃○道○極○環○繞○其○外○四○周○旋○運○凡○日○夜○半○在○
正○北○極○下○位○子○出○卯○在○正○北○極○左○加○午○在○正○北○極○上○入○

西在正北極右。此璇機之一日四游所極也。冬至夜半起正北子位。晝夜一周而又過一度。漸進至四外環周之一位。正卯則春分。又漸進爲夏至夜半。位正午。又漸進爲秋分夜半。位正酉。此璇機之一歲四游所極也。璇機所建。卽十有二月建之本。與日躔黃道發南歛北相應。因其璇運不已。故周髀以北極璇機名之。日月五星之右旋也。儒者又疑右旋爲逆。君則正之曰。黃道爲日星右旋之天周。不惟日循之而南北發歛以成寒暑。列宿部星亦循之。而古今推移。右旋者。日月五星列宿旋轉之實也。論南北。不論東西。左旋者。爲大氣所運。遂成

東出西沒之象。論東西。不論南北。雖名以左右。而非一順一逆。知南北與東西殊致。則無疑於日月星實右旋矣。又就晉書蟻行磨石之喻。推論日行黃道南北。其象顯然。周禮大司徒土圭之法。君論其義曰。日南日北。猶堯典之度南交。度朔方也。日東日西。猶堯典之度嵎夷。度西也。日南景短。日北景長。取中而得。尺有五寸。以是求南北之中。日東景夕。日西景朝。時刻蓋移。取中加時。以是求東西之中。所謂測土深。以南北言。聖人南面而治。古宮室皆南嚮。故南北爲深。表景之短長。卽南北之遠近。必測而後得。故曰測土深也。正日景則以東西言。

自東至西環地面各有子午卯酉。東方日中景正。西方
尙在午前而爲景朝。西方日中景正。東方已過午後而
爲景夕。以率率之。去一次則差一時。地與天恆相應也。
東西相差若干時。半之則爲地中與東西所差之時。是
則地中景正而東方景夕。西方景朝。必正其日中之景。
以審時之相差。故曰正日景也。是二者一爲南北里差。
一爲東西里差。前古測之極詳。猶今之測北極高下也。
凡寒暑進退。晝夜永短。隨地不同。必悉測之。而後偏中
可知。分至啟閉可定也。又嘗言周禮太馭右祭兩軹。祭
軌。鄭注曰。故書軹爲軒。杜子春云。軒當爲軹。軹謂兩轉

也。則注改經之軻爲軌。既與轎內之軻二名無別。又釋
軻爲韡。韡與軻亦若二制無別者。禮記少儀祭左右軌。
范鄭注曰。周禮大馭祭兩軻。祭軌乃飲軌。與軻於車同。
謂韡頭也。則注既不辨經文軌字卽軻字之誤。又徒溷
軌於軻。軻既誤釋爲韡。軌亦因之誤釋爲韡者。若濟盈
不濡軌之軌。毛詩故訓傳由軻以上爲軌。依毛傳意則
宜讀犯此。又注之溷軌於軻。且聲從軌而義從軻者。數
字如治絲而棼。不可究詰。今宜還軻於轂。軻轂末也。還
軻於轎內。軻車輪也。辨軌字之誤於少儀。軌車轍。不得
謬訓韡頭也。正韡爲軸末。於軻與軌無關。正軌爲式前。

更於軌不合。辨其名。詳其制。乃可正交錯繆說。有苦考
工記難讀者。則刪取鄭注。而自定爲補注。更繫之圖。其
正軹崇三尺之軹。當爲軹。車人徹廣六尺之六。當爲八。
弓人膠三銚之銚。當爲銚。皆經文傳誤。漢儒已莫能是
正者。其訓軹。通前後左右材皆爲軹。以軹象地方也。訓
軹人之任。正卽軹。爲下當兔圍發意。衡任卽軸。爲下軸
圍發意。訓銚銚之數。以銚之假借字作垓。銚之假借字。
史記作率。漢書作選。伏生大傳作饌。其數大小不同。未
可如鄭注之合爲一數也。訓桃氏設其後之設。宜與設
其旋設其羽同義。不得獨訓爲大。訓鍾之鉦間。記雖無

明文然鐘自銍至鉦自鉦至舞欽綱以二準諸句股法。銍間八鉦間亦八。是謂鐘長十六也。若舞乃其上覆其修六廣四。蓋舉鐘美之度。不得援合以湊鐘長之數。鄭謂鉦間六合鼓間六。與舞廣四爲十六者。殆未審也。辨明堂五室十二堂。故曰明堂。月令中央太室正室也。一室而四堂。青陽明堂總章元堂是也。四隅之室夾室也。四室而入堂。則青陽明堂總章元堂各具左夾右夾左个右个是也。凡夾室之前堂。或謂之箱。或謂之个。左傳昭四年使寘饋於个。杜注个東西箱。是箱得通稱个。亦或隨左右夾而稱之爲北堂東堂南堂西堂。故曰八堂。

要皆兩旁之名也。古者宮室前堂後室有夾有个有房。惟南嚮一面明堂則四面闔達亦前堂後室有夾有个而無房。房者婦人在房明堂非婦人所得至故無房宜也。此又治經者循習鄭注千餘年來未有如此明辨以析者。六書之說雜然岐出而轉注考老人尤不解猥云考字左回老字右轉別舉側山爲阜反人爲匕以象形之變轉者當之。而徐鉉鄭樵又謂祖考之考古銘識通用𠂔於𠂔之本訓轉其義而加老則以諧聲之聲義兩近者當之。至蕭楚張有諸人繆以轉聲爲轉注雖顧炎武亦不深省竟援說文假借舉令長字乃移而屬之轉

注也。君則謂說文老從人毛。毛言鬚髮變白也。考從老省。𠂔聲。二字本一屬會意。一屬諧聲。而說文又引以證轉注者。則會意諧聲其體。而轉注乃其用也。轉注之云。猶曰互訓云爾。說文於考字訓老。於老字訓考。轉相爲注。是以叙中論轉注。又舉此二字以實之也。大致造字之始。無所憑依。惟事與形兩大端而已。指其事之實。一二上下是也。象其形之大。日月水火是也。文字旣立。則聲寄於字。而字有可調之聲。意寄於字。而字有可通之意。是又文字之兩大端也。因而博衍之。取乎聲諧曰諧聲。聲不諧而會合其意曰會意。四者書之體止此矣。由

是之於用。有數字共一用者。如初哉首基皆爲始。邛吾
台子皆爲我。其義轉相爲注。有一字具數用者。依於義
以引伸。依于聲而旁寄。假此以施於彼。曰假借。所以用
文字者。又其兩大端也。君論六書。華乳次第。皆自然而
精覈如此。宋元以來。論反切之學。俱稱釋神珙。傳西域
三十六字母於中土。君則謂反切之法。起於孫叔然。叔
然受學康成之門人。稱東州大儒者也。崇文總目叙曰。
孫炎始作字音。深寧叟曰。倉頡制字。孫炎作音。沈約撰
韻。此唐宋人論反切字。咸溯源叔然也。若珙之反紐圖。
惟五音聲論。列字四十。而不曰字母。今所傳三十六字。

母乃定于釋守溫。又在珙後者也。嘗詳珙之自叙曰。昔梁沈約創立紐字之圖。是珙圖遠在沈休文後。叙內又及元和韻譜。是珙更後乎元和。何釋氏之徒。旣移反切之法於珙。又移珙於四三百載之前。冒入北魏。欲追而上之。休文以欺惑後世。而儒者數典自忘。亦且筆之於書。併口一談也。君又謂水經注四十卷。崇文總目云亡者五卷。後人因加割裂。以傳合四十卷之數。如注文江水。又東逕巫縣故城南。注訛列爲經。遂與前經文又東過巫縣南。割分異卷。凡經例云過。注例云逕。凡經立文。首云某水所出。已下不複舉。而注內詳及所納羣川。加

以採摭故實。則水名不得不更端再見。又經文叙次。所過郡縣。如云。又東過某縣之類。一語實賅一縣。而注則必沿溯縣西。以終於東。詳記所逕委曲。又經摭當時縣治。至善長作注時。縣邑流移。是以多稱故城。經則無稱故城者。以是數者推之。經與注。涵殺甚夥。而尋求端末。乃可各歸條貫。蓋君之訂正訛舛。卽水經一書。亦實從來所未發者。君修幹軒偉。強識鋒辨。要其著書。取理道顯白。未嘗過騁議論。以排擊前人。嘗謂淹博難識。斷難精密。難于天官地志。句股音韻之學。靡不悉心鑽研。貫宗勾極。嘗自言治經者。不知恒星七政。所以運行。則誦

堯典數行。卽掩卷不能卒業。不知古今地里沿革。則禹貢職方。失其處所。不知古音。徒疆以協韻。則誦二南。自關雎而往。俱齟齬失讀。不知古者宮室衣服等制。則誦古經士冠禮。卽迷於向方。莫辨其用。不知少廣旁要。則考工之器。不能因文而推其制。不知鳥獸蟲魚草木之狀。類名號。則比興之意。乖而諷詠之指趣失矣。又戒鑒空立論。謂趙宋而降。去聖久遠。學者多習所見聞。喜談虛無性命。未免蔽以異趣。乃原本經旨。推究天人之道。陰陽善惡之理。作原善三篇。自明祈禱。乾隆壬午舉於鄉。癸巳。

詔開四庫全書館，必得如劉向、楊雄其人者司讐校。君用諸城劉文正公薦入館，克校理。又明年乙未，與會試中式者同赴。

廷對，游升翰林。又明年丁酉，以勤於職業，病不復起。卒，年五十有六。時五月二十六日也。其在館校定水經注、五經算術、孫子算經等書，官爲板行。所自著書：毛詩補傳若干卷、攷工記圖二卷、爾雅文字攷若干卷、孟子字義疏證若干卷、續天文畧三卷、六書論三卷、聲韻攷一卷、聲類表九卷、方言疏證十三卷、屈原賦若干卷、原善三卷、原象一卷、文集十卷。初，君與其同郡鄉先生江慎修

永相講貫友善。慎修碩學者儒著述甚富。然勤一世於山巖屋壁間。竟無所遇。以老死。若君者。遭際稽古右文之盛。得出所學於承明著作之廷。不待後世復有子雲。既聲譽隆隆滿天下。而又不永其年齡。以大抒其所蓄。天之生斯人。而奮興於斯學也。遂如是止乎。君既死。遺文零落無所收拾。其後曲阜孔君繼涵取其書校付剞劂。稍稍流布海內。海內既注仰孔君之表章嗜學而又幸君之死而不死。以爲潛心大業其顯晦升沉之際。乃有如是之感召默成也。君感愴慎修死爲作事畧狀。廷燦未識君面。而喜讀君書。後君之死十有二年來京師。

從士大夫之後。日聞君之學。與君之人。恐久就墜逸。因叙次其事畧。以待史館採擇焉。謹狀。

附紀大宗伯曉嵐先生札

昀啟存。吾太史閣下承示戴東原事畧。具見表章古學之深心。所舉著書大旨。亦具得作者本意。惟中有一條畧須商榷。東原與昀交二十餘年。主昀家前後幾十年。凡所撰錄。不以昀爲舛陋。頗相證質。無不犁然有當於心者。獨聲韻考一編。東原計昀必異論。竟不謀而付刻。刻成。昀乃見之。遂爲平生之遺憾。蓋東原研究古義。務求精核。于諸家無所偏主。其堅持成

見者。則在不使西國之學勝中國。不使後人之學勝古人。故於等韻之學。以孫炎反切爲鼻祖。而排斥神珙反紐爲元和以後之說。夫神珙爲元和中人。固無疑義。然隋書經籍志。明載梵書以十四字貫一切音。漢明帝時。與佛經同入中國。實在孫炎以前百餘年。且志爲唐人所撰。遠有端緒。非宋以後臆揣者比。安得以等韻之學歸諸神珙。反謂爲孫炎之末派旁支哉。在東原博極羣書。此條不應不見。昀嘗舉此條詰東原。東原亦不應不記。而刻是書時。仍諱而不言。務伸已說。遂類西河毛氏之所爲。是亦通人之一蔽也。

若姑置此書不言。而括其與江慎修論古音者爲一條。則東原平生著作。遂粹然無瑕。似亦愛人以德之一端。昀于東原交不薄。嘗自恨當時不能與力爭。失朋友規過之義。故今日特布腹心于左右。祈刊改此條。勿彰其短。以盡平生相與之情。芻蕘之言。是否可採。惟高明詳裁之。

案隋書經籍志載華嚴經每卷後附以三字母。母下縱列十三字。其第一卷第一行。則阿怱鞞翁烏燒哀翳因安音諳謳阿十四字也。所謂以十四字貫一切音者。則凡舉一字長言而咏嘆之。其音必歸於此十

四字中也。當漢明帝時，已與佛經同入中國，其爲反切證觴，在孫叔然之前，固顯白無疑者。曉嵐先生據史以辨証等韻之孰先孰後，卽有斷斷好同異者。諒亦百喙莫破堅城。廷燦初輯東原事畧時，祇就東原聲韻攷一書，蒐採彙括，方喜其說之剏獲不磨。及先生折簡見示，乃知讀書必公聽並觀，凡學識論斷，總宜平宜確。匪在取新取奇。然以東原之折衷羣言，左右採獲，亦未嘗好騁鋒辨，翻駁前人以自炫，而獨於此書固執成見不移者，則先生之言曰：不欲使西域之學勝中國，不欲使後人之學勝古人耳。此亦何嘗

非篤信稽古。用心於補苴攘斥者之一端。然意嚮稍有偏涉。卽平生著述。不能不留此一段餘憾。此先生所以回環懇欵。切切欲成東原之美。而至於今東原已死。猶必伸理前說。以告天下後世。見公論自在當時。不可罔者也。廷燦卽欲取東原事畧刊去此條。而另採其與江慎修所論古音者。補入歷城周太史永年見之曰。何如兩存其說。一以見東原之博學淹通。未必不有武斷。一以見先生之好古精核。至不肯背負死生。尙論尙友者。不可省括而知所從違乎。因仍存事畧舊本。並附先生札於右。而詳記其顛末如此。

然華嚴字母與釋神珙字母又無論孰先孰後而總
皆可疑。則廷燦又嘗以書質之先生者。

同年公祭陳勾山

兆崙

太老師文

天目之山。演漾苕水。滙於臨安。迴紋疊綺。其兆爲文。波
譎瀾詭。蔚爲國華。鍾太夫子。太夫子生。高標揭已。擔荷
斯文。毅求其是。繙四部書。約六經旨。纂續前聞。追尋正
始。春容大篇。寂寥短紙。濤翻雲湧。淵澄岳止。七字五言。
鼓宮協徵。玉撼金撞。終始條理。奮筆大科。鳳觀虎視。左
右驚披。僵藉走湜。高騫金門。衆山剡嵒。爲國樹人。護粟
鋤秕。維楚有材。輜軒包匭。維補亭師。彌襟表裏。針芥投
合。不差黍絜。歐之有蘇。韓之有李。一瓣香承。尤稱得士。
侍

皇子學嚴恭尺咫道演孔孟治譜姚姒出於暘谷入於
濛汜早夜葵心

天顏有喜游秩卿貳鳴珂故里皓首歸

朝恩加無已庶幾齡遐永膺蕃祉矧某等者淵源勤企
前瞻後顧靈光獨歸講是去非如漂舟楫每病斯文沿
襲骯骯末學庸陋測河以指二者交譏聲蛙色紫太夫
子存立平于市重自取高輕自就底揚生毛羽抑創痕
痍大雅扶輪庶其有豸胡不慙遺華岱傾坻小子後生
何所統紀荔丹芹香敬薦簠簋破戚爲愉有文不死

同鄉公祭桂林相國陳公文

於戲斯文在茲。海若汪洋。交暢發揮。一理闡揚。理學之
幟。南宋初張吾楚濂溪。最先濫觴。關洛代興。賡續發明。
紫陽朱氏。益大以光。程門高弟。曰游曰楊。朱門勁者。推
勉齋黃元之。吳許恪守。傳燈太和河津。前明顏頤代有
作者。承一瓣香。顧諸君子。動遭謗傷。或奇而蟄。或起而
僵。其德不耀。其施不長。較其名業。孰與陸王。王尤邁陸。
戡定家邦。論者斷斷。遂生異同。予考二家。源一流雙。何
朱不競。束手廟廊。將非其人。或不精詳。抑非其時。有虧
有成。爰及

本朝安溪堂堂。儀封之張。睢陽之湯。體與用俱。光被穹壤。理學之盛。至是乃彰。於惟我公。應運篤生。八桂連蜷。五嶺交相。幽芬間氣。鬱爲奇英。被服造次。若水有防。飫程朱學。曰黍稻梁。金門高騫。畫省迴翔。一麾典郡。澄清維揚。疊領方面。屏藩劬勩。遂開幕府。大建旂幢。歷滇吳楚。更粵與秦。天下自任。旱雨川航。梳痒爬垢。蹇蹇匪躬。陽開陰闔。品物咸亨。後由吾楚。

命作股肱。總典夏官。提挈天綱。視漢魏丙。媿唐杜房。純懿遠過。揆席恪恭。仕五十年。何不飽嘗。墨守所學。寵辱不驚。旣倦台鼎。陳請傍徨。進退無忝。

嘉語皇皇。稠恩未有。榮及歸裝。何遽騎箕。返神太空。生榮死哀。存順歿寧。某備九列。儀式秉承。疇昔謂予。楚實故鄉。投契之分。不翅非常。公之勲業。勤施四方。公手訂書。嘉惠無疆。羅縷里漏。撮其始終。遵聞行知。後先相望。斯道擔負。人倫君宗。五嶽之鎮。五星之芒。豈惟我公。程朱不亡。陳詞薦酒。髣髴來享。

爲河南撫軍祭相國總督兩江高公文

嗚呼。華公傾頽。秦淮嗚咽。鼓角橫江。以悲壯。旌幢照海。而蒼黃。河嶽分靈。久寄南天之半壁。股肱一德。頓失萬里之長城。番番格人。風憶三薰。三沐泱泱大國。清餘一鶴一琴。奔趨殿上之金張。

九

重恩疊詠。詠城南之韋杜。五等悲纏。恭惟相國高公。名叶瑤樞。光分斗柄。淹華族望。在豐沛勲戚之間。喬木世家。居魏內謨謀之上。金貂蘭綺。七葉高軒。鐵市銅街。三條貴里。惟公秉金精之氣。釋禍華年。現宰官之身。始基花縣。絃歌雅化。興鄒魯之諸生。循卓推遷。領龔黃之名。

特

郡既而風飄繡牙。觀察河壩。霜寒襜帷。拊循獄市。決排
疏淪。咸利導乎機宜。出入平反。必簡稽乎視聽。禹甸壯
山河之色。古重屏藩。秣陵著保障之勤。功高岳牧。爰膺
簡。開幕府於皖江。遂筦重權。總河防於制閫。率屬擅清
剛之譽。陰闔陽開。乘時得宜。洩之宜。濟航旱雨。公以體
國文武忠孝。儲其全政。在養民水火。木金惟其用。是以
江河茅土。俱錫勲庸。東南諸侯。半歸節制。鸞書翠軸。護
鎖鑰於雄疆。大蠶高牙。控幅員以萬里。况復金甌覆其
名姓。就拜平章。沙路填自臺堦。進叅機密。陶鎔元氣。入
則周召之在鎬京。慎固封圻。出則范韓之經西夏。治內

治外分其績。國之典型。江左江右。轄其全。民有父母。誠
德。孕。灝。博。宜。神明之所扶持。功。滙。汪洋。亦僚吏之所禱
祝者已。廼籌治河之三策。灑沉澹災。恥納溝於一夫。鞠
躬盡瘁。下淇園之竹。方思底績於宣房。辭畫錦之堂。胡
遽上驂乎箕尾。

天

子爲之震悼。典禮哀榮。朝野於焉悲愴。街衢填溢。某等
夙資典則。半列門墻。當東閣之招賢。吐哺握髮。憶山公
之啟事。鑑空衡平。杞梓楓楠。異儲棟樑於廣厦。宮商角
徵。期合笙磬以同音。知已重於感恩。每念疇昔。聞風孰
若親炙。有愧忘情。從此日下舊聞。老臣如在江南。輿誦。

遺愛難忘。議貴議親。猶記溫室之樹。勿剪勿伐。永留召
伯之棠。豈惟褒公鄂公。英姿慘憺。遙知荒服。要服告語。
獻欬。酌薄奠以陳詞。庶靈旂之來格。尙享。

祭大司空羅南川先生文

偉公德之淵涵。稟湖嶽之冲氣息。元運以脉渾。納萬千而交會。毓金玉於鑛璞。貫柯葉於根蒂。神明通而無方。大道咸而不器。是故意氣冰消。塵埃蟬蛻。春盎則融。月霽何礙。偶在險而不驚。亦履盛而如未。蓋嘗論人則無所不爲。惟天純不容僞。孚旣盈而心亨。中无妄而道泰。羔鴈載贄以昭衷。圭璋特達而何价。跡公仕宦五十年。自翰林以洊鼎貴。和順於至正大中。豪不參三而雜二。是惟近於性者。成於學。根於心者。達於事。所謂國之典型。人之著蔡。世有綱維。民有依賴。曲節畸行。不屑尸昧。

昧我思。髣髴望東洋。而仰泰岱。嗚呼公之既薨也。曾不使宅可宅。田可田。尤足厲貪墨。而儆於有位。憶昔癸酉之賓興。蒙也隨貢於計吏。公使粵以還。

朝。煩拂拭而館餽。暨再北以承顏。獲讀書於中秘。辱許與以文章。每秀舉而瑕蓋澤。我道德仁義之中。期我功名富貴之外。嗚呼太夫人與予共高曾。公實我之自出。親懿逝而誰歸。矧又宿承乎提誨。誅詞以哭其私。亦天下所共感。聞。

祭陸大中丞文

伊。古。名。臣。觀。其。出。處。處。植。綱。維。出。膏。苗。乘。至。正。大。中。卓。
立。子。午。數。有。始。終。道。無。仰。俯。於。惟。我。公。作。稽。德。元。性。根。
太。乙。學。討。真。源。書。賢。選。貢。鵬。翮。初。騫。回。翔。閣。部。星。粲。芒。
寒。典。郡。東。魯。洊。歷。屏。藩。物。望。方。歸。嚮。用。方。殷。察。采。

省。注。莫。公。與。倫。公。遽。陳。情。解。印。於。肘。封。還。請。養。曰。臣。有。母。
鄧。尉。梅。林。洞。庭。橘。藪。奉。大。夫。人。怡。愉。上。壽。十。載。子。舍。辭。
榮。篤。守。非。薄。官。祿。有。孚。用。缶。事。值。其。難。美。成。於。久。惟。孝。
實。忠。天。鑒。在。後。呼。門。

詔。起。復。藩。於。東。海。岱。及。淮。冰。不。春。融。按。行。舊。部。灑。然。清。風。

肆觀

東巡彌昭靖恭

皇帝曰。俞予嘉乃心。遂付封圻。來奠湘南。旗纛舒舒。幕府
潭潭。蠲除一概。本廉爲箴。誓灑河潤。遍布商霖。孰饑孰
嘆。孰蔽孰淹。孰桀以敖。孰昧以瘖。載哺載理。載闔載芟。
琴鼓鶴放。綠暗紅酣。乃大合士。稽經角藝。第其材良。擢
其通慧。扶樹風導。試月會歲。因上封章。破除常例。廣額
準才。得增學稅。文治方張。士氣益銳。建言終養。尤倣有
位。孝先之心。陽城之志。秉經植紀。無溺祿利。天下人子。
著誠去僞。凡公擘畫。遠猷崇議。赤墳白壤。咸待埏埴。入

夏。蘊。隆。野。慳。甘。澍。爲。民。請。命。辦。香。徒。步。望。霓。如。焚。日。損。
懌。豫。胡。遽。騎。箕。曾。不。小。駐。記。歲。春。暮。雅。集。文。儒。村。開。又。
一。徑。折。亭。孤。紙。窗。豁。啓。桃。萼。杏。趺。山。有。集。鳥。沼。有。跳。魚。
公。申。讜。論。玉。佩。瓊。琚。旣。舉。芳。尊。公。顧。謂。予。此。地。開。府。遽。
宏。遠。模。武。進。恭。毅。清。忠。獨。無。折。心。延。訪。良。久。歎。歎。予。言。
恭。毅。乃。公。枌。榆。公。心。似。水。公。政。與。符。後。秉。筆者。美。必。合。
書。曾。何。多。讓。若。不。克。如。詎。謂。成。議。日。月。其。除。歡。讌。清。景。
一。失。難。摹。嗚。呼。我。公。忠。亮。正。直。不。竟。其。施。士。民。失。職。楚。
山。吳。水。瞻。望。曷。極。陳。詞。薦。馨。庶。幾。來。格。

祭井塘泉神文

惟神涵元儲精。滴瀝滲漉。當其激湧。穿嶽演漬。惟此一方。週遭境垺。而神胚胎。津潤綫雷。斷續黑蜺。卧潛有鬻。其角蘊利。閤靈慳我。嘉穀居人。斯恐競敝。畚揭濬坎。培封探源。一六爰告。有神鞭笞。蟄跼通氣。騰波化堵。爲沃毋或沈出。毋或沛伏。萬穴滙流。百泉漱實。靈長霑濡。黍稷或或。地不愛寶。民實受福。敬薦蘋藻。用冀漫渥。惟神有仁。尚鑒茲役。

告掃竹廟神文

水清木華。儒宮一畝。社護神呵。滌蕩羣醜。何物么麼。巧
乘子丑。踰垣跳梁。竄緣狗苟。拱而人立。深目舒肘。狂忽
獸奔。高尻下首。拳毛縮項。聚足齧口。伺鷄于棲。夜攘以
手。不辨雙膳。寧留五母。肆其突張。翻巢捕鷄。嚶嚶貫耳。
與常寢偶。奪此與彼。誰執其咎。神實有靈。胡弛綱紐。願
譴族行。投畀淵藪。絡以徽纆。函以械杻。庶宅吾宅。家康
物阜。歲報隻鷄。還侑尊酒。

晉四十一年爲景運。欣吉語之初聞。
圖麟閣以受俘。時當日午。

御鳳樓而頒

詔。福自

天申。衡面雲開。共祝南山之

壽。湖心波淨。永懷

北闕之恩。臣等無任踴躍歡抃之至。謹合

詞恭摺稱

賀伏祈

聖鑒謹

奏

奏

虛舟賦

理必化乎町畦。道無滯於邪廊。一元之運本希夷。兩大之間猶橐籥。水覆坳堂之上。毋置杯以自膠。鯤轉南溟而遙。寧守轍以自涸。是以卮言妙乎漆園。舟喻啟乎秘鑰。宛懸琴而不鼓。奧深藏似隱几之忘形。混沌未鑿。涵靈勿耀。既珠沉乎深淵。入世無心。復舟藏於大壑。象鑑於文豹。豐狐義通於白舫。青雀然而爲舟。在乎利用。觀妙在乎能虛。蓋實者迹所泥。而虛者體之儲。室生白以光明。非闕燭照。風過簫而嘹亮。詎藉吹噓。採赤水之元珠。罔象非同智索。御天風之列子。絕迹豈云拘墟。推

之士旺四時而如寄。鏡涵萬象而不居。五十策爲全著。以不用爲用。三十輻共一轂。而無車有車。可知凝滯而不變。何如渾化以自如。是以舟觸於河。難忘詬誶。而舟虛於內。若任推移。乍疑釣罷歸來。漾蘆花而不繫。還訝人稀利涉。橫渡口而委蛇。豈楂浮八月之濤。隨潮汐於海。若抑蹟留大禹之載。拖烟霧於湘湄。搖桂棹兮空明。若沿若沂。信春風兮澹蕩。何成何虧。遂令觀者忘乎迹。相攸者默與夷。猶日出烟消。誰則歌乎欸。乃帆收浪鼓。並非阻乎石。尤當洞庭之始波。聊同一葉。漾滄洲於每旦。不亂羣鷗。廣會不容。適來夜半之負。中還宛在。依稀。

水大所浮。雖褊心而亦化。卽欲語而何求。向使同牛渚
之夜。聽袁宏以微吟。泛洛陽之波。覩仙李於乍遇。將此
疆彼界。務剖析之甚明。徵色發聲。合強弱而俱怒。乃知
有象斯有對。必刻舟以痕求。忘象自忘言。如解筏而迷
渡。將欲使之意消。要在化乎膠固。我

皇

上回旋太虛。偕運元化。道已契乎先天。器不資乎形下。淵

澄上善。轉巨艦於一毛。楫作奇材。利大川於有夏。共仰
宸居之廣運。符真宰於月窟天根。猶摘南華之妙諦。葆冲
襟於細旃廣廈。

雙梧賦

展。隄。臯。而。得。曠。俯。清。遠。之。湘。流。貯。遺。經。於。古。屋。聚。學。侶。
以。旁。摻。豁。軒。櫺。而。洞。達。凭。欄。檻。而。夷。猶。偉。雙。梧。之。挺。寄。
落。瘦。影。其。寡。儔。參。霄。漢。以。孤。舉。雜。講。誦。而。颺。颺。伴。從。容。
於。清。涼。如。茹。吐。於。清。幽。遲。衆。木。之。旣。榮。理。新。緒。以。徐。抽。
舒。茂。蔭。於。長。夏。滌。煩。熱。而。遮。稠。俄。下。堦。其。一。片。根。反。貫。
於。先。秋。刊。柯。葉。之。繁。縟。旋。神。蟄。而。貌。孳。兀。枯。株。於。雀。立。
半。死。根。於。蟻。會。排。風。雷。以。不。戰。亦。何。去。而。何。留。彼。大。木。
之。拔。山。齊。回。首。於。萬。牛。誓。永。承。乎。柱。礎。庸。有。待。於。雕。鏤。
倘。琴。材。之。忽。薦。莫。盤。桓。於。息。游。徒。抑。按。以。供。翫。如。荏。撞。

與。黃。桴。諒。無。調。平。宛。楸。寧。響。秘。而。聲。收。均。百。尺。於。五。絃。
不。鍵。戶。而。裏。餽。予。株。守。於。丹。墨。感。歲。紀。之。警。遁。索。微。言。
於。同。志。尋。逸。軌。於。前。修。仰。雙。幹。之。對。峙。映。高。霞。其。相。摶。
錫。短。亭。以。嘉。名。時。小。憇。而。炯。眸。